

NDLELA YA MUPROFETA

WA NTIYISO WA XIKWEMBU

 Hikokwalaho ka yini, i mixo lowunene, vanghana. I mixo wa kahle swinene, na nkarhi wa kahle wa kuva lahawani. Ndzi tsakile kuva ndza ha hanya mixo lowu, ni ku tlhela ndzi va kwalahawani na nhlengeletano nakambe. Ku na swilo swotala ngopfu leswi swi nga humelelaka hi xinkadyana xintsongo. Nakona a hi wu tivi nkarhi lowu hi nga ta vitaniwa hi wona, ku ya hlamula, ehenhla eka Khoto leyikulu. Nakona hi lava ku tilulamisela leswaku nkarhi wun'wana na wun'wana, leswaku hi nga hava na ku rhula.

² Kutani ndza khensa swinene, tani hilaha ndzi nga vula. Hikuva, a ndzi ri kona kwala vusiku bya Sonto, nakona a ndzi ri karhi ndzi vulavula na vanhu... Ndzi chumayerile hi vusiku bya Sonto, nakona ndzi lava ku khensa Makwerhu Roberson, hinkwerhu n'wina mi nga kota ku nghena, kuva mi tiphinile hi Hungu ra vusiku bya Sonto, "Hi na swilo hinkwaswo." Nakona swingaleswi ndzi... Nkarhi wun'wana a ndzi ehleketi leswaku ndzi ta vulavula, ntsena ndzo titela ku ta vona Makwerhu Neville. Nkolo wa—wa yena wu na maendlelo yo kotisa ku pfuma ka nyoxi ehansi lahaya. Ndzi ehleketa, "Makwerhu wa xisiwana, loko hi leswaku a nga ndzi vitana vusiku lebyi, ndzi taya ndzi ya pfuna, kumbe ku endla swin'wana leswi ndzi nga swi kotaka." Hikuva, ndza switiva leswaku sweswo i yini, loko u karhele u tlhela u fambela hi rito, nakona u chumayele hi ku tika mixo walowo. Kutani swingaleswi ndzi—ndzi n'wi khomerile vusiku bya Sonto. Kutani swingaleswi hi—hi... Ndza ku khensa, swinene.

³ Sweswi ku na swikombelo swotala, va ri, swa xikhongelo. Kutani ntsena a hi va tsundzukeni, ku sungula, hinkwaswo swikombelo leswi. A hi korhamiseni tinhloko ta hina sweswi.

⁴ Tatana wa hina loyi a nga eMatilweni, ku tsariwile leswaku hi fanele ku nghena etinhlengeletanwini ta Wena hi ku khensa etimbilwini ta hina, hi endla leswaku swikombelo swa hina swi tiveka eka tinhlengeletano leti ta Vakwetsimi. Nakona hi na swotala swa swona, emixweni lowu, swo tala ngopfu, laha hi nga switiviki leswaku hi nga swi tisa njhani eka Wena, kambe Wena wa switiva. Ku na swotala leswi hi nga vulavulangiki hi swona. Wa switiva Wena, na swona. Swingaleswi, ha khongela hi timbilu ta hina hinkwato, tani hilaha hi swi endleke Sonto lowu wu nga hundza na vusiku eka Sesi Shepherd, Buti Shepherd, na n'wana. Laha kwalahaya... Hi nga tlhela hi vuya, Moya lowo Kwetsima

wu teri, "A nga na byona vuvabyi bya swimungwana. U ta hola." Hi vile naku eneleka ka njhani loko hi tava hi swi twile hi Wena.

⁵ Sweswi ha kombela mixo lowu leswaku U ta hi nyika swikombelo leswi swa vavabyi, eka mindyangu leyi yi nga na gome, hikokwalaha ka varhandziwa va vona, na hinkwavo lava ku nga vulavuriwa hi vona, Tatana. Ha khongela leswaku U ta tsundzuka un'wana na un'wana wa vona. Kutani ndzi nyika xikhongelo xa mina, na xikhongelo xa vanhu lava, emahlweni ka Wena; xi hlengeletiwe kun'we, kutani xi rhumeriwa eka Wena, hi Vito ra Yesu Kreste. Hi yingisi, Tatana, ha khongela. Amen.

⁶ Ndzi lava ku khensa un'wana na un'wana wa n'wina eka swikhongelo hinkwaswo leswi a mi ndzi khongerisa. Loko ndza... Ma swi tiva leswaku ndzi vile na ku bulukeriwa nyana ehansi eka rixaxa leri ri nga lahaya. Kutani Sathana u ringete ku ndzi dlaya. Kutani—kutani, xivangelo, a nga swikotanga ku swi endla. Huu. Ee. Xikwembu a xi nge se heta ha mina. Swingaleswi a nga ta swi kota ku swi endla ku fikela laha hinkwaswo swi helaka. Loko Xikwembu xi tava xi hetile, kutani ndzi tilulamiserile. Kambe mina... Munghana wa mina wa kahle, Makwerhu Wood, ehansi lahaya, kova ntsena tintswalo ta Xikwembu, kumbe ntsena a ta kumeka *lahawani* ehansi, ku ngari *lahawani* ehenhla. A kuri ka kwalomu ka ntlhanu kumbe ntsevu wa tithon leti ti nga buluka *leti* a tiri ekusuhi na xikandza xa mina, tani hi *sweswo*. A swi kalanga swi nga ndzi vavisa na swintsongo. Wa vona? Swi lo tshumula xikandza xa mina nyana. Swingaleswi, leswaku, kunene, swi sukile sweswi, ntsena kulo sala nyana ku ntsongo *lahawani*.

⁷ Swingaleswi, ndzi lava ku khensa Buti na Sesi Dauch lava va nga kwalahawani. Makwerhu Brown, na vona, lava va nga switwisisa hi ku vulavurisana hi riqhingho leswaku va hlengeletanini, ntlawa wa vanhu, va ndzi khongeleta. Kutani sweswo hi swin'wana, swi mi endllelaka swin'wana. Ma swi tiva, mi khongeleta van'wana, na hinkwaswo, kutani loko u swi kuma leswaku un'wana u le ku ku khongeleteni loko u xi lava, sweswo swivula leswaku vunyingi hinkwabyo. Nakona ndza switiva leswaku votala van'wina a mi kalanga mi foyina, kumbe swin'wana, kambe ntsena mi endle swo fana. Nakona swivula swotala eka hina. Kutani xexo hi xona xivangelo xa kuva ndzi... a ku kalanga ku ndzi vavisa. Xikwembu xi ndzi pfumelerile leswaku ndzi hanya. Kutani swingaleswi ndzi khensa ngopfu.

⁸ Sweswi, ndzi na switiviso swin'wana loko ntsena hi nga se katekisa vanakulorhi lavantsongo. Sweswi, vusiku lebyi, ku na xikhongelo a tabernakeleni. Nakona n'wina hinkwerhu lava mi nga ta lahawani a tabernakeleni, mi tela xikhongelo lahawani. Kutani swingaleswi hi... Ndzi taya ndzi ya vulavulela Makwerhu Ruddell, vusiku lebyi, ehenhla lahawani eka hayiweyi, un'wana wa vamakwerhu va vaendzi va

hina. Kutani swingaleswi, loko ndzi ta tlhela, loko ndzi ri na vusiku byin'wana, ndzi lava ku ya eka Makwerhu Junie Jackson. Kusuka kwalaho kuya eka buti loyi a nga a Sellersburg, hi n'wi kolota vusiku byin'we kuva hi ri kwalahaya, kutani swingaleswi hi lava ku ya hi ya n'wi vona. Na buti loyi a nga eUtica, hi kumeka eka vusiku lebyi loko hi ta swikota.

⁹ Vhiki leri ndzi ta suka a Green Bay, Wisconsin, tani hilaha mi swi tivaka, kuya eka khonivhexini ya xifundzha ya Full Gospel Business Men.

¹⁰ Sonto lowu wu landzelaka, ndzi tava ndzi ri eka xikolo xexo xa le henhla, lexi xi nga ehenhla lahaya, lexi ndzi ngaya ro hetelela kwalahaya. Ndzi rivarile vito ra odithoriyamu ya xikolo xexo xa le henhla. [Makwerhu a ku, "Mather."—Muhleri.] Hi xona mani? ["Mather."] Mather. Stephen Mather. Ina. Hi xona. Odithoriyamu ya xikolo xa le henhla.

¹¹ Kutani, hi Muvhulu, ndzi tava ndzi ri eka khonivhexini laha ndzi nga tshama ndzi va naku vulavurisana na nhlangano wa tiministara a Chicago, nkarhi wo hetelela kwalahaya. A hi ri eka ndhawu yaleyo eka nhlengeletano yo lelana na Makwerhu Joseph Boze, loyi a yaka a Tanganyika. Tanganyika, ndzi pfumela leswaku u ku vitanisa xiswona. Na le Kenya, nale Durban, na kwalahaya, ku ya endla vululamiselo bya tinhlengeletano ta mina leti ti taka eka ku hela ka nguva loku ku taka; nale Afrika, kutani kuya fika eAfrika Dzonga. Kutani ha mi kombela leswaku mi hi tsundzuka eka xikhongelo eka tinhlengeletano leti. Kutani hi vuyela endzhaku.

¹² Nakona a ndzi switivi laha ndzi nga tava na nkarhi wo nghena, siku rin'wana a tabernakeleni, kumbe ndzi nga ngheni, hi nga si ya ehenhla a North Carolina. Kutani, kusuka kwalahaya, kuya eSouth Carolina. Kutani kusuka kona hi ya a Cow Palace a Los Angeles, a South Gate. Kutani kwalaho hilaha ndzi tshembhaka leswaku ndzi taya ndzi ya vona Nkul. Weatherby, un'wana loyi a nga endla xibalesa laha xikhamba xa xona xi nga buluka eka xona.

¹³ A nga kalanga a va na ndhawu leyи ringaneleke ya nhloko leyи nga tlhelelaka endzhaku swinene, kutani yi pfumelela xikhamba xi sukumeta xi tlhelela endzhaku ematshan'wini ya kuya emahlweni. A xi ri xibalesa xa khale ntsena ndzi n'wi tlherisele xona. U vuye a xi borha, kutani, a xi endla xi va hi muxaka wun'wana wa xibalesa. Ndzi vekerile xikhamba eka xona, ndzi xi yimisa ku ta duvula, nakona xona, kunene, xi phatlulerile xibalesa kurhendzeleka hi majarata ya makume ntlanu lawa ya nga ndzi rhendzela, tani hi sweswo, xin'okela evokweni ra mina. Barele yi tlurhuka yi ya eka layini yo ringana makume ntlanu wa majarata, bawuti ri haha ri ya endzhaku ethelo ka xivala xa ndhakazi, makume nharhu, mune wa makume wa majarata endzhaku ka mina, kutani swiphemu-

phemu swa qulu swi haha swi ya ba maphantsu ya minsinya na swin'wana. Swingaleswi *sweswo* a swi ri ekusuhi na tihlo ra mina, ntsena kwalomu ka inci yin'we, loko swi tava swi humile hi ndlela yaleyo. Kutani loko xi tava xi pfurhetekile . . .

¹⁴ Kutani xibalesa xexo xi ta yima xi ri na makume ntsevunkeye wa madzana hi ku tika ka matimba yo susumeta, hi xoxe, handle ko pfurhetela. Swingaleswi mi nga ha swivona leswaku a kuri tani hi kwihi eka xona, ku swi endla *sweswo*. Nakona tsundzukani, loko xi ta pfurheterisa *xisweswo*, a xi tava xi pfurhetete nhloko ya mina na makatla na wona, ma swi vona. Kambe a kuri na Hosi leyi a yi yimile kwalahaya, leyi yi nga xi pfumelelangiki kuva xi ndzi vavisa, ntsena xi lo ndzi hala a xikandzeni. Kutani xipetlu nyana xa qulu xi nghena etlhelo ka tihlo ra mina, xi endla ringi a tihlwani, kambe a xi khumbhangku vona, loko xipetlu lexi xa nsimbhi xi nghena endzeni. Xin'wana xa swipetlu leswikulu leswi swi nga nghena enhlokweni swi ye swi ya rhendzelatihlo, a swi nghenanga a tihlwani, hambi swi ri tano. Oho, mina!

¹⁵ Kungari khale ngopfu, matsundzuka, ndzi mi byerile leswaku U hlanganile na mina a kamareni, kutani a ku, "U nga chavi, hikuva Vukona bya Yesu Kreste lebyi byi nga hlulekiki byi na wena hilaha ku nga heriki." Wa vona? Wa vona? Swingaleswi *sweswo* swa swi khorwisa, leswaku hi Yena.

¹⁶ Dokodela loyi a nga ndzi languta tihlo ra mina a Louisville, u teri va tsalerile Dr. Sam Adair loyi a nga lahwani, munghana wa hina, leswaku, "Lexi ndzi nga xivulaka ntsena, hi leswaku Hosi a yi tshamile kwalahaya mixo walowo na nandza wa Yona ku n'wi sirhelela, handle ka swona a tava a nga vanga na yona nhloko kumbe makatla." Swingaleswi, A ri kahle eka mina hakunene, nakona ndza swi amukela *sweswo*. Swa ndzi tshuneta nyana swintsongo. Minkarhi hinkwayo swi endla ku hambana nyana.

¹⁷ Kutani, masiku mambirhi endzhaku ka *sweswo*, masiku manharhu, endzhaku ka loko ndzi ya emahlweni na nhlengeletano ya mina, laha a ndzi ri na nxaxamelo a Canada, munhu, handle ka ku tiva swin'wana ha leswi, u ndzi vitanile, nakona a fanelu ku tlherisela nhlengeletano endzhaku. Wa vona? A ndzi fanele ndzi ri epatwini lahaya, nchumu lowu a wu humelerisanga *xiswona* *sweswo*. Wa vona? Kutani swingaleswi ndzi foynela endzhaku, nakona a ndzi fanele ndzi teka nhlengeletano, nhlengeletano wa ma Canadian. Nakona *sweswo* a swi fanele kuva hi Mawuwani, mavhiki yo hetelela hi Mawuwani. Kutani ndzi ya emahlweni a Dawson Creek, kusuka kona kuya a Anchorage, Alaska, loko Hosi yi swi rhandza.

¹⁸ Sweswi, ku hava na yin'we eka tinhlengeletano leti leyi ndzi faneleke ku rhanga ni ya eka yona, ku hava na yin'we. Kambe a ndzi ehleketi hi ku tshama lahwani ximumu hinkwaxo, ndzi tshama ndzi rhendzeleka kwalahawani, kuveni vanhu vale ku

feni hinkwako. Ndzi fanele ku byala Timbewu, hambi ku ngava yini, a swi na mhaka ni leswaku yini. Loko yi nga mili, loko swinyenyana swa mpfhuka swi yi kuma, hambi ku ngava kuri yini, ndzi lava ku byala Timbewu, hikuva U ndzi nyika tin'wana leswaku ndzi tibyala. Swingaleswi ndzi—ndzi ya eku byalen'i ka Mbewu hi ndlela yin'wana. Sweswi, hi na nkarhi lahwani leswaku ndzi... .

¹⁹ Vanhu votala, leswi va swi vulaka ku, "khuvula" swihlangi leswintsono eka ripfumelo ra Xikreste. Kunene, sweswo hi swona hinkwaswo, loko mi nga swi endla sweswo. Sweswo swi le ka n'wina. Hikuva, hakunene-nene a vo va khuvula. Ntsena vo va haxa hi mati ehenhla ka vona. Kambe, eka mina, ndzi tsakela ku tshama ntsena na leswi Bibele yi nge ndzi endla swona. Swingaleswi, ntsena leswi Rito ri swivulaka, sweswo hi leswi ndzi lavaka ku swi endla, ntsena leswi Yi swi vulaka. Kutani, sweswi, a ndzi—ndzi yi kumi ndhawu a Bibeleni... .

²⁰ Eka Testamente ya Khale, a va tisa vana leswaku va ta yimbisiwa enyameni, lavantsongo va xinuna, kutani manana a nyika ku nyikela ka ku basisiwa, hi swituvani swimbirhi kumbe xinyimpfana.

²¹ Kambe, eka Testamente leyi Ntshwa, ndhawu yi ri yoxe laha ndzi nga kumaka ku kwetsima ka ntirho lowu wa kahle wa... . I ku nyikela. Va tisile ticece eka Yesu, kutani U va tlakurile a mavokweni ya Yena a va katekisa. Sweswo hi leswi vatswari va swi endleke hi siku ra Yena. Nakona vutomi bya Yena byi xikombiso xa leswi hi faneleke ku swi endla. Wa vona? Swilo leswi U swi endle leswaku kuva xikombiso.

²² Sweswi, ntsena hi teka lavantsongo, nakona va va tisa eka hina, nakona ntsena hi va tlakulela eka Xikwembu, kutani hi kombela minkateko ya Xikwembu ehenhleni ka vona, kutani hi khongela xikhongelo xo nyikela kusuka eka manana na tatana, kuya eka Xikwembu, tani hiloko va ha tisa vana va vona. Nakona... .kumbe kuva nyikela eVitweni ra Yesu Kreste, ku fikela laha va nga kula ku enela leswaku va nga ha khuvuriwa eVitweni ra Yesu Kreste. Kutani sweswi, U teri, "Hambi hi endla yini hi rito kumbe hi ku endla, swi endleni eVitweni ra Yesu Kreste." Swingaleswi—swingaleswi sweswo hi leswi hi tsakelaka ku swi endla.

²³ Kutani sweswi, loko sesi a ha chaya xinsin'wana lexi kahle, sesi, hi na leri nge, *Va Tiseni*. Kutani vamanana na vatatana lava va nga na swihlangi leswintsono leswi swi nga se tshamaka swi katekisiwa eka Hosi, loko mi nga va tisa sweswi, loko nhlengeletano, hi va yimbelelela kahle sweswi, risimu. Ina.

Va tiseni, va tiseni,
Tisani lavantsongo eka Yesu.

²⁴ Ndza va rhandza vanakulorhi lava lavantsongo. Ku na swin'wana ha vona leswi swi nandzhaka.

²⁵ Ndza bvumbha loyi hakunene i mu Italian. A hi yena xana? Hi swona. Ndyangu wa ma Italian, i vantsongo lava va lavaka ku katekisiwa. Sesinyana wa mu Italian wo huma kwihi, oho, kusuka a Chicago, u kona kwalahawani. U teri, "Lowu i ndyangu wa ma Italian, mixo lowu, kambe a ndzi yi eku chumayeleni."

²⁶ I mani vito ra yena? Jonathan David, vito ro saseka njhani! Sweswi, Jonathan. U teri tatana wa yena u—na vito ra xi Italiya, nakona u na... U lava leswaku n'wana wa yena a thyiwa vito ra le Bibeleni.

²⁷ Ma swi tiva, a kuri na mu Italiya lonkulu a Bibeleni, hi vito ra Koneliya, nkarhi wun'wana, ma swi tiva. A ri na bende, nakona a ri kahle, nakona aririsa vanhu lava va nga swela hi mali, loko a ha ri wa Matiko, hambi swi ri tano. Ma xi tiva xitorhi. Kutani siku rin'wana Ntsumi yi yile endlwini ya yena, yi n'wi byela leswaku a rhumele munhu loyi a tivaka nongonoko wa Xikwembu. Kutani yena... Ma xi tiva xitorhi. Loko, a ha ri na vona vanhu lava va xiximaka Xikwembu! "Loko Petro a ha vulavula Marito lawa, Moya lowo Kwetima wu xikela ehenhla ka vona." Hi swona sweswo. Ndza khongela leswaku n'wana loyi a va wa muxaka wa lowo wa munhu loyi, vito rin'we.

²⁸ Jonathan, wo saseka! Xana ndzi nga n'wi tlakula? Tana, Jonathan. Mina, i buwa ra njhani ra chukele eka ndyangu lowu!

A hi korhamiseni tinhloko ta hina.

²⁹ Tatana wa hina wa le Matilweni, malembe ya hundzile, tani hi xitorhi lexi ndzi xi tshaheke, xa wanuna wa kahle hi vito ra Koneliya, loyi a ri wanuna wa kahle, wo lulama, loyi a ririsa lava va nga swela hi mali niku rhandza Xikwembu. Kutani Ntsumi ya Xikwembu yi xikele endlwini ya wanuna yaloye. O Xikwembu, ha Ku nyika, emixweni lowu, Jonathan David lontsongo. Ndza khongela, Tatana wa le Matilweni, leswaku tani hilaha ndzi n'wi tekeke kusuka emavokweni ya manana wa yena na tatana, loyi a n'wi tisaka eka Wena... Ndzi nyikela xikhongelo lexi xa ku nyikela vutomi bya n'wana loyi bya ntirho wa xikhongelo eka Wena, ku katekisiwa ka le ndyangwini, ribye ra kahle leri ri tlhavaka goza kuya eKerekeni. Hi nyike swona, Tatana. Ndzi Ku nyika Jonathan David lontsongo, hi Vito ra Yesu Kreste. Amen.

³⁰ Xikwembu a xi ku nyiki tintswalo ta Xona ni ku n'wi pfuna eku kuleni ni le ku yingiseni ka Xikwembu.

A xi ku katekisi, Jonathan David.

³¹ Sweswi, loyiwani, mina, wa hari ntsongo hakunene, kumbe i wa xisati xana? Wa xinuna? Mina, muchumayeri un'wana loyi a nga ekuteni, ndza tshembha. I mani vito? Micah. Micah. A ndzi vulavula na yena emixweni lowu. Micah Edward. Edward, lero i vito ra kahle. Sweswi, nsati wa mina a nga ha endla leswi swo hlaya hi ku antswa loko swi ta eka ku n'wi tlakula, hikuva minkarhi hinkwayo ndzi chava ku va tshova loko va ha ri vantsongo. Wa vona? I nchumu wo titsongahata njhani

lowuntsongo, swimahlwana swa vona swo halahala hinkwako. Wa ha ri ntsongo. I wa rini? U na nhweti yin'we.

A hi korhamiseni tinhloko ta hina.

³² Tatana la nga Matilweni, vatekani lava lavantsongo nakambe va ta lahawani ku ta Ku nyika mbuyelo wa ntwanano wa vutomi lebyi U nga va nyika byona, ku kurisa eku tshinyiwemi hi Xikwembu. Katekisa Micah loyi lontsongo. Xikwembu, ndza khongela leswaku U ta n'wi endla wanuna wo kotisa Mikya wa le Bibeleni. Hi nyike swona, Tatana. N'wi nyike minkateko ya Xikwembu. Katekisa tatana wa yena na manana, nakona n'wi endla a va na nhlohloteloh lahawani a misaveni, ribye leri ri tlhavaka goza hi xivangelo xa Kreste. Kutani sweswi, hi yingiseli, Tatana, ndza Ku tisela, kusuka emavokweni ya tatana na manana, ku ya emavokweni ya Xikwembu, Micah Edward lontsongo, hi Vito ra Yesu Kreste. Amen.

³³ I ngaku Hosi yi nga n'wi katekisa, a xi mi katekisi, tatana na manana, ku n'wi kurisela eka ku tshinyiwa hi Xikwembu.

Ndzi pfumela leswaku swi herile. [Xivati lexi xi nga riki na nchumu eka thepi—Muhleri.]

³⁴ Oho, ntsena ndza va rhandza vanakulorhi lava lavantsongo, ntsena un'wana na n'wana. Leswaku, un'wana na un'wana, i n'wana wo saseka ngopfu emisaveni. Ntsena a ku na xilaveko... Loko ndzi ta tisa Joseph lontsongo ekaya, sweswo, a kuri ku tshembheka, nakulorhi lontsongo wo biha ngopfu loyi ndzi nga se tshamaka ndzi n'wi vona, kambe manana wa yena na mina a hi ehleketa leswaku a ri n'wa-mpompi. Kambe yaleyo i ndlela leyia yi ri xiswona, ma swi tiva. Sweswo i... Ntsena hi ehleketa sweswo.

³⁵ Ndza hlamala, mixo lowu, van'wana va swirho swa hina lahawani. A kuri na-na... Sweswi, tihlo *ler* ri na vuxungu eka rona, laha ri humesaka papa swinene. Kambe Sesi Nash... Vutisa Makwerhu Nash; ndzi nga hlamala loko a horile. I... Va kona lahawani xana? Oho, kunene, ina, u kona lahawani. A ku dzunisiwi Hosi, Makwerhu Nash. Sweswo, sweswo swi kahle.

³⁶ Sweswi, Sesi Edwards, u kona lahawani xana? Ku... Kumbe, Sesi Shepherd, loyi a ri na xinhwenyetani, lexi ntsongo lexi a xi vabya, xi horile sweswi? Swi kahle. Ndzi kumile mahungu, nakona nchumu a wu ri ntsena kwalomu ka ntlhanu wa timinetse ku fikela laha ndzi vaka na vanhu, lava va humaka a dorobeni, va tela nkonganiso. Ndzi tsutsumele ekamareni ni ya khongela, va teri n'wana u khoma hi swimungwana, mavoko na milenge a swi khomiwa hi vusindze. Kutani ndzi tsutsumile ndzi ya khongela, kutani ndzi ku, "Ndzi tata loko kereke yi huma." Ndzi byerile Loyce leswaku a foyina a byela manana loyi leswaku ndzi ta fika loko kereke yi huma; loko a ndzi lavile, ku ndzi foyinela. Kutani loko ndzi nghena ku ya khongela, Moya wu-wu teri, "A kuna

swimungwana. U ta hola.” Ndzi tile, kunene, hinkwerhu hi vile na xikhongelo lahawani ekerekeni. Sweswo swa swi tshamisisa.

³⁷ [Sesi a ku, “Makwerhu Branham?”—Muhleri.] Ina, manana. [“Hi yile eka dokodela hi Muvhulu, endzhaku ka loko u n’wi khongelerile ro sungula, kutani puluresi hinkwayo leyi a yi ri axifuveni xa yena a yi sukile, yi suka enkolweni wa yena.”] A ku dzunisiwi Hosi! Xikhongelo xi ncincia swilo.

A ku, a nga kona lahawani, mixo lowu, hi yena, sivara xana? Ina.

³⁸ Sonto lowu wu nga hundza, nkarhi wo hetelela lowu ndzi nga chumayela lahawani, Sonto a vhikini, a kuri na nakulorhi lontsongo a tshame lahawani; a ndzi tshamela ro n’wi languta. Ndzi ehleketa, “A ndzi fanele ku tiva jaha lero.” Kutani ndzi ta ndzi ta kuma leswaku, a ri jaha ra khale leri a ri nghena na n’wana wa mina xikolo, Jim Poole. Hikokwalaho ka yini, hi kule swin’we, kusukela loko ha hari vafana lavantsongo, ku ya ehenhla. Hi un’wana loyi ndzi ngava na khombo ra xibalesa xa shotgun ni ri na yena, nkarhi walowo, kutani endzhaku u vile na rin’wana na yena, kutani munghana wa mina. Ndzi tshembha leswaku ndzi nga ri yisa jaha lero eka Kreste. Ndzi ringetile tata wa yena hi ku tika. Ndza pfumela leswaku ndzi ta swikota, hambi swi ri tano, ndzi ta n’wi nghenisa. Ndzi tshembha leswaku ndzi nga ha rhangela nakulorhi yaloye lontsongo. U na... Ndzi n’wi langutile hinkwako. A languteka a ri na swa kahle, leswi ndzi swi vitanaka (mi nga ya tirhisi marito lawa eka un’wana), kambe, ku zinginyika ka moyo wa yena, ma titwele ya kahle. Ndzi pfumela leswaku a swi nge teki nkarhi wo leha ku yisa jaha lero eka Kreste. Swingaleswi a hi n’wi khongeleleni. Hi swona sweswo.

³⁹ Kutani, buti, wa vona, un’wana wa vabya, kumbe swin’wana, loyi ndzi ringetaka ku ehleketa ha yena.

⁴⁰ Hambi swi ri tano, ha khongelelana hinkwerhu. Kutani nkarhi wun’wana loko... Loko mi rhumela xikombelo, tsundzukani, tani hiloko ndzi xi kuma... Nsati wa mina u le muakwini kun’wana, ndza ehleketa, swingaleswi wa switiva. Ntsena loko ndza ha ku kuma xikombelo, lexi xi kongomaka ekamareni ra mina ro dyela kona, ndzi ya eku khongeleni, kutani ndzi tshama kwallahaya ku kondza ndzi twa swin’wana. Ntsena a ndzi xi tshiki.

⁴¹ Siku rin’wana, loko Sam, Dr. Sam, u susile nchumu walowo wu suka etihlwени ra mina, a ri eku ringetenı, nakona ku n’wi karhatile ngopfu, a fanele a vekela thawula a xikandzeni xa mina. A ku, “A ndzi fanelanga ndzi vona ngati ya chomi ya mina” A ku... Nakona a ndzi hlamba eka yona, ma swi tiva. U teri—u teri, “Ntsena a ndzi nge swikoti ku swi endla sweswo na ku tirha eka yona.” Wa vona? Kutani swingaleswi u xi kokile

a xi humesa. Kutani hi siku leri ri landzelaka a ri a xibedlhele. Swingaleswi ndzi n'wi khongelerile, kutani u humile a horile.

⁴² Kutani hi siku ra vumbirhi, nsati wa yena, a va nga switivi hambi kuri ku swi tiva leswi swi nga hoxeka ha yena, a ehleketa leswaku u khome hi swimungwana. Wa vona? A ku, kutani a ku... Kutani ndzi n'wi khongelela, kutani sweswi u le kaya u horile. Swingaleswi hi nghenile ekamareni, Doc... Hi yile a hofisini, kutani u... Hi pfarile rivanti swin'we, a ku, "Sweswi, Makwerhu Bill, ndzi lava ku ku vutisa swin'wana." A ku, "Xana u ta ndzi khongelela mina na Betty?"

Ndzi ku, "A hi. A hi khongeli."

⁴³ Swingaleswi, hi un'wana loyi Hosi yi nga kombisa xivono ha yena, laha a nga ta aka kona kiliniki. Ma, ma xitsundzuka xitorhi. Loko mi xi kanakana, fambani mi ya n'wi vutisa nkarhi wun'wana. Ina, ntsena a ku, "Ntsena pfumelela munhu un'wana na un'wana a nghena." A ku, "Ndzi swi byerile khume ra magidi ra vanhu."

⁴⁴ [Makwerhu a ku, "Makwerhu Branham?"—Muhleri.] Ina, makwerhu. ["Eka lava va nga lahawani mixo lowu nakona va vekela ripfumelo ro tala etimbilwini ta van'wana: mixo wa Sonto wa Paseka, u vitanile moya wa nkoka lahawani, wa vunharhu, laha a ri wanuna. U teri u huma a Seymour. Nakona u teri, hi ntoto wa Moya lowo Kwetsima, 'Va ku vitana, "Bill.'" Ndza n'wi tiva wanuna loyi. Ndzi n'wi tiva kahle. Kutani endzhaku ka loko hi sukile lahawani, vito ra yena i Isaac. Va n'wi vitana 'Bill.'"] Ina, nkulukumba. Wa vona?

⁴⁵ Vito ra yena kahlekahele i Isaac. [Makwerhu a ku, "Hi swona sweswo."—Muhleri.] Kambe va n'wi vitana Bill. ["Hi swona sweswo."]

⁴⁶ Moya lowo Kwetsima a wu endlili xihoxo. Hi lowu wu nga tiviki ku hoxa. Sweswi, leswi, un'wana a ri eku vulavuleni, a ku... Ndzi—ndzi na makume ntlhanu-nharhu, kutani xa vunharhu, kwalomu ka makume nharhu-n'we wa malembe, ndzi ri a phulphitini, kutani ndzi N'wi vonile eka khume ra magidi ra swilo.

⁴⁷ Tolo, a ndzi ri ehansi, ndlela yo ya ehansi, Kentucky ya le dzongeni, a bodaren ya le Tennessee, nakona a ndzi tshamile a xikepeni na Makwerhu Daulton, loyi Hosi yi nga n'wi nyika hinkwavo vana va yena. Ma wu tsundzuka mixo wun'wana lahawani, loko a tava a sungurile. Kutani a ku, "Makwerhu Branham," a ku, "Ndzi pfumela leswaku swi ta mi tikela ku swi pimanyeta."

⁴⁸ Ndzi ku, "Oho, Makwerhu Daulton, khume ra gidi ku andzisa hi khume ra magidi ya swilo swo kotisa sweswo."

A ku, "Hikokwalaho ka yini u nga ringeti ku tsala buku" (Ndzi ku...) "ya swona?"

⁴⁹ Ndzi ku, “Oho, mina, Makwerhu Daulton, swi—swi ta famba swi hangalaka na xikepe lexi lahawani, na encyclopedia, ntsena tivholumu ta tibuku leti ndzi nga vona Hosi yi swi endla. Nakona ku hava na nkarhi na wun’we A nga tshama a tsandzeka, wa vona, ku hava na nkarhi na wun’we; kambe, hi ku hetiseka nkarhi wun’wana na wun’wana.”

⁵⁰ Ndzi vona, ndza pfumela sweswi, loko ndzi nga hoxisi, nhwana wa Makwerhu Shepherd, a nga na mpanhla yo languteka yi ri ya muhlovo wa lamula. Ndzi ehleketa sweswo. Ndzi yime ekusuhi na yena, mixo wun’wana. A ri eku fambeni, kutani ndzi ehleketa leswaku ndzi nga ha va ndzi tekile nhwana wo hoxeka, swingaleswi ndzi sukile. Swingaleswi a kuri mina loyi a nga yimisa, sesi yaloye. A ndzi—ndzi ehleketa leswaku a ri nhwana wa Makwerhu Shepherd, ndzi n’wi tekile, hikuva a ndzi ehleketa leswaku nkarhi wun’wana movha wa yena wu nga hava wu tshovekile kumbe swin’wana. A hi ya, hi ya teka Becky. Kutani a ndzi ehleketa leswaku a nga hava a ri nhwana wo hoxeka. Kambe sweswi ndza n’wi vona u tshamile na vona lahaya, swingaleswi ndzi—ndzi pfumela leswaku a ri nhwana wa kahle. Swingaleswi yaloye a ri mina loyi a koka kwalahaya kutani ndzi yi koka hi famba.

⁵¹ Swingaleswi, un’wana na un’wana wa n’wi rhandza Hosi Yesu xana? Oho, swisasekile! Ntsena sweswo swi kahle swi tlhela swi saseka. Amen.

⁵² [Makwerhu Neville a ku, “Makwerhu Willard ntsena wa ha ku nghena.”—Muhleri.] Kunene, Makwerhu Willard, hi tsakile ntsena kuva na wena loko u nghenile. Nakona u languteka u saseke ngopfu, na wena, ku antswa hilaha ndzi ku vonaka. Havumbirhi bya hina hi na maendlelo ya nyama leyi yi nga swekiwa, ku rhendzeleka hi xikandza. Ndzi languteka tani hiloko ndzi be hi xandla lexi xi hetisekeke xa yona. Kutani ndzi vonile Makwerhu Willard vusiku byebyo, loko a ha ettele, na ku tshembheka eka vukahle, a languteka a chavisa. Kambe u languteka u chavisa kahle mixo lowu. Nakona hi khensa naku dzunisa Xikwembu ha swona, makwerhu. Amen. Ina. Ma swi tiva, javulosi a ngaka a nga hi dlayi ku fikela laha Xikwembu xi nge, “Tana.” Swingaleswi hi lava ku famba, a hi tano, Makwerhu Willard? Hi swona. Ku fikela laha a swi ringetaka swi ri swa hava. Hi swona. Hosi Yesu hi yena mupfuni wa hina na vuchavelo bya hina.

⁵³ Sweswi lahawani ndzi vulavula ndzi lehisa, loko ntsena a ndzi ri na tiawara ta kwalomu ka ntsevu to chumayela mixo lowu. Wa vona? Ntsena... Sweswi, a hi kalanga hi switekela enhlokweni, a hi kalanga hi phaka mathikithi, na swin’wana, hikuva khale ndzi tivisile leswaku a ndzi ngevi kona lahawani. Kambe, ntsena ku ta ndzi ta pfuna Makwerhu Neville, ni kuva ni kumeka ni mi vona hinkwerhu nakambe, ni kuva hi va na nkarhi nyana wa xinakulobye.

⁵⁴ Kutani Sonto lowu wu nga hundza na vusiku, Makwerhu Roy Roberson, a ndzi switivi loko a ri kona lahwani, kumbe a ngari kona. A ndzi koti ku swivona kahle loko a ri kona lahwani. U ndzi vitanile, a ndzi byela hi Hungu.

⁵⁵ Kutani un'wana a foyina, a ku, "A ndzi ri eku hlamalen i loko u vulavula hikuva 'Xikwembu xi hi nyika swilo hinkwaswo.'" Wa vona? Xi swi endlile. Xi hi nyika vutomi. U ringeta ku byi xava. Xi hi nyika rirhandzu. U ringeta ku ri xava. Xi hi nyika ntsako. U ringeta ku wu xava. Xi hi nyika kurhula. U ringeta ku ku xava. Ku hava ndlela yo ku xava. U ngaka u nga ku xavi.

Hiloko ndzi ku, "Xi hi nyike rifu."

Un'wana u foyinile, a ku, "Muchumayeri, ndza hlamala leswaku u ya kwih i na sweswo." A ku, "Ndzi ehleketa, 'Aha, lahwani Makwerhu Branham u tibohile hi nkarhi walowo.'" Kungari hi leswaku Bibele yi vula tano. Wa vona? Bibele yi vule leswaku Xi hi nyike rifu.

⁵⁶ Sweswi, xana hi nga endla yini hi rifu? Ma swi tiva, Paul loko a ta eka rifu, u teri, "O rifu, ndzhombho wa wena wu kwih i?" Rifu a ri hi lawuli. Ha ri lawula hina. Hi swona. Hinkwaswo hi nyikiwe swona.

⁵⁷ Kutani ndzi nyikile xifaniso xa hilaha Israel, eka ku macha kwaloko ka kuya etikweni ra xitsembhiso, a va nge se tshama va ri vona tiko lero. A va nga tivi nchumu ha rona. Ntsena a vari na xitsembhiso xa Xikwembu, xa kuri ku na tiko, nakona ri tele hi tswamba na vulombe, nakona ri kahle, nakona—nakona i ndhawu ya kahle. Nakona a yiri tano... A va nge se tshama va ri vona. Ku hava loyi a nga tshama a va kwalahaya, va tivaka swin'wana ha rona. Kambe a va ri na xitsembhiso xa rona. Nakona hi ripfumelo va tshamile amananga.

⁵⁸ Kutani loko va fika a bodareni, a vari na ngwazi kwalahaya hi vito ra *Yoshuwa*, laha swivulaka leswaku, "Yehovha Muponisi." Swingaleswi u tsemekanyile Yordan, a ya etikweni ra xitsembhiso, a vuya na vumbhoni bya leswaku tiko ri kona. Ndza swi rhandza sweswo. Nakona a ri ri tiko ra kahle. Vavanuna vambirhi va rhwala xichocho xin'we xa tidiriva. A ri ri tiko ra kahle, swingaleswi u vuyisile vumbhoni bya leswaku tiko leri va yaka eku ri tekeni ri kona.

⁵⁹ Sweswi, eka Kereke, hi le rendweni ra Tiko leri ri nga hundziki, Tiko leri ri ngariki na rifu, Tiko leri vafi va nga pfuxiwa. Nakona hi na Muponisi lonkulu eka nkampa wa hina. Yesu swivula "Yehovha Muponisi," la Rhandzekaka. Nakona U tsemekanyile Yordan wa rifu, ku tsemekanyela eka Tiko rin'wana, a tlhela a vuya, a tisa vumbhoni bya leswaku ha hanya endzhaku ka rifu. Amen. Swingaleswi xana rifu ri le kwih i xana?

⁶⁰ Nakona U hi nyike swilo hinkwaswo. "Sweswi hi na xitiyisiso xa ndzhaka ya hina. Hi vunyingi..." Sweswi yingiselani swinene. Nakona a ndzi le ku chumayeleni hi nhloko-

mhaka yaleyo, kambe swi endla leswaku ndzi titwa kahle sweswi. Wa vona? Leswaku, hi na xitiyisiso xa sweswo. Hikuva, siku rin'wana hi fambile evudyohweni; nakona endzhaku ka loko hi khuvuriwile hi Vito ra Yena, ni ku pfuka na Yena ekufeni, hi va hi humesiwile evudyohweni, a ha ha swilavi ku tlhelela endzhaku nakambe. Wa vona? Hi kulele evudyohweni, na vumbhoni lebyi hi nga na byona. Hi ntamu hile ku pfukeni eka mafu hinkwawo. Wa vona? Loko hi nga pfuka kusuka eka vudyoho, hi ripfumelo leri ri nga eka Yena; nakona kuri na vudyoho, i mani loyi a nga ta tlhelela a mathinini ya thyaka nakambe? Wa vona? Hi hundzile eka rifu hi ya eVuton'wini. Wa vona? Kutani xexo hi xona xitiyisiso. Amen. Xexo hi xona xitiyisiso xa ku hetiseka ka ku pfuka ekufeni. Rifu hinkwaro, exinyameni nale ximoyeni, hi va hi hlurile rifu ra ximoya, hikuva hi hundzile eka rifu kuya eVuton'wini.

⁶¹ Kutani tani hilaha Eliya a nga rhelela a Yordan siku rin'wana, a wu ba, a ri na Elixia, kutani wu vumbana amathlalo, kutani a tsemekanya a hundza. U vuye a ri na matimba ha kambirhi.

⁶² Kutani loko hi ba Yordan, hi Kreste, hi kuma xiave xin'we, kambe loko hi tlhelela, hi vuya na swiave swimbirhi. Hi na Vutomi lebyi byi nga Heriki, ku pfuka ekufeni ka le vudyohweni, sweswi, eku lulameni na Moya lowo Kwetsima. Kutani eku tlheleleni, na Kreste, hi vuya na ha vumbirhi ku pfuka ekufeni ka xinyama, nakona khale hi ri na ku pfuka kale ximoyeni. Hi na swiave swimbirhi swa swona. Minkarhi hinkwayo i xifananiso xa Kreste na Kereke: Elixia na Eliya.

⁶³ Oho, a ndzi swilavi ku sungula hi sweswo. Mina, mina, mina, a hi se nghena eka Hungu leri ra ntsevu wa tiawara lahwani. [Makwerhu Neville a ku, "I nyama ya le rhambyini, hambi swiri tano."—Muhleri.] Ina. Mina! "Nyama ya le rhambyini," Makwerhu Neville. Tshamela ro yi kutsa. Oho, a mi tsakanga xana? [Nhlengeletano yi ku, "Amen."] Wa vona? A hi na . . .

⁶⁴ Kutani a kahari na ku karhata nakambe. Rifu a hi nchumu. Hi na rona. I ra hina. Ri ngaka ri nga ndzi lawuli. Ndza ri lawula. Njhani? Ha Yena Loyi a nga ndzi endla ndzi va muhluri, hikuva khale ndzi hlurile rifu. Xana ndzi swi endlise ku yini? Hi ku pfumela eka Yena. Wa vona? Rifu rile vudyohweni, ku ka u nga pfumeli. A ndzi yena loyi a nga pfumeriki. Ndzi mupfumeri. Ndzi pfuxiwile eka nchumu walowo, ndzi pfukile ekufeni. I xitiyisiso xa ku hetiseka ka mina hinkwako a xinyameni, ku pfuka ka le ximoyeni, hinkwaswo. Ina, nkulukumba. Ma swi kuma? [Nhlengeletano yi ku, "Amen."—Muhleri.] Swingaleswi rifu rile hansi ka vulawuri bya hina, ha Yesu Kreste Loyi a nga hlula rifu, tihele, sirha, uvabayi, maxangu, hinkwaswo, hi khana eka hinkwaswo.

⁶⁵ Kutani sweswi hi pfuxiwe na Yena, hi tshamile etindhawini tale Matilweni, hi ku vulavula ka ximoya, eka Kreste Yesu, na swilo hinkwaswo ehansi ka minkondzo ya hina. Hambi kuri ku pfuka ekufeni ka xinyama ku le hansi ka minkondzo ya hina, hikuva hi le ka Kreste. Ma—ma swi kuma xana? Loko mi swi kuma, yimisani mavoko ya n'wina. [Nhlengeletano yi ku, "Amen."—Muhler.] Amen. Sweswo swi kahle. Ntsena loko mi swi kuma, sweswo swi kahle. Wa vona? Mi nga pfumeleli... Sweswi ntsena swi hlayiseni emiehlekeweni ya n'wina. Wa vona? "Hi hundzile eka rifu hi ya eVuton'wini," hi xinyama, hi ximoya, ndlela yin'wana na yin'wana.

⁶⁶ Kutani swin'wana na swin'wana, kutani swilo hinkwaswo, i swa hina sweswi. Hikokwalaho ka yini, misava leyi yi nga lahawani yi vula leswaku ha penga, hambi swi ri tano misava hinkwayo i ya hina. U ta yi teka njhani?

⁶⁷ Loko, tani hilaha ndzi nga vula hakona, Abraham, wa vona, a ri etikweni ra xitshembhiso; Xikwembu xi n'wi nyike rona. Lot a tekiwile hi vugwinihi byin'wana byo tlula-nawu, byi n'wi teka. Yaloye a ri ntukulu wa yena. Hi swona. Hinkwaswo leswi a swi ri etikweni lero a swi ri swa Abraham. Swingaleswi, a ngari ngwazi. A nga kalanga a lwa. A nga kalanga a va na tingwazi tin'wana. A ri na malandza. Kambe loko a vona sweswo swin'wana, javulosi, loko a tile a ta n'wi rhoba eka swin'wana leswi a swi ri xitshembhiso eka yena, u hlomisile malandza ya yena a tlhela a hloma na yena. A nga switivaka leswaku u ta yi hlula njhani khampani leyi hinkwayo ya tihosi. Ntsena voko leri ri nga talela hi malandza, kambe Xikwembu xi n'wi byela hilaha a faneleke ku swi endla hakona. U tiavile yena hi yexe, kutani a dlaya tihosi, a tlhelela a vuya a ri karhi a khana. Hikokwalaho ka yini? U vekerile ripfumelo ra yena ehenhleni ka xitshembhiso xa Xikwembu leswaku hinkwaswo leswi swi nga etikweni rero i swa yena, nakona Lot a ri xiphemu xa rona, hi swona sweswo, a ri xiphemu xa tiko. Oho, mina!

⁶⁸ Kutani kwalahaya hilaha a nga hlangana na Melkisedek kona, endzhaku kaloko nyimpi yi herile. Xana ma n'wi vona loko Abraham a ta hi patu? A nga switivi leswaku i ngwazi, kambe u vuye a switiva leswaku hi yena. Ina, nkulukumba. Kutani u hlanganile na Yena Loyi a nga n'wi nyika xitshembhiso, Melkisedek.

⁶⁹ Sweswi a hi hlayeni eka Buku ya Amos. Ndzi ya eku vulavuleni mixo lowu; kungari tiawara ta ntsevu, hambi swi ri tano. Ndzi tshembha leswaku a swi tano. Wa vona? Hi—hi nhloko-mhaka, leyinge, *Ndlela Ya Muprofeta Wa Ntiyiso*. Kutani Yusiku lebyi, loko Hosi yi swi rhandza, ndzi ta vulavula hi, *Ku Susa Ku Tshikeleleka*, kutani swingaleswi hi—hi ku rhandza ka Hosi.

⁷⁰ Sweswi, ndzi tiveka ndzi ri muavanyisi, kambe a ndzi—ndzi—ndzi muavanyisi, handle ka nchumu lowu wu nga hoxeka. Kambe mina, hina, hi avanyisa xihoxo.

⁷¹ Sweswi, loko hi leswaku mi ya pfulela swo kandziyisa swa n'wina sweswi, ekamareni, hikokwalaho ka yini, swilulamile. Ndzi lava ku hlaya kusuka eka Amos sweswi, kuavanyisa ka vu3. Kumbe . . . Ina. Kuavanyisa ka vu3 ka Amos, ntseña xiphemu xa yona, Amos 3.

Yingisani rito leri, leri YEHOVHA a ri vulaka eka n'wina, vana Vaisrael, ni ka ndyangu hinkwawo lowu ndzi wu humeseke etikweni ra Egupta, ndzi ri,

Ndzi tivile n'wina ntseña exikarhi ka tinxaka hinkwato ta misava: hikwalaho ndzi ta mi ba... hikwalaho ka ku homboloka ka n'wina hinkwaku.

Xana vambirhi va nga famba swin'we, va nga pfumelelananga?

Xana nghala yi vuvula exihlahleni, kuri hava lexi yi nga xi handzulaka? Xana xinghalani xi nga twarisra rito ra xona ebakweni ra xona, xi nga khomanga nchumu xana?

Xana xinyenyana xi nga wela erisingeni leri nge hansi, ku nga ri na xilo lexi rhiyiweke? Xana ntlhamu lowu vekiweke hansi wu nga wachuka, wu nga phasi nchumu xana?

Nanga loko yi yimbiwa emutini, xana vanhu a va tshuki hinkwavo xana? Xana khombo ri nga humeleta emutini, ri nga humesiwi hi YEHOVHA?

Hikuva Hosi . . . a nga endli nchumu a nga se kombisa makungu ya yena eka malandza ya yena va nga vaprefeta.

Nghala ya vuvula, la nga taka a nga chavi i mani? Hosi, XIKWEMBU, wa vulavula, loyi a nga taka a nga profeti i mani xana?

⁷² Mahlo ya yena ma nga hava ya larile, tani hiloko a tlakuka mixo walowo a xigangeni endzhaku ka doroba ra Samariya. Ndzi nga ha vona mavoko ya yena lawa a ya nga ninginiki tani hiloko swi famba eka malebvu ya yena ya timpfi. Dyambu ro hisa ri ri karhi ri hatima ehansi. A xi nga vangami ngopfu ku xi languta. Swi hambane njhani na evhangeli ya ximanguva lawa namuntlha! Swiambalo swa yena a swi khwaxa; malebvu ya languteka ya tlhumile. Kutani a languta ehansi ehenhleni ka doroba ra Samariya, mahlo ya yena yaya ya lala tani hiloko a languta. A nga lavi kuri languta ngopfu, kambe a ri na LESWI HOŠI YI SWI VULAKA eka tiko lero.

⁷³ A kuri, kumbexani, ku hambana ko tala eka mpfhumba leri ri yaka emahlweni, leri Hosi yi nga n'wi rhumela rona

a Samariya, kuthula vaevhangeli va hina va ximanguva lawa leswi va nga vaka xiswona. A nga hloviseriwanga mpfuxelelo wo kotisa walowo, tani hilaha hi ehlaketa hilaha a nga va ka xiswona namunthla. Kambe tsundzukani, a ngari yena muevhangeri wa ximanguva lawa. A ri muprofeta. A ngari na mhaka hi mahlovele ya ximanguva lawa. A ri na LESWI HOSI YI SWI VULAKA.

⁷⁴ A ngari na mhaka ni leswaku u languteka njhani, ni leswaku u ambale swiambalo swa fexeni ya njhani, hambi misisi ya yena yi kamiwe kahle, kumbe un'wana wa n'wi languta kumbe a nga n'wi languti. A ri na Rito ra Hosi. Yalawa a yari mavonelo ya yena lawa ya hetisekeke: ya ku tisa Rito lero ra Hosi. A ri mani nakulorhi loyi xana? Ina. A ri Amos, wa muprofeta, a khwaxa a ri un'we, kambe a tiva laha a yime kona. A tiva leswi a swi endla. A ri muprofeta wa ntiyiso wa Rito. Nakona xivangelo xa kuva a ta eka doroba leri, swi hikokwalaho ka Rito ri nga ta eka yena.

⁷⁵ Kutani loko Rito ra Hosi ri ta eka nandza wa ntiyiso, u boheka ku famba, kungari na mhaka na swiyimo, kumbe swi ngari na mhaka naku tikeriwa. U boheka ku famba, hi ndlela yin'wana. Hambi u tilulamiserile, hambi wa swi tsakela, hambi wa swilava, hambi kunga va yini swin'wana; u boheka ku famba, hi ndlela yin'wana. I Xikwembu xi vulavulaka, nakona u boheka ku rhwala Hungu leri. Hikuva, i... A nga fambeli swa vuhunguki. A nga fambeli mali. A nga fambeli ku duma. A famba ntsena hi Vito ra Hosi, a fambela nchumu wun'we ntsena. A ri na—na mixini, nakona u rhume hi Hosi. Nakona hi yena Rito ra Xikwembu, hikuva u rhwarile Rito ra Hosi. Yaloye i muprofeta wa ntiyiso wa Hosi.

Tsalwa ra mina i: *Ndlela Ya Muprofeta Wa Ntiyiso Wa Xikwembu.*

⁷⁶ Yena loyi wa kahle, wanuna loyi a nga chaveku wa Xikwembu a nga profeta emasikwini yo heteleta ya Yeroboam wa vumbirhi. Ndzi khome xiphemu xa matimu ya yena ya nga tsariwa lahwani emahlweni ka mina. U profetile hikwalomu ka khume nharhu wa malembe ya mpfhumba ra yena. Nakona Yeroboam, a ri Yeroboam wa vumbirhi, ntsena a ri na malwandla na kuva a ri wanuna wo swikota tani hilaha Israel ri ngava na vona eka minkarhi yin'wana. A ri wanuna loyi a nga tisa ku humelela eIsrael. Israel a ri humelerile eka hinkwaswo. Kambe, yena, a ri na swin'wana leswi swi nga hoxeka. A ri mugandzeri wa swifaniso swa hava.

⁷⁷ Kutani ndzi vile na muxaka wo swi hlaya leswi, siku rin'wana, maendlelo yo ehlaketa leswaku swi ringanelia kahle namunthla. Swi ngari na mhaka ni leswaku munhu yaloye u na malwandla njhani, ni leswaku hi swihi swotala a nga swi endlaka, ni leswaku u humelela njhani, loko a fambela ekule na Xikwembu, a nga na xikweleti eka tiko, a va ekule na

Xikwembu na Rito ra Xona. Ndza hlamala loko swi nga hi ringaneli, namuntlha, eka un'wana loyi a rhandzaka ku tshameila thelevhixini ni ku kombisa hilaha va nga tlharihisa xiswona, va na byongo bya njhani. Kambe ndza hlamala loko va ri na ku ringanela leswaku va nga teka LESWI HOSI YI SWI VULAKA. A ri munhu wa vutlharchi, hi swona.

⁷⁸ Israel a riri eka xiyimo xa kuva riwile. Swichumayeri swa rona, vaprista va rona, nakambe na mfumo wa rona, hinkwavo a va siye Rito ra Hosi. Sweswi, a va swi pfumelanga sweswo. A va pfumela leswaku va na Rito ra Hosi. "Kambe ku na ndlela leyi yi langutekaka yi lulamile a munhwini, kambe emakun'wini ya yona i tindlela ta rifu." Xana ku hoxeke kwihi? Swi nga endlekisa ku yini leswaku vanhu va nga pfumela leswaku—leswaku—leswaku va hoxile? Ntlawa hinkwavo wa vavanuna wa vuprista, magidi ya swichumayeri na vaprista, na tihosi na vaghavhenara, hinkwavo lava tivulaka leswaku i vagandzeri va Xikwembu, nakona, hambi swi ri tano, hinkwavo ka vona a va hoxile.

⁷⁹ Kutani, a va nga kali va lava hosi leswaku va humeleta. Lexi a va xilava a kuri muprefeta, hikuva Rito ra Hosi, kumbe nhlamunselo ya Rito ra Hosi, ku ta hi muprefeta wa ntayiso. Minkarhi yin'wana mi nga ha yi vona leswaku ndlela leyi yi njhani. Indlela yo saseka yo khwaxa, loko vaprista hinkwavo, na vachumayeri hinkwavo, na—na—na vahlahlivi hinkwavo, na—na mfumo wona hi woxe a wu lwa na yena. Kambe, hambi swi ri tano, Rito ra Hosi ri ta eka muprefeta, kutani yena a ri yexe. A ri na Rito ro lulama. Hambi leswi a vari na Bibele yin'we leyi a vari na yona, kambe Rito a ri ri eka yena. Xikwembu a xitiyisisa leswaku a ri na Rito.

⁸⁰ A vari na miako leyikulu swinene na mafambiselo ya vukhongeri, na kuya emahlweni, leswi va nga tshama va va na swona, tialtari a ti akiwile hinkwako, na—na minxaka hinkwayo ya—ya swilo, kambe hambi swi ri tano a vari miliyonu wa timayile kule na Rito ra Xikwembu.

⁸¹ Ndzi ehleketa, hi vumina, xifaniso xi ta ringanelia kahle ngopfu namuntlha, tani hilaha ndzi hlayaka Buku leyi ya Amos. Mi fanele ku yi hlaya loko mi fika ekaya. Mfumo hinkwawo, vaprista, hinkwavo ka vona a va siye Rito ra Xikwembu.

⁸² Ndzi ta tsakela ku hlaya xiphemu xin'wana xa Matsalwa lahawani, ndzi na xona, ku kombisa laha va nga swi endla kona. Sweswi a hi hlayeni kuavanyisa ka vu² na vhese ya vu⁴, ntsena xinkadyana.

*YEHOVHA u te; Hikwalaho ka milandzu minharhu
kumbe ya mune ya Yuda, ndzi ngaka ndzi nga hundzuki
eka ku xupula; hikuva va sorile nawu wa YEHOVHA, . . .*

⁸³ Rero i Rito, va Ri sola, nakona hambi swi ri tano va ehleketa leswaku va na Rona.

...va nga hlayisanga ku lerisa ka mina, va
hambukisiwa hi mavunwa ya vona, . . .

⁸⁴ Sweswi, a vari na Rito, Bibele, kambe mavunwa lawa va nga Ri joyina na wona ya va endla leswaku va hambukisiwa.

...lawa . . . vakokwana va vona va nga famba ha
wona:

⁸⁵ Ma xi vona xivangelo? Sweswi, va hambukisiwa hikuva va vekele mihundzuluxi leyi yi nga ya vona kumbe ku tolokela Rito. Nakona a ndzi ehleketa leswaku swa ringanelna na namuntlha, tani hilaha votala va lavaka ku vekela mavonelo ya vona a Ritweni, kutani hi kumeka a thyakeni. I ku tshinya ka njhani loku ku humaka eka Xikwembu, loku muprofeta loyi a ri na kona.

⁸⁶ Sweswi, Amos a ri muprofeta wa Xikwembu, muprofeta wa ntiyiso. Munhu un'wana na un'wana loyi a nga tshama a hlaya hi Amos wa byi tiva vurhena byebyo bya munhu loyi a nga chaveki nchumu wa Xikwembu. U tekiwe tani hi un'wana wa vaprofeta lava nga riki na nkoka ngopfu, hikuva a nga tshamanga nkarhi wo leha, kambe hakunene u vekile xihloka erimintswini ra nsinya. A ri un'wana wa vaprofeta votala lava va nga chaveki, nakona u tile na ntoto. U tile na LESWI HOSI YI SWI VULAKA. A tiva leswi a vulavula hi swona, hikuva ntoto wa Xikwembu a wu ri ehenhleni ka yena ku tisa nhlamuselo leyinene ya Rito ra Xikwembu eka vona.

⁸⁷ Amos u tile a huma a tikweni, emananga, a ta eka doroba leri ra salamus. A nge se tshama a va kwalahaya kusukela. A ri jaha ra tiko, endzhaku emananga. Loko a hari endzhaku lahaya exikhongelweni, Xikwembu xi hlanganile na yena, nakona xi n'wi byerile hi vubihi bya tiko leri ri nga loyiwa laha a ri xiphemu xa rona. Kutani Samariya a ri ri ntsindza, rin'wana ra mintsindza leyi a yi ri kona hi nkarhi walowo, leri a ri fuma hi Yeroboam.

⁸⁸ Kutani loko a ta yima kwalahaya mixo walowo, a ri ehenhla ka xiganga, a nghena a ri na ya khale, yo khonyana, mpahla ya tiko, nkarhi wun'wana a ri na ritshuri na ridaka eminkondzweni ya yena, nakona laha a nga etlela hi yona nguvu yaleyo ya khale yo khonyana, vusiku byin'wana na byin'wana. Nakona a ndzi switivi, a ri hava timpopmi to hlambela kona hi minkarhi yaleyo. Swi nga hava swi ri na masiku mantsongo kusukela loko a tava a hlambile. Kambe sweswo a swi nga kali swi vavisa endzeni ka wanuna. Hi vunyingi, na nhlikanhi, a ambala ehandle ka yona, endzeni ka yona a yi nga enetiseki kahle. Hi na mhaka na ku hambi ha hlamba siku rin'wana na rin'wana, nakona misisi ya hina yi kerhiwe kahle yi saseka, na swiambalo swa hina swa ncinciwa, na swin'wana, nakona u tshika vundzeni byi famba hi ndlela yin'wana, u ambala tinguvu tin'we ta khale ta vudyoho, tiri karhi ti nuhwisa moyo hi mikhuva na tidyondzo ta kereke,

nakona a mi se tshama mi swi kamba niku swi hlantswa hi Rito ra mati yo hambanyisa, kusuka eka swilo swa misava.

⁸⁹ Tani hilaha a yimeke mixo walowo, a languta a xigangeni, eka tiko rona lero ri nga loyiwa, ri nga talela hi swilo swa ximanguva lawa leswi o ka a nga se tshamaka a lorha hi swona. Israel a ri ri eka ku leha ka rona. A ri ri na ku tirhisana na matiko hinkwawo lawa ya nga ri rhendzela. Leri ri nga loyiwa hakunene, vavasati a va ambala kuya fika eka thonsi, na va—na vavanuna. Nakona va biwile hi ku ti tsakela, hi mpikizano wo tsutsuma, na tiolimpiki, na hinkwaswo leswi a swi ya emahlweni. A swi hlamarisi loko mahlo ya yena yaye yalala; kungari salamusi ra doroba, tani hilaha vavumpfhumba va nga swi endlaka, kuta a New York, kumbe kuya eLos Angeles, mi vona vavasati lava va nga ambala hafu, vavanuna va ya emahlweni, na vudyoho.

⁹⁰ Van'wana va vanghana va mina, masiku mantsongo lawa ya nga hundza, a hi huma eka rendzo ro njovela, ntsena ehansi ka kholeji ya Bibele ya kahle, kholeji ya Bibele yo duma. Kutani kwalahaya, hi etlele epatwini, a makhwatini, a kuri na vanhwenyana lavantsongo, vo ambala hafu, na vafana lavantsongo, nkarhi wun'wana i swichudeni swo huma a kholejini, va ri eku nweni ni kuya emahlweni, swa chavisa.

⁹¹ Sweswi, kuya emahlweni hi ndlela yaleyo tani hi ku n'wayisa ka ku navela ka ma Amerika votala lava va tivulaka Vakreste. Loko va ta languta ehansi eLos Angeles, kumbe ndzi va langutile eka xihahampfhuka loko hi nghena eLos Angeles; a va nge se tshama vava kona kwalahaya; kumbe eka Hollywood, kumbe—kumbe kuya eFlorida na hinkwako ku pfurha ka gasi ya neyonii eka minsinya ya—ya mincindzu. Oho, va ta chela tinhompfu ta vona hi phawudara hi vuntshwa, kutani va tilulamisa hi switola tolani. A va ehleketa leswaku hi swin'wana swa salamusi ngopfu leswi va nga se tshamaka va swivona. Kutani hi vona lava va nga na misisi ya kahle na maambalelo ya kahle, va famba a switarateni, va swi lavile ku huma kwalahaya va vona leswaku va nga ambala mpanhla yo timanya njhani, kumbe ku ti soha-soha a switarateni. Loko, va ehleketa leswaku ku na swin'wana swa kahle.

⁹² Kambe mahlo lawa ya ntoto wa Xikwembu ya muprefeta yaloye a ya kalanga ya lala hikokwalaho ka salamus, tani hi van'wana va vumpfhumba, kambe hi ku onhaka ka vugangu, eka vanhu lava va nga vuriwa kuva va katekisiwa hi Xikwembu. Mahlo ya yena a ya kalanga ya languta eka salamus. A ya kalanga ya lala hikwalaho ka salamus. Swi hikokwalaho ka—ka—tingana naku bola ka vanhu lava a va vitaniwile kuva vahlawuriwa va Xikwembu, nakona va va na maendlelo yo kotisa yalawa. A swi hlamarisi loko, a te, "Nghala loko yi dumaduma, i mani a nga taka a nga chavi xana? Xikwembu xivulavurile, nakona i mani a nga taka a nga profeti?"

⁹³ U vonile ku onhaka, ku bola. Sweswo hi leswi a swi langutile. Kwalaho hilaha a nga vona hinkwaswo sweswo. A ku kalanga ku n'wi koka mahlo ya yena. Swi n'wi hlambisile timbilu a moyeni wa yena. Hikokwalaho ka yini? A ri muprefeta. A swi tiva leswi Xikwembu xi nga swi tshembhisa ku swi katekisa, na leswi minkateko yi nga xiswona, na leswi vanhu va endlisaka xiswona na minkateko. Nakona javulosi u encenyetile hi siku ra yena, kusuka eka minkateko leyinene leswi a yi ri xiswona, ku ya—ya—ya eka ku bola ka vugangu; minkateko eka ku n'wayisa ka tihlo na ku naveta ka vanhu lava vo ka va nga hundzukangiki, kuya eka ku tirhandzela na ndlela ya Xikwembu, na ndlela ya Xikwembu ya vutomi.

⁹⁴ Swi fanana njhani na namunthla! Hilaha vachumayeri va nga yimaka ha kona aphulphitini, kutani va languta ehenhleni ka vudyoho naku onhaka ka misava leyi, ni ku vona vanhu leswi va swi endlaka ni kuva na maendlelo lawa va endlisaka xiswona, nakona ntsena mi va katekisa hikuva va ri swirho swa kereke ya vona, kumbe dinominexini, swi tlula moya wa mina ku swi twisia.

⁹⁵ Loko Xikwembu xi vulavula, xi profeta! Loko Moya wa Xikwembu wu ba muprefeta wa ntiyiso wa Xikwembu, u ta huwelela hi Rito. A ndzi lavi kuva musoli, kambe i mani a nga ta va yimisa leswaku va miyela xana? I mani a nga ta yima ku languta ehenhleni ka nchumu wo kotisa walowo, nakona u tlhela u tivula leswaku u nandza wa Kreste, nakona u nga swi humesi? A ndzi na mhaka ni leswaku dinominexini yihi yi ta ku yini, kumbe kereke yihi yi ta ku yini; xexo hi xona xivangelo xa kuva ndzi nga ngheni tona. Va ta ku raha vaku hlongola, xo sungula. Kambe Rito ra Xikwembu ra ta kusungula. Loko u ri murhumiya, u na leswi u nga ta swi vula. Loko u vulavula swin'wana swo hambana na Rito Leri, a wu murhumiya wo huma eka Xikwembu; wo va murhumiya wa ntwanano wun'wana wa dinominexini yin'wana kumbe swin'wana swa mianakanyo. Kambe murhumiya wa Xikwembu u na Rito ra Xikwembu.

⁹⁶ Kutani munghana wa hina, mixo lowu, tani hiloko hi n'wi languta, a ri na Rito ra Xikwembu, hikuva a ri muprefeta wa ntiyiso wa Hosi.

⁹⁷ Sweswi, a va ehleketa leswaku va na—na nhlamuselo ya rona, kutani u ehleketa, "Kunene, hakunene, langutani leswi hi swi endlaka."

⁹⁸ Sweswi, nchumu wa swona i ku, hi vile na yena a yimile lahaya ehenhla ka xiganga mixo lowu, a languta, ehansi a dorobeni. A dzungudza nhloko ya yena, a languta; mahlo ya yena ya lala. A teka voko ra xiambalo xa yena a sula nyuku exikandzeni xa yena, na ritshuri. Dyambu ro hisa ri hatima ehansi ehenhleni ka mpandla wa nhloko ya yena. Malebvu ya

yena ya nembelela ehansi; a ma chukuchela hi mavoko ya yena. A nga kalanga a vona kusaseka loku ku kokaka mahlo. U vone vudyoho. A byi kalanga byi n'wi tsakisa. Byi n'wi hlambise timbilu.

⁹⁹ Hikokwalaho ka yini a nga vulanga leswaku, “Mina, Muisrael, ndzi vona hilaha tiko ra mina ri nga humelela ha kona”? A nga swivula njhani sweswo loko a ri muprofeta wa ntiyiso wa Xikwembu, a ri karhi a tiva mbuyelo, ni leswi swi yaka swi ya kotisa sweswo?

¹⁰⁰ A hi n'wi yimiseni namunlha a xigangeni kutani hi n'wi pfumela a languta ehansi. Loko hi nga n'wi pfumelela a languta eJeffersonville, eka vanhu lava va tivulaka Vakreste. Loko hi nga n'wi pfumelela a languta hinkwako a Amerika eka vanhu lava va tivulaka Vakreste. Mahlo ya yena lawa ya nga na ntoto wa Xikwembu ma ta lala nakambe. Mavoko ya yena ya ta kokakoka malebvu. Hikokwalaho ka yini? A nga voni ku saseka ka ku humelela loku misava yi ku vonaka. U vona ku—ku fambela ekule kusuka eka Xikwembu. U vona ku bola ka vugangu bya vanhu. U vona ku tlhelela endzhaku ka tiko. U vona ku bola loku ku nga ekerekeni. Xana a nga endla yini swin'wana handle ka ku larisa mahlo ya yena, ni ku navela ku nghena eka rona, leswaku a nga ha ri handzula ri va swiphemu-phemu?

¹⁰¹ A ku ta humelela yini loko bishopo un'wana a lo hlangana na yena ehenhla lahayaa, a ku, “Sweswi, u muprofeta wa Hosi xana? Sweswi, hi ta ku byela leswi u nga swivulaka ni leswi u nga taku u nga swivuli.” Mi ehlleketa leswaku a tava a yingiserile xana? A ku ta humelela yini loko a te, “Tana u ta joyina nhlangano wa hina sweswi, nakona hi ta ku pfuna eka mpfhumba ra wena?” Mi ehlleketa leswaku a tava a yingiserile xana? Ee. Ndzi ngaka ndzi nga swianakanyi sweswo, swi huma eka munhu wo kotisa yaloye. Ee.

¹⁰² U rhumeriwe hi Xikwembu. A nga fanelanga a va na ntirhisano na vona. A ri na Rito ra Xikwembu, ntoto wa Xikwembu, nkarhi lowu wu tshembhisiweke hi Xikwembu. A ta a nghena ni LESWI HOSI YI SWI VULAKA. Aha. Yaloye i muprofeta wa ntiyiso. Yaleylo hi yona ndlela leyi a famba hi yona. A nga fambi na nchumu handle ka LESWI HOSI YI SWI VULAKA.

¹⁰³ Xana doroba leri ra vuloyi bya Samariya, leri ra xitayele xa rona riri roxe, Israel ro dyondzeka ngopfu, swichumayeri leswi swo tipholicha kahle na vaprista, va nga amukela loyi lontsongo, nakulorhi loyi a nga tivekiki? Nkarhi wun'wana mbulavulo wa yena i wa vusiwana. U huma eka ndyangu lowu wu nga swela emananga. A siya kaya, a vitaniwa hi Xikwembu, a ya emananga a ya dyondza Xikwembu na Rito ra Xona, kutani a va muprofeta. Hosi yi n'wi tswale hi ndlela yaleylo.

¹⁰⁴ Vaprofeta va tswariwe, va ri varhumiwa va nguva, laha Xikwembu, hi vutivi bya xona lebyo rhanga, xi tiveke nguva na kuva xi ri na murhumiwa wa Xona loyi a nga ta huwelela vudyoho.

¹⁰⁵ Xana doroba lero ro navetisa ri nga n'wi amukela xana? Miehleketa leswaku vavasati lava a va ta yingisela leswi a swi vula xana? Mi ehleketa leswaku vaprista lava a va tava va n'wi yingiserile xana? Hikokwalaho ka yini, ee, nkulukumba. A ri hava ku yingiseriwa eka yena, kusuka eka nhlangano wun'wana na wun'wana. A nga ta vula, leswaku, "Vafarisi va ndzi rhumile." Kumbe ku vula leswaku Vasaduki va n'wi rhumile. A nga rhwalanga mapapila ya vutitivisi. A ri hava khadi ra xinakulobye ro huma eka ntlawa wun'wana na wun'wana wa vanhu. A ri hava loyi a n'wi rhangela ku ya lulamisa mpfhumbra yena. A va ngari hinkwavo Vafarisi lava a vari na nhlanganyelo wa nhlengeletano na—na ku fihlula ka tiministara, na kuva va va na hinkwaswo kun'we, ku ta lunghisela mpfhumbra yena, ni ku tiva leswaku u le kuteni. A nga tiveki eka vona. A ri hava khadi ra xinakulobye. A ri hava mapapila ya vutitivisi. A ngari na ku tekeriwa enhlokweni loko ku humaka eka vavanuna.

¹⁰⁶ Kambe a ri na LESWI HOSI YI SWI VULAKA. Yaleyo hi yona ndlela ya muprofeta wa ntiyiso. A ri na LESWI HOSI YI SWI VULAKA. Loko a ri na LESWI HOSI YI SWI VULAKA, swi va swi hambane ngopfu na swikimi leswi swi nga endla hi vanhu. Sweswo hi swona hinkwaswo leswi a swi lava. Loko a ta hi ndlela *leyi*, a ta hi vito ra kereke. Loko a ta kusuka eka ndlela Leyi, a ta hi Vito ra Hosi. Swingaleswi, muprofeta wa ntiyiso minkarhi hinkwayo u ta hi ndlela ya Vito ra Hosi. Minkarhi hinkwayo, u ta hi Vito ra Hosi.

¹⁰⁷ Sweswi, a nga ta swikota ku kombeta makhadi ya xinakulobye, kambe a—a ri na Rito ra Xikwembu. Nakona sweswo hi leswi Xikwembu xi nga rhumela evanhwini. Sweswi, vanhu va ti vumbele minhlangano ya vona. Va na mintlawa yo hambarana ya vukhongeri bya mikhuva, kutani yaleyo hi leyi vanhu va nga yi vumba. Kambe Amos a nga kalanga a va na swona sweswo. Ntsena a ri na LESWI HOSI YI SWI VULAKA. Sweswo hi leswi a ri na swona.

¹⁰⁸ Ndzi nga ha va anakanya vaprista lava, va mixo wun'wana, a vari na swintsongo swa mixo wa sabata, a vari na xikhongelo xintsongo, na kuya emahlweni, swikhongelo nyana swo katekisa, ni—ni ku tlhelela endzhaku. Na ku vulavula swintsongo hi Muxé wa kahle, loyi a nga tshama a hanya siku rin'wana, nakona un'wana wa kahle loyi a nga tshama a hanya. "Kambe, oho, masiku ya sweswo ya hundzile sweswi. N'wina vanhu ma n'wi tiva presidente wa hina lontshwa, mfumo wa hina lontshwa na hinkwaswo leswi hi nga na swona," na ku vulavula swintsongo swo kotisa sweswo va ya ekaya.

¹⁰⁹ Kambe hi loyi munhu a taka a nga swi khomanga sweswo. U ta na LESWI HOXI YI SWI VULAKA. Wa vona? Yaleyo hi yona ndlela ya muprefeta. A kuna ku tirhisana, a tiva leswi a swi n'wi kongomile, a swi tiva leswaku hinkwaswo swi ta lwisana na yena, a swi tiva leswaku va ta n'wi ala, va ta n'wi tekela ehansi. Kambe a ta hi Vito ra Hosi.

¹¹⁰ Yesu a switiva leswaku Xihambano a xi N'wi kongomile, kambe U tile hi Vito ra Hosi. Wa vona? Yaleyo hi yona ndlela ya muprefeta wa ntiyiso.

¹¹¹ A ri na Rito ra Hosi eka tiko. Kambe Rito ra ntuyiso ra Hosi a ri ri rimbe eka vanhu lava. Ambi swi ri tano, a va ehleketa leswaku va na Rona. Ndza tshembha leswaku leswi swa nghenelela. A va ehleketa leswaku i vavukhongeri na vukhongeri, laha Rito ra Xikwembu ra ntuyiso ri nga rimbe eka vona.

¹¹² Sweswo hi leswi swi nga xiswona namuntlha. Rito ra ntuyiso ra Xikwembu leri ri vonakarisiweke i nchumu wumbe eka lava va nga lahleka na vanhu va tikereke ta Ximoya. Nhlamuselo ya ntuyiso ya Rito, swihlambanyo swa ntuyiso, na mindzhukano, minkateko xidzi ya Xikwembu i nchumu wumbe eka vanhu votala lava va tivitanaka leswaku vakwetsima, swirho swa kereke, Vakreste. I nchumu wumbe eka vona. A va switivi. Ri vuli eka vona. "A va se tshama va switwa swo kotisa sweswo." Kutani, hambi swi ri tano, minhlangano ya vona ya kula yi tlhelia yi humeleta, yi ya yi kula naku kula ka swirho nkarhi hinkwawo, nakona minhlangano yo tala ya engeteleka lembe na lembe.

¹¹³ Va ehleketa leswaku nchumu wun'wana na wun'wana lowu wu taka wu fanele wu ta wu huma eka mintlawa ya vona ya mikhuva. Hakunene-nene va ngaka va nga n'wi amukeli. Ambi kuri ku swi endla namuntlha. Khale va rivele, leswaku, "Xikwembu xa swikota hi maribye lawa ku pfuxa vaprefeta va ntuyiso va Xikwembu." Xikwembu xa swikota, hi vavanuna va le ndzhaku enhoveni. Xa swikota ku pfuxa, hi maribye lawa, vavanuna lava va nga ta yimela Rito ra Xona, na ku profeta hi Vito ra Xona, ri nga Ntiyiso. "Va vekela xihloka eka rimintsu rin'wana na rin'wana ra nsinya." Va pfumelela swipetlu swi wa. A ndzi na mhaka na leswaku u na ntirhisano kumbe a nga na ntirhisano. Kambe yaleyo i ndlela ya muprefeta wa ntuyiso.

¹¹⁴ Vanhu van'wana va ehleketa leswaku u swi kume ku olova. A va switivi leswi va vulavulaka hi swona. A nga tisiwanga a dorobeni hi xikocikara, a tshamise kahle ehenhla ka xona, a panile tihanci, matomu, na vaprista lavakulu vayimile lahaya, na swilo leswiku leswi nga etinhlokweni ta vona, ku n'wi khinsamela, "Muchaviseki Dr. *Swingere-ngere* u le kuteni." Walowo wu tava wu ri ntshamisiso wa vandla.

¹¹⁵ Tani hilaha Hosi ya vona hinkwavo loko yi ta, Wa ta, ku kotisa, loko a ta hi xidyelo a tshangeni, tshanga ra tihomu. A nga

tanga hi ku mpopiwa na ku kwetsima, kambe U tile hi vumunhu bya N'wana loyi a nga tswaleriwela a tshangeni. Amos a nga tanga... Rito ra Hosi; hikuva *a ri* Rito ra Hosi. Rito rin'wana na rin'wana ra Xikwembu, a hi munhu; i Xikwembu.

Yesu u teri, "A hi Mina loyi a endlaka mintirho."

Va teri, "U Munhu, loyi a tiendlaka Xikwembu hi Wexe."

¹¹⁶ U teri, "Loko Ndzi nga endlaki mintirho ya Xikwembu, mi nga Ndzi pfumeli. Kambe loko mintirho yi tivulavulela hi yoxe, pfumelani ha yona mintirho, loko mi nga swilavi ku Ndzi pfumela."

¹¹⁷ Amos a ri Rito ra Xikwembu ri fambaka ehansi epatwini. U nghanile, a ri wa ntumbuluko, a ngari eka tifexeni ta misava. U nghanile hi matimba ya Moya.

¹¹⁸ Yaleylo hi yona ndlela leyi Rito ra Xikwembu ri tisaka xiswona. Ku ngari eka mikhuva ya nhlangano, ku ngari swin'wana swa vusatii aphulphitini; kambe Ri ta hi matimba ya Moya, ku ta vonakarisa Xikwembu eka tiko nale vanhwini. Swi hambanile. Ku hambana ka njhani!

¹¹⁹ Sweswi, leswi swi tekeriwe enhlokweni, swi rivariwe khale, leswaku Xikwembu xa swikota hi maribye lawa ku ta pfuxa vaprofeta va ntiyiso. A va kalanga va va na... Nhlangano wa vona a wu kalanga wu pfuxa muprofeta wa ntiyiso, hikuva swi nga endleka wu nga swikoti. Hikuva, loko swi endleka, u tava a ri muprofeta wa nhlangano.

¹²⁰ Kambe, Xikwembu xa pfuxa! Xikwembu xi teka leswi Xi swi lavaka. A Xi teki nchumu, hi ntoloveloo, ku endlaki ntirho wa Xona; swi kombisa leswaku I Xikwembu. Munhu u hefemulela ehenhla, a tlhela a ehlaketa leswaku u swin'wana, kutani Xikwembu xi ngaka xi nga n'wi tirhisi, hikuva u talele ngopfu hi vumina-mina.

¹²¹ Sweswo hi leswi swi humelelaka eka kereke ya Vakreste namunthla. Va ehlaketa leswaku va tiva swin'wana. Bibele yi ri, "Loko munhu a ehlaketa leswaku u tiva swin'wana, a nga tivi nchumu eka leswi a fanele ku swi tiva." Khombo ra kona namunthla, hi talele ngopfu hi vumina-mina, hi talele ngopfu hi ku tikukumuxa, hi talele ngopfu hi dyondzo, hi talele ngopfu hi vukhongeri, nakona hi nga tivi nchumu hi ku ponisiwa ka Rito ra Xikwembu. Xexo i xiphemu xa vusiwana xa swona. Ina.

¹²² Va rivarile, leswaku, "Xikwembu xa swikota hi ribye leri ku pfuxa vana va ya eka Abraham, kumbe ku pfuxa vaprofeta va ntiyiso va Rito."

¹²³ A va fanelanga va ta va huma eka xikolo xin'wana. Xikwembu xa va nyika swikolo swa vona. A va fanelanga ku va na ti tidigri ta mune tale kholeji. A va fanelanga kuva na Bachelor of Art, na—na Digri ya Vudokodela bya vona, na kuya emahlweni. A va fanelanga kuva na swona sweswo. Xikwembu

xi teka hinkwaswo leswi Xi swi lavaka, kutani xi nghenisa Rito ra Xona eka xona. Xona Xi swi endlisa ku yini? Xa Ri vonakarisa xi tlhela xi Ri khorwisa.

¹²⁴ Va ngaka va nga vuli leswaku Yesu u huma eka seminari yihi. A nga kalanga a va na yona. “I xikolo xihi laha A humaka kona?” A nga kalanga a va na Xona. Kambe A ri na yini xana? A ri na Xikwembu, nakona Yena a ri Rito. A va nga ta swi kota ku kombetela endzhaku eka xikolo xin’wana.

¹²⁵ Kutani Xikwembu a xi kalanga xi pfuxa munhu loyi a humaka axikolweni. Tlhelelani endzhaku eka matimu mi ya lavisisa laha Xi nga tshama xi swi endla. A Xi tano. Xi teka swin’wana kusuka kun’wana, sweswo a swi na nchumu, a kuna ku tshembhela eka swona. Kutani Xi nghenisa sweswo ni ku vekela Rito ra Xona eka swona, ni ku tivonakarisa xona hi Xoxe. Sweswo hi leswi Xi swi endlaka lahawani eka Amos. Hi swona.

¹²⁶ Sweswi, Rito ra Amos ri tiyisisiwe hi Xikwembu, esikwini, eka masiku lawa ya nga ya vona. Ku ti-... Xikwembu xi tiyisisile Rito ra Amos kuva rona, leswi yena a ri xiswona, a ri na Rito ra Hosi.

¹²⁷ Loko a nga ta eka hina, kona sweswi, mi ehleketa leswaku tiko ra hina na vanhu va hina va nga amukela munhu wo kotisa yaloye xana? [Nhlengeletano yi ku, “Ee.”—Muhleri.] Miehleketa leswaku Baptist yi nga n’wi amukela Amos xana? [“Ee.”] Ma Methodist? [“Ee.”] Ma Presbyterian? [“Ee.”] Mapentekostal? [“Ee.”] Makhatholiki? [“Ee.”] Ee, nkukumba. Ee. A ngaka a ngavi tano.

¹²⁸ A hi, ntsena xinkadyana, hi n’wi khandziyisa hi n’wi tisa kwalahawani, ntsena xinkadyana, kutani hi kumisia loko va ta swikota kumbe va nga swikoti. Ntsena a hi voneni loko a ta swikota, loko tikereke ta hina ti ta n’wi amukela namuntla kumbe ti nga n’wi amukeli.

¹²⁹ Xo sungula lexi a nga xi endlaka, a nga ta yima na wona nhlangano wun’wana na wun’wana, hikuva yi hambana na Rito. Ina, nkukumba. A ta sola ntshamiseko hinkwawo wa hina. Hi swona sweswo. Dyondzo yin’wana na yin’wana, mikhuva yin’wana na yin’wana, dinominexini yin’wana na yin’wana, a ta sola hinkwaswo.

Ntsena ndza swi anakanya, ndzi nga ha vona van’wana va vafundhisi va hofisi ya mfumo va kereke ya Ximoya va ku, “Hikokwalaho ka yini, ku kwetsima a kuve eka Xikwembu! Loko a nga... Hikokwalaho ka yini, a hi nga tava na yena munhu yaloye a dorobeni ra hina.”

¹³⁰ Nakona mi ehleketa leswaku Mapresbyterians na Baptist va nga endla yini? “Hikokwalaho ka yini, muhunisi yaloye, a hi n’wi lavi eka tiko ra hina. A ngova nchumu handle ka—ka xihlekiso.” Va sayinile phepha ra ku n’wi hoxa ekhotsweni, loko va nga swikota, va n’wi susa nale switarateni.

¹³¹ Kambe mi ehleketa leswaku mi nga n'wi hlayisa lahaya? Oho, ee. Mi ngaka mi nga pfaleli Rito ra Xikwembu. Ee, ee. Ri taya emahlweni, hi ndlela yin'wana. Minyangwa ya khotso yi pfulekile vusiku byin'wana, loko va ringeta ku Ri pfalela. Layiti yi nghenile yi fika yi n'wi humesa.

¹³² Ee, a—a nga ta pfumelelana na ntshamiseko wa hina hakunene. Hi swona. Xana a ta sungula ku endla yini? A ta swihandzulela. Hikokwalaho ka yini? Hi yena nandza wa Xikwembu. A nga ha ya a kongomanile na Masungulo a sungula mpfhumba ra yena, a tlhelela endzhaku, kutani a handzulela mikhuva hinkwayo ya kona, a tlhelela endzhaku eka Masungulo. Xana Masungulo i yini? Eka Rito ra Xikwembu. Hi swona. “Matilo na misava swi ta hundza, kambe Marito ya Mina ya ngaka ya nga hundzi.” Swingaleswi a ta handzulela dinominexini yin'wana na yin'wana, mikhuva yin'wana na yin'wana, dyondzo yin'wana na yin'wana, leyi yi humaka eka yona, a yi hoxela ematlhelo, nakona a nga yi bulusela kuya laha ku nga Heriki.

¹³³ Mi ehleketa leswaku Mapentekostal a va ta n'wi amukela xana? Ee, nkulukumba. Mabaptist? Presbyterian? Ee, nkulukumba. Manazarene? Pilgrim Holiness? A va ta n'wi venga. Hakunene. Mi ehleketa leswaku a va taya va ya n'wi hlanganisa a ri eka—eka limozini, kutani va n'wi nghenisa adorobeni? A va ta khongela dyambu leswaku ri n'wi hisa lahaya. A va ta vekela ndzelekan, ku endlela leswaku a fambela ekule na doroba. Hikokwalaho ka yini, kutava na tinhengeletano to tala ta vafundhis i kwalaho, leti nga adorobeni, u tshame u swivona evuton'wini bya wena. “Humesani xihlekiso xexo xi huma adorobeni.”

¹³⁴ Kambe, hambi swi ri tano, a ri na LESWI HOXI YI SWI VULAKA. Wa vona? Yaleylo hi yona ndlela ya ntiyiso ya muprofeta. U ta nyenyiwa. Hakunene. A taya a kongomile eka Masungulo, eka mpfhumba ra yena. A nga ta lava nchumu. A nga ta vula a ku, “Sweswi, ndza mi lava hinkwerhu n'wina Mamethodist leswaku mi ta sweswi mi ta ndzi pfuna. Ndza mi lava n'wina Baptist. Ndza mi lava n'wina vanhu hinkwerhu n'wina mi nga lahawani. Hinkwerhu n'wina Mapentekostal, mi koxa leswaku hi n'wina ntlawa wo hetelela lowu Xikwembu xi nga ta wu vitana, ndza mi lava hinkwerhu leswaku mi ta eka mina, nakona ndza mi lava leswaku mi sapota mpfhumba ra mina.”

¹³⁵ “Xana u khuvula njhani? Hi byihi vumbhoni byo sungula bya Moya lowo Kwetsima?” Swivutiso leswi, a swi ta hoxiwa a xikandzeni xa yena. Kutani loko a tlhela a vuya na Ntiyiso wa Bibe, va nga ha n'wi tekela ehansi. Kambe yaleylo hi yona ndlela ya muprofeta wa ntiyiso. U na hinkwaswo swo tshunelela ha swona. Wa vona? Hakunene.

¹³⁶ Hi ngaka hi nga n'wi amukeli. Ee, nkulukumba. Hina—hina . . . A hi nge pfumeleli nchumu. A hi nge pfumeleli nchumu swa mampfhumba ya yena ku rhendzeleka hi—hi tiko ra hina. Ee, hi ntiyiso. Kunene, a hi nga ta n'wi pfumelela. Ee, nkulukumba. Kambe a tata a ta tlherisela Kereke yi tlhelela endzhaku eRitweni, hikuva Sweswo i masungulo. “Un'wana na un'wana u pavalala eka masungulo man'wana, i sava leri ri mbombomelaka. Ehenhleni ka masungulo *lawa* ntsena, Xikwembu xi aka Kereke ya Xona, ehenhleni ka Dyondzo ya vaapostola.”

¹³⁷ Tani hilaha ndzi vuleke siku rin'wana; un'wana a vulavula hi—hi phagathari, ni ku nyika minkongomiso ya yena eka votala tani hi Mukwetsimi Francis na Mukwetsimi Cecilia, nakona u khongelele vanhu van'wana, nakona lava a va huma eka phagathari, kutani va nyika sweswo tani hi mpfumelelo wo kotisa walowo. Sweswo a hi ku pfumelela ka matsalwa. I vanhu lava va pfumalaka mpfumelelo. Vaapostola a vari na wona mpfumelelo wa Matsalwa. Nakona loko swi hambana na wona, a kuri vunwa, tani hilaha ndzi swi tivisaka xiswona.

¹³⁸ Ndza pfumela eka ku tibasisa vudyoho, kambe ndzi pfumela leswaku hi kona sweswi. U hlantswa moyo lowu wu nga wa wena. *Phagathari* swi vula “ku titengisa.” Loko u swi vona leswaku u endle swin'wana swo hoxeka, huma kwalahaya u ya ti basisa swi suka eka wena, hi ku tivula, u tlhela u rila, na ku titsona, na ku khongela.

¹³⁹ Un'wana u ndzi hlekile hambi kuri ku ndzi hleka loko Hosi yi ta ta lahayani kungari khale ngopfu loko yi ndzi nyika xivono. Minkarhi hinkwayo ndzi lava ku vona loko ku bohiwa nyoka yaleyo. Minkarhi hinkwayo ndza hlamala leswaku swi endlisa ku yini. Ndzi nga tlhava goza ndzi huma hi ndlela yaleyo. Loko, sweswo hi leswi a ndzi swi lava, vutomi bya mina hinkwabyo. Hiloko ndzi sungula ku titsona ni khongela. Yi ku, “Sweswo u ta swi endlela yini?”

¹⁴⁰ Ndzi ku, “Kwalahaya, Yi ku a ndzi tshembhakanga ku ringanelia.” Endzhaku kaloko Yi tile, kutani ndzi lavile ku tibasisa hi vumina. Kungari ku yimela ku kondza u fa, na ku pfumelela muprista un'wana a ringeta ku mi basisa. Ku basisa mimoya ya n'wina!

¹⁴¹ Kambe, wa vona, va swi teke eka ku pfumeleriwa hi Rito, kutani byi vekiwa eka mavoko yan'wana ya nawu wa kereke lowu wu nga endla hi munhu, ku nghenisa mali ekerekeni, hikuva va languta eka swilo swa misava, kereke ya misava, matimba lamakulu a misaveni, matimba ya tipolotiki. Kambe Xikwembu xi languta a Ritweni ra Xona. Nakona rito rin'wana na rin'wana leri ri hambanaka na Rito ra Xikwembu ri hoxekile. Tani hilaha ndzi swi tivisaka xiswona, i Rito kumbe kungari nchumu. Ina, nkulukumba. Ina, nkulukumba.

¹⁴² U ta famba a kongomana na Masungulo. A ta handzulela nchumu wu va swiphemu-phemu. A nga swi endla. A nga ta endla nchumu swin'wana, loko Amos a ri kona lahwani namunthla. A nga ta endla nchumu swin'wana, hikuva, tsundzukani, hi yena muprofeta wa ntiyiso wa Xikwembu, loyi Rito ri taka ha yena. A nga ta endla nchumu xin'wana handle ka ku tlhelela endzhaku eRitweni. A swi hlamarisi loko Mapentekostal etikweni vahlengeletanile va n'wi rhendzela, va ku, "Nkulukumba, Amos, ha ku pfumela leswaku u muprofeta, kambe u humile eRitweni. Hi lava ku ku kongoma." A nga ha tshama na Rito. Ku hava swin'wana a nga swi endlaka, hikuva a ri muprofeta. A nga kalanga a lava ku tirhisana na vona. U na Hungu leri a nga ri nyikaka. "Kutani hinkwaswo leswi Tatana a nga Ndzi nyika swona swi ta ta eka Mina." Kutani a ya eku chumayeleni ka Rito, nakona A ya eku Ri chumayeleni ntsena tani hilaha a Ri tava ri ri xiswona eBibeleni, kutani swingaleswi hi ta n'wi tekela ehansi. Hi swona sweswo.

¹⁴³ A swi na mhaka leswaku Ri tava njhani, Rito ra Xikwembu ri ta hi vaprofeta, ku hlamusela ka vona Rito, nhlamuselo leyinene.

¹⁴⁴ Israel minkarhi hinkwayo a ri kumeka ri huma endleleni, kutani Xikwembu xi va rhumele muprofeta na masingita na swihlamariso, ku ta hlamusela Rito lero. Nakona a switiva njhani? U teri, "Loko muprofeta loyi a vulavula, kutani swi humelela, kutani sweswo swi lulamile." Xi tiyisisile vaprofeta va Xona, leswaku va lulamile.

¹⁴⁵ Yesu u teri, "Loyi a pfumelaka eka Mina, mintirho leyi Ndzi yi endlaka u ta yi endla na yena. Leswi mi ta switiva. Masingita lawa ya ta endliwa hi vona lava va pfumelaka."

¹⁴⁶ Nakona va koxa njhani kuva muprofeta wa Hosi ni ku tsan'wa Rito leri ra Xikwembu xana? Swi nga endlekisa ku yini leswaku munhu a khuvula hi vito ra "Tatana, N'wana, na Moya lowo Kwetsima," hi swiyimela-mavito swa vona, nakona vari karhi va ala Vito leri ra Yesu Kreste, loko kuri hava Matsalwa eBibeleni yo seketela ku anakanya ka vona? Ndzi nga hava ndzi tikisela naku sandza, kambe i nkarhi wu nga fika wa ku kuma ndlela yaleyo. Yi Ntiyiso.

¹⁴⁷ Vanhu va nga koxa njhani kuva Vakreste namunthla, ni ku tsutsumela ehandle lahwani eka hinkwaswo; kutani vavasati na misisi leyi yi nga bobiwa, mi tlhela miambala swokoma, na ku zaha tisigarete, mi tlhela mi tsutsumela eka tibayisikopo, eka maendlelo ya xikhale ya le tifilimini, kutani miya emahlwени na swona xana? Mi ndzi byela leswaku i Moya lowo Kwetsima walowo? [Nhlengengetano yi ku, "Ee."—Muhleri.] Mi nga kali mi ndzi byela swona sweswo. N'wina, mi hlambisa Xikwembu timbilu akhwirini ra Xona, loko hi leswaku swa endleka swo kotisa sweswo. Ina. Ndzi tshembha leswaku ma swi twisia. Mi

ti vitanisa, xisweswo, swi ngava njhani swilo swo kotisa sweswo xana? “Hi mihadzu ya vona va tiviwile.”

¹⁴⁸ A ta bulusela a tlhela a sola wansati wo boba misisi. A nga swi endlisa ku yini swin’wana? Hi yena muprofeta. Nakona rero i Rito. A nga ku, “N’wina, Vayezabele!” A ta karhatana na vona. Hikokwalaho ka yini? Hi yena muprofeta. A ta fanele ku tshama na Rito. Hi swona sweswo. Mi ehlleketa leswaku va nga swi tshika? Ee, nkulukumba. Va nga ha ku, “I ku bayiza. A nga kahle kukotisa Paul wa khale leswi a ri xiswona, eBibeleni, muvengi wa vavasati.”

¹⁴⁹ “N’wina, ntlawa wa valerisi, lava tivulaka Vakreste. A swi na mhaka ni leswaku mi ringeta ku hanya ku kwetsima njhani, sweswo a swi na nchumu lowu swi nga wu endlaka ha swona. Ntsena loko wa ha alana na Rito ra Xikwembu nakona mi nga foli na Rona, u mudyozi, la nga pfumeriki,” sweswo hi leswi a nga ta swivula. A ngaka a nga... Ku vekela, u ta vekela xihloka erimintswini ra nsinya. A ngaka a nga hlayisi nchumu. Hi yena muprofeta, nakona yaleyo hi yona ndlela ya ntuyiso ya muprofeta. Va ta tshama na Rito lero swi ngari na mhaka leswaku i mani. Loko kuri manana loyi a nga wa vona kumbe tatana; a swikali swi hambana. Yesu u swi endlile. A nga kalanga hambi kuri ku vitana manana wa yena leswaku manana; a ngari yena. Yena a ri Xikwembu. Xikwembu a xi na manana. Va nga ha swi endla, leswaku i mani tatana wa Yena xana? Aha, aha.

¹⁵⁰ A ta bulusela a va sola. A ta sola dinominexini yin’wana na yin’wana, hikuva ku hava na yin’we ya tona yi nga akiwa ehenhla ka Rito. A ndzi nge kumi na yin’we ya tona. Kutani tani hiloko va ha endla xidinominexini, va va vari karhi va lwsana na Rito kwalaho. Swingaleswi swi nga endlekisa ku yini... muprofeta a katekisa leswi Rito ri nga swi avanyisela xana? Hambi swi ri tano, a nga swi lavi ku swi endla, ku vavisa makwerhu wa yena, kambe hambi swi ri tano a fanele ku swi endla hikuva i muprofeta. Nakona hi yena tuyimeri wa Rito ra ntuyiso ra Xikwembu, nakona a nga suki eka Rona, swi ngaka swi nga koteke; hikuva i nawu ehenhla ka nawu, ku lerisa ehenhla ka ku lerisa. Ma swi vona leswi ndzi swi vulaka xana? Ndlela ya muprofeta wa ntuyiso.

¹⁵¹ I vangani lava va nge, “Hosi, ndzi navela leswaku U nga ndzi endla muprofeta”? A Yi swi endli sweswo. Ee. A Yi swi endli sweswo.

¹⁵² A ta sola maendlelo hinkwawo ya vugangu bya tikereke, tiphati leti ta bankho na hinkwaswo swilo leswi va nga na swona, makhadi ya mavandla, vadyi va xilalelo xa sopo. A ta avanyisela un’wana na un’wana wa vona. A ta va bulusela etiheleni laha va humaka kona.

¹⁵³ Miehleketa leswaku a mi ta n’wi amukela xana? Ee. Kereke namunthla a yi nga ta n’wi amukela. Kereke ya ximoya a yi

n'wi amukela? Kunene, a ta famba kwalahaya, a ku, "N'wina ntlawa lowu wu nga boba misisi ntlawa wa Vayezabele, xana a mi switivi LESWI HOSI YI SWI VULAKA leswaku i yini? Mi huma mi famba ehandle lahwani na swimpanhlana swo vonikela swi kombisa nyama, a mi switivi leswaku mi na nandzu hi ku endla timhaka ta vuoswi masiku hinkwawo na madzana-dzana ya vavanuna." Sweswo hi leswi a ta swivila.

¹⁵⁴ Mi ri, "Kunene, mudyuuhari yaloye wa xikhale! Wa nhloko ya mpandla, nakulorhi wo languteka a ri na timpfi, n'wi suseni eka phulphiti yaleyo. Mi nge hi mi vona, va bodo ya mathrasti, madiyakoni, n'wi humesen lahwani."

¹⁵⁵ "Kunene, n'wina ntlawa wa vatikukumuxi wa vusiwana." Hi swona. Amos a tava a swi vurile. Mi ti vula leswaku, "Hi va . . . Hi nghena eka ntlawa *lowu*. Hi nghena eka ntlawa *walowo*." Mi va javulosi, tatana wa n'wina, hikuva hi yena loyi a alaka Rito.

¹⁵⁶ Mi ri, "Ndzi vulavurile hi tindzimi." Kambe u boba misisi ya wena? "Ku kwetsima a kuve eka Xikwembu! Haleluya!" Nakona Bibele yi teri, "I—i nchumu lowu—lowu wu nga wun'we, eka wansati kuva a khongela na nhloko ya yena yi byewuriwile hi ndlela yaleyo." U tlhela u tivula Mukreste. Ma nyumisa. Kasa-kasa u ya kun'wana a khoneni, u ya swi lulamisa na Xikwembu.

¹⁵⁷ U ambala swiambalo swo koma swa khale, u tlhela u huma lahwani arivaleni, u ti olola, loko u tiva swa kahle nakona u endla vuoswi na madzana ya vavanuna masiku hinkwawo. U ku, Yesu u vule tano, "Leswaku loyi a langutaka wansati hi ku n'wi navela u va a endlile vuoswi na yena." Hi un'wana loyi a nga ti tisa hi yexe, nakona u swi endlile eka . . .

¹⁵⁸ Laha, wena, u nga fa eka swilo swa misava. U kurisiwe eka yona, tani hilaha ndzi vuleke, emasunguleni. "U ta hundzuluxela nhloko ya wena etinganeni. Mahlo ya wena ya lala ehenhleni ka swilo swo chavisa ku kotisa sweswo swa vudyoho, ematshan'wini yo langutisa vavasati hi ku va navela. N'wina vavanuna lava mi endlaka swilo swa muxaka walowo mi tlhela mi tivula Vakreste." Sweswo hi leswi a ta mi byela swona. Ndzi le ku ringeten ka ku teka Marito ya yena mixo lowu. Ya tava Marito ya yena. Hikuva, yena, tsundzukani, hi yena muprefeta wa ntiyiso. A ta fanela ku tshama na Rito lero. Aha. Ntsena ndzi tsaha Marito ya yena. Hi swona sweswo. Hikuva, loko mi n'wi tisa, hi yena Rito. Kutani, hi yena Rito, rona hi Roxe. Swi nga ha endleka mi ngavi na yena wanuna, kambe mi ri na Rito ra yena, hikuva a tava a ri na Rito ra Hosi.

¹⁵⁹ Dyondzo yin'wana na yin'wana leyi yi nga endla hi munhu, a ta yi sola, tani hi nkhuvulo walowo wa "vito ra Tatana, N'wana, Moya lowo Kwetsima." A ta cukumetela nchumu walowo wu haha kuya laha ku nga Heriki. A ta wu sola, swingaleswi a ku nga ta sala na ku nuhwa ka wona. Ina, nkulukumba.

¹⁶⁰ I vangani, n'wina, i vangani lava va nga ekerekeni mixo lowu a va ta n'wi amukela ehenhleni ka sweswo?

¹⁶¹ Kutani vona, ntlawa lowu wa Vito ra Yesu, va nga—va nga ha ku, “Oho, a hi ta n'wi teka eka sweswo.” Nakona nhlangano wa n'wina, a ta wu bulusela a wu humesa. Hi swona sweswo. Vavasati va n'wina lava va nga boba misisi, mi wu rhangisa emahlweni. Hi swona sweswo. N'wina vavanuna, hi ndlela leyi va endlisaka xiswona na maendlelo. Hi swona sweswo.

¹⁶² Vanhu vo hlaya va ri, “Swi kahle ku va muprofeta.” Swi tano, loko mi tilulamiserile ku xavisa hinkwaswo mi xavisela misava niku tshama na Xikwembu na Rito ra Xona.

¹⁶³ Ee, hi ngaka hi nga n'wi amukeli na swintsongo, tidinominexini ta hina namuntlha. Hakunene a hi tava hi ngari na ntirho na yena.

¹⁶⁴ N'wi yingiseleni loko a bulusela. U teri, “Xikwembu xexi mi koxaka leswaku mi pfumela eka xona, hi Xona xi nga ta mi lovisa.” Xana a mi ta endla yini ha sweswo xana? Xikwembu xexiya lexi va kereke ya Ximoya va pfumelaka eka xona, kusuka eka maendlelo yan’we ya vugangu na swilo leswi va swi endlaka ni ku swipfumelela kuva swi endliliwa, Xikwembu xexo xi ta tisa kuavanyisa ehenhleni ka minhlangano. Hi swona sweswo. Hi leswi hakunene Amos a nga swivula eka vona.

¹⁶⁵ “Oho,” va ri, “hi na Abraham. Hi na—hi na *loyi*. Hi na nawu. Hi na vaprista. Hi na vaprofeta.”

¹⁶⁶ Oho, makwerhu, mahlo ya yena ya lala tani hiloko a va languta, ni ku va bulusela Rito lero. Ina, nkulukumba. Hakunene. A va nga ta n'wi amukela. Ee, nkulukumba. U teri, “Va ta va hlasela hi tidyondzo ta wena leti ti nga endla hi munhu.” Sweswo hi leswi a ta mi byela swona namuntlha. A ta vula swo fana ni leswi a swi endleke ekusunguleni. U teri, “Xikwembu xexiya mi nga xiakela tikerekere, nkarhi wun’wana a mi humesa na timiliyonu ta tidolara, switempelani leswi mi nga swi akela Yehovha, ya loyi mi koxaka leswaku ma n'wi rhandza, Xikwembu xexiya xi ta mi lovisa hikokwalaho ka ku ala Rito ra Xona.”

¹⁶⁷ Swingaleswi swi tano na namuntlha! Xikwembu xexiya Amerika yi koxaka ku xi tirthela xi ta tisa kuavanyisa ehenhleni ka tiko xi ri lovisa. Ndzi tshembha leswaku sweswo swa nghenelela leswaku a mi nge puluti ha swona. Yena ya Loyi mi koxaka leswaku ma n'wi rhandza, na milawu ya n'wina leyi yi nga endla hi munhu, na vutomi bya vugangu na ku bola lebyi mi nghanaka eka byona, mi fambela ekule na Rito ra Xikwembu, xi ta mi lovisa siku rin’wana. Sweswo hi LESWI HOSI YI SWI VULAKA. Ku hava nchumu lexi xi nga va salela.

¹⁶⁸ Folani na Rito! Va chumayeleleni Evhangeli; tsemekanyani tiko; mi va byela Ntiyiso. Tiministara ti ba mpongo na ku huwelela, na kuya emahlweni. Vavanuna va sola. Minhlangano

yi mi hlongola. Vavasati va pfumelela hi tinhloko, kambe va nga pfumeleli misisi ya vona leswaku yi kula, eka leswi swi ngariki nchumu. Va ambala swiambalo swa vona ku fanana, lembe na lembe. Ntsena kukotisa loko ku cheriwa mati enhlanini wa sekwa. "Kutani u koxa leswaku u rhandza Xikwembu?"

¹⁶⁹ U teri, Yesu u teri, "Mi tekile mindzhavuko ya n'wina mi endla Milawu ya Xikwembu leswaku yi nga havi na matimba."

¹⁷⁰ Yaleylo hi yona ndlela ya muprofeta wa ntiyiso. Wa vona? A hi ndlela yo olova. A hi swona leswi un'wana na un'wana a ehleketa ka leswaku swi tava tano.

¹⁷¹ Mi tlulela ehenhla nale hansi mi tlhava mukhosni, un'wana na un'wana u mi bambetela a makatleni, kutani yaleylo i sayini leyti yi kombisaka leswaku a wu muprofeta wa ntiyiso. Yaleylo hi yin'wana ya tisayini leyti u pfumalaka leswi u vulavulaka hiswona.

¹⁷² Va n'wi bambetele rini enhlaneni, handle kaloko va ri na xihloka lexi xi nga tsemaka? Yini? A ta hundzuluka a va sola. Hi swona. A va nga ta swikota ku bambetela Amos enhlaneni. A va nga ta swikota ku bambetela Eliya enhlaneni. A nga kalanga a ma yimela maendlelo ya lawa. Ee, nkulukumba. U va byerile Ntiyiso wa Xikwembu. Nakona loko Tilo ri ri kahle, nakona hi kwihi laha hi nga yaka kona, kutani loko hi hluleka ku fola na swilo leswintsongo ngopfu, xana hi nga fola njhani na Moya Lahaya? Hi fanele ku fola na Rito. Yaleylo hi yona ndlela ya muprofeta wa ntiyiso. Hambi leswi a swi n'wi handzulela swi va swiphemu-phemu, ku Ri vula, ina, a fanele ku handzulela tiko riva swiphemu-phemu, ha Rona. Hi swona sweswo. Kambe yaleylo hi yona ndlela.

¹⁷³ A ta ri bulusela. Oho, mina! Ma switiva leswi a nga swivula eka vona xana? "Nkitsikitsi," loko mi nga swi xiyisisa lahwani, u teri, "a wu le ka mfumo wa n'wina, wu le ka n'wina." Sweswo hi leswi a nga swivula. Ina. "Nkitsitsiki ekerekeni, nghohe ya n'wina ya vukhongeri, sweswo hi swona swi endlaka dzolonga."

¹⁷⁴ Xivangelo xa kuva xikhomonisi xi kukula tiko namuntlha, a hikokwalaho ka xikhomonisi. Swi hikokwalaho ka kerekere. Swi hikokwalaho ka vanhu. Namuntlha va ti vitana Vakreste. Va yimbelela kukotisa Tintsumi. Tivhoyisi leti ti nga leteriwa, niku vulavula loku ku nga tshamiseka, tani hiloko a vari tindhuna ta Tintsumi; va tlhela va nga ri pfumeli Rito ra Xikwembu, tani hi madimona. Hi swona sweswo. Va yimbelela kukotisa ndhuna ya Ntsumi, va bombisa swin'wana, kambe va alelana na Rito ra Xikwembu.

¹⁷⁵ Munhu, muchumayeri aphulphitini, loyi a nga ta yima kwalahaya a tititana Dokodela, Mufundhis, nakona u n'wi vutisa leswaku, "Xana Bibele yi vulavula hi nkhuvalo 'eVitweni ra Hosi Yesu Kreste,' kumbe, 'Tatana, N'wana, na Moya lowo Kwetsima'?" Kutani a nga ku hlekela exikandzeni xa wena

a teka, “Tatana, N’wana, Moya lowo Kwetsima.” U tlhela u tivitana n’wana wa Xikwembu?

¹⁷⁶ Vavasati va switiva leswaku Bibebe ya va alela ku endla swin’wana, na ku boba misisi ya vona, na kuva na maendlelo ya misava, na ku ambala swiambalo swa vugangu na swin’wana swo kotisa sweswo, nakona va ta swi endlisa xisweswo va nga yimi, hi ndlela yin’wana; va tlhela va vulavula hi tindzimi, va tlulela ehenhla nale hansi, na ku rhasa, nikova va va na sosayiti ya vamanana va khale, na ku rhunga swirhendzevitani, na ku rhumela timixinari ensin’wini. Swi va ku nuhwa loku ku nga riki kahle emahlweni ka Xikwembu. Kutani, HI LESWI HOSI YI SWI VULAKA, Xi ta lovisa nchumu hinkwawo. Xi ta swi endla.

¹⁷⁷ A hi leswi swi olovaka, kambe yaleyo i ndlela ya muprefeta wa ntiyiso. A Ri bulusela kwalahaya, nakona u Ri vula hambi ra vavisa kumbe a Ri vavisi.

¹⁷⁸ Yohana a ri muprefeta wa ntuyiso. U teri, “Xihloka xi vekiwe ehansi ka rimintsu ra nsinya.” Yaley i ndlela ya vona. Hakunene.

¹⁷⁹ Khombo ri le ka yona. Yi yimbelela ku kotisa Tintsumi, yi cina tani hi madimona lahaya, ku cina, ku ya emahlweni, ku tlanga makhatsi, ku beja tihanci. Mapentekostal, va ya etindhawini leti ti hlekisaka, a tibayisikopeni kutele hi vona. Ndhawu yin’wana na yin’wana, maendlelo yan’wana ya ntlangu wa khale kumbe swin’wana, kutani u ya kwalahaya, eka mujaho ku ya beja na swin’wana, va tlhela va tivitana Vakreste, va tlhela va ya va ya rhasa, na ku vulavula hi tindzimi, va tlhela va hlambisana minkondzo na xilalelo.

¹⁸⁰ Hikokwalaho ka yini, swi—swi, “Tani hilaha myana yi yaka eka manhlata ya yona,” muprefeta u teri, “swingaleswi va swi endla.” Loko walowo wuri nchumu wa misava, wu fanele ku rahiwa wu huma eka n’wina, hikokwalaho ka yini mi tlhelela eka wona nakambe? Hi swona. Ehandle eswitarateni, mi ri karhi mi ti soha-soha, va swi vitana leswaku i, rock-and-roll, va boba misisi ya vona, va ambala swo koma. Oho, mina! Va tivitana Vakreste. Mi nga . . . Ee, swa antswa ndzi nga swi vuli.

¹⁸¹ Hi swona swi endlaka leswaku ndzi va sola. Loko hi leswaku ndzi ya eku tshameni na Rito *leri*, loko Rito *leri* ri ta eka mina, ndzi nga tshama na Rito *leri*. Leswi hi swona swi taka eka mina, Rito. Ku swi sola!

¹⁸² Va koxa leswaku va fumbisiwa hi Moya lowo Kwetsima, niku endla swilo swo kotisa sweswo. Mi nga ha swi vona loko wansati, loko a fumbisiwa hi Moya lowo Kwetsima, a pfumelela misisi ya yena yi bobawa, loko Moya lowo Kwetsima walowu wu swi sola? Kutani wu ngava wu ri Munhu wa njhani Moya lowo Kwetsima? Mi nga ha swi vona?

¹⁸³ Mi nga ha swivona loko muchumayeri a yima aphulphitini, nakona munhu un’wana a n’wi ntlhontlha leswaku a n’wi

kombeta ndhawu yin'we laha un'wana a nga tshama a khuvula hi ku tirhisa swiyimelo swa "Tatana, N'wana, na Moya lowo Kwetsima," a tlhela a ku hlekela exikandzeni a ku vula leswaku hi wena la nga twisisiki, hi ku khuvula hi Vito ra Yesu Kreste, a tlhela a ku u fambisiwa hi Moya, a tlhela a ku una Moya lowo Kwetsima? Xana Moya lowo Kwetsima wu nga alana na Rito leri ri nga ra Wona N'winyi xana? Ee, nkulukumba. Aha. Ma swi vona xana? Ndzi tshembha leswaku ma swi kuma.

¹⁸⁴ A ndzi switivi leswaku nkarhi muni. Ku pfurhetela loku ku taka ku nga ha ndzi kuma. Kambe, ku fikela laha swi endlekaka, ndzi ya eku yimeni kwalahaya na Rito. Loko ndzi ta hlangana na n'wina halahaya eka Kuavanyisa, ndzi ya eku yimeni hi Rito lero. Sweswo hi leswi ndzi pfumelaka leswaku i Ntiyiso.

¹⁸⁵ Ee, a mi swi endli swilo swo kotisa sweswo, nakona mi tlhela mi va na Moya lowo Kwetsima. Ndzi yile eka nsati wa muministara nkarhi wun'wana, a tshamile kwalahaya na swi ambalo leswi a nga swi ambala, a languteka a chavisa.

Mi ri, "A wu na tinfanelo."

¹⁸⁶ Ndzi na nfanelo. Rero i Rito. Ri chumayeli hinkwako. Wa swi tlula swilo leswi, vunyingi bya swichumayeri swo hanya vusati, hikuva va hava vunhe-... Nkarhi wun'wana a wu vitaniwanga hambi kuri ku vitaniwa ku ta chumayela, eka ndhawu yo sungula. Ina. Kambe nandza wa ntiyiso wa Xikwembu u ta tshama na Rito rero. Hi swona.

¹⁸⁷ Nsati wa muministara a tshamile kwalahaya, a ti manyamanyile hinkwako hi swiambalo, na masuruvele lawa a ya ncikinyha, na ku tiphontsa, na misisi leyintsongo leyi yi nga bobawa. Loko, Xikwembu xi sola nchumu hinkwawo tani hi thyaka. Nakona mi ri mi na Moya lowo Kwetsima?

¹⁸⁸ A ndzi ri eku chumayeleni lahawani ePhoenix, kungari khale ngopfu, hi swin'wana swo kotisa sweswo, na nsati wa muministara a tshamile eka phulphiti, na swin'wana swa leswi swi vitaniwaka ku boba misisi ka vujaha hinkwako misisi yi manyiwile, na swiambalo leswi a nga fanelanga hambi kuri ku hlayisa swikete swa yena swo rhangisa kuva swi hatimisiwa. A nga swikoti hambi kuri ku swikota ku korhama a fika a matsolweni ya yena. Swi kwalomu ka mune kumbe ntlhanu wa tiinci kuya ehenhla ka matsolo ya yena, a tshamile lahaya; a tlulela ehenhla nale hansi, a suma na tinsimu. Ndzi swi buluserile ntsena hi ku tika ntsena hilaha ndzi nga kota ha kona. Hikuva, a ngaka a nga ha ndzi rhambi. A ndza ha swi languteli. Kambe wa switiva leswi swi nga lulama ni leswi swi nga hoxeka. Loko ndzi ta yima eka Kuavanyisa, a swa ha ri emavokweni ya mina nakambe. Kutani u famba a ya ku...

¹⁸⁹ Munhu, loyi a vitaniwaka mudyondzisi, laha ndzi nga vuleku leswaku a nga tano, u vile na marito siku rin'wana, emahlweni ka vanghana van'wana va mina edorobeni rin'wana laha a ndzi ri

eka rona. Ma n'wi tiva buti loyi. Kutani buti loyi u nghenile. A ku, kunene, a ku, "Hi tshame hi va na Makwerhu Branham kan'we lahawani." Eka doroba rin'wana, kutani a huma eVupeladyambu. Kutani wanuna loyi a ku, "Oho, Makwerhu Branham i munhu wa kahle." Wa vona? U tiva ku antswa ku tlula ku kholela vanhu. A ku, "Makwerhu Branham, kambe mi nga yingiseli tithepi ta yena, hikuva ti ta mi hlanganisa nhloko."

¹⁹⁰ Kutani kwalahaya swi humelerile eka un'wana wa munghana wa mina kwalahaya, a ku, "Ntsena yima nyana, nkulukumba! A ndzi hlangane nhloko ku kondza ndzi *twa* tithepi." Ina. Sweswo swi hambanile. "A ndzi swi twisisi leswaku hikokwalaho ka yini Xikwembu lexo kwetsima xi nga veka swilo swo kotisa sweswo, tani hilaha n'wina hinkwerhu mi swi endlaka." Ina.

¹⁹¹ Munhu ya luya, un'wana loyi a ri na yena, u yimile endhawini yin'wana ku ngari khale ngopfu, a ku, "Makwerhu Branham i muprefeta. A nga ha kota ku vona swilo. Na swin'wana swo kotisa... Kambe," a ku, "sweswi, mi nga yingiseli Dyondzo ya yena, hikuva a nga kahle." Rihuhe, nhlamuselo leyi nga tollovelekangiki tani hi yaleyo!

¹⁹² A mi switivi leswaku loko kuri... A ndzi muprefeta. Kambe loko Rito ra Xikwembu ri ntintyiso, Ri ta eka muprefeta. "Rito ra Hosi ri ta hi vaprefeta." Hi vona lava va ri tolokaka Rito. Kutani, ma swi vona, a mi...

¹⁹³ A swi kali swi twala hambi kuri ku twala, ntsena ku tumbela eka dinominexini leyi ntsanana, rin'wana ra masiku lawa yi ta fayeka yi tlhela yi nhlahlekwa, kutani yi lovisiwa etiheleni.

¹⁹⁴ Kambe Rito ra Xikwembu ri ta tiyisela hilaha ku nga heriki. Ehenhleni ka Ribye lero ndzi aka ku tshembha ka mina kona hilaha ku nga heriki, ehenhleni ka Rito ra Hosi. Pfumelela hinkwaswo swi mbombomela. Loko ndzi nga lahlekeriwa hi munghana un'wana na un'wana, hinkwaswo, vunghana bya mina byile ka Kreste.

Ku tshembha ka mina a ku akiwanga eka leswi
swi nga riki nchumu
Ku tlula Marito ya Yesu na ku lulama;
Loko hinkwaswo leswi swi nga rhendzela moyo
wa mina swi famba,
Kutani hi Yena ku tshembha ka mina
hinkwako niku tshama kona.

¹⁹⁵ Xibalesa xexo lexi xi nga buluka siku rin'wana. Ndzi vone. A ndzi ehleketa leswaku a ndzi file. A ndzi ri na matitwele yo rhula ngopfu. Ndzi langutile hinkwako. Ndzi ehleketa, "Kunene, leswi hi swona." Hi swihi swa kahle leswi dinominexini yi nga ndzi endlelaka swona kwalaho? Hi swihi swa kahle leswi nhlangano wu nga ndzi endlelaka swona kwalaho? Ndzi nga

ha yima halahaya eka ku avanyisa ka ndzilo wa Xikwembu, kuavanyisiwa hi Rito *leri*.

¹⁹⁶ Hambi ndzi nga tshwa, ni voyama, ni ku soheka, ni ku avana, vanhu votala, kambe ndzi tshembhela ku swi endla, ni kuma xikamba xo tiyela xa ntiiyiso lexi xi humaka kwalahaya, ka Rito ra Xikwembu, kutani kwalahaya ni aka moyo ni wu akela laha ku nga Heriki. Sweswo hi swona. U nge Xikwembu xi swi nghenisa emavokweni ya Xona kutani xi swi akela n'wana loyi a tiarisaka.

¹⁹⁷ Swi nga endlekisa ku yini—swi nga endlekisa ku yini leswaku munhu, loyi a fambisiwaka hi Moya lowo Kwetsima, a endla nchumu wo kotisa walowo? Kumbe, wansati loyi a nga na Moya lowo Kwetsima, a endla swilo swo kotisa sweswo? Ee. Xa kwetsima. Nakona loko Vutomi bya Xona byi ri eka n'wina, ma fana. U ta kotisa Xona.

¹⁹⁸ Israel, tani hi hina, va ehleketa leswaku hikuva va le ku humeleleni hi ku hlanganyela na vona van'wana, sweswo a kuri ku pfumela ka Xikwembu ehenhleni ka swona. Sweswi, ma swi tiva, hi ehleketa sweswo namuntlha.

¹⁹⁹ Ndzi vulavule na vavanuna van'wana lahawani ku ngari khale, a hotela, masiku mantsongo lawa ya nga hundza, vavanuna lavakulu eka rifuwo ra vukhongeri. Kutani va ku eka mina, "Xikwembu xa khorwisa leswaku Xi na hina. Hikokwalaho ka yini, hi kule lembe leri ri nga hundza, Makwerhu Branham," ndzi rivarile leswaku i madzana mangani, tani hi sweswo.

²⁰⁰ Ndzi ku, "Ku hava na xin'we lexi nga pfumeleriwa." Aha. Hi swona sweswo. Vungwavavani bya antswisiwa, byi engetelelekile lembe leri ri nga hundza, hi kwalomu ka makume nharhu wa tiphesente; xana sweswo swi kombisa leswaku Xikwembu a xi ri na ngwavavani xana? [Nhlenelelano yi ku, "Ee."—Muhleri.] Aha. Aha. Aha. Hakunene. Haa! Ku phikizana kwaloko ka marito a swi kahle. Ee. U ngaka u nga swi endli. Ee, nkulukumba. Xikwembu xi yima na Rito ra Xona. Munhu un'wana na un'wana u ta yima na Rito ra Xona, loko a tshembhekile. Hi swona.

²⁰¹ Va ehleketa leswaku, hikokwalaho ka kuva vari na ku tirhisana! Sweswi, lahawani, hi ta nghena eka swona, ntsena hi xinkadyana, eka timhaka ta holumende. Tiko ra hina ri tekerile Rito ra Xikwembu ehansi, ntsena kukotisa Israel ri swi endleke. Va tekerile Rito ra Xikwembu ehansi, na vanhu va vona, vaprista va vona, na vaprofeta, na kuya emahlweni, va profeta swa kahle eka vona. Kutani vona....Xana hi nga endla yini handle ka ku profeta swo hoxeka, hikuva swi hambana na Rito! Ri wele hi khombo. "Tiko ra hina leri ri rhandzekaka, ra kahle, ri kongomisiwile ehenhla ka...ntokoto wa hina wa vatatana va hina vorhangha." Ku tlhelela endzhaku eka leswi a vari na swona. Aha. Hi swona. Hakunene.

²⁰² Israel a ri ri tiko ra kahle. Langutani eka vatatana va vona lavo rhanga, kambe Xikwembu a xi va hlayisanga. Mukhalabya yaloye wa muprofeta wa nhloko ya mpandla a va hoxetela hi Rito, nakona swi humelerile hi ndlela leyi a nga vula ha yona. Hlayani matimu ya n'wina lahwani mi vona loko ku ngari swona. Swi humelele ntseña hi ndlela leyi a nga yi vula hakona. Nakona u va sorile, hambi swi ri tano, a va yimile kwalahaya, na vaprista lavo kwetsima va ambarile swiambalo leswo kwetsima, a hoxa *leswi*; nakona a nga ta fambisa na voko, hi ndlela *leyi* kumbe hi ndlela ya *leyo*, hikuva swi ri swin'wana hi ndlela *leyi*, ndhavuko kumbe swin'wana.

²⁰³ Yesu u teri, “Mi huma eka tatana wa n'wina, a nga javulosi, nakona mi endla mintirho ya yena.” Va N'wi tekile va N'wi sola, kutani va N'wi hinga emurhini, va N'wi dlaya. Hi swona hakunene. Xikwembu xi N'wi pfuxile nakambe. Ina, nkulukumba.

²⁰⁴ Ee, vangaka va ngavi tano. A hi nga ta n'wi pfumela Amos namuntlha, kungari eka hinkwaswo. Kutani namuntlha hi endle xinakulobye. Hi kumile leswaku Xikwembu xi “kahle,” hikuva minhlangano ya hina yi ya yi engeteleka na—na hinkwaswo swi famba hi ndlela leyi yi nga xiswona. Hi ehleketa leswaku Xikwembu xi “kahle” ehenhleni ka swona. Ma swi tiva, va hlangananile, ndza pfumela, kwalomu ka mamiliyon i mambirhi kumbe manharhu yo engetelela ya Maprotestant. Nakona Makhatholiki ya fambe timiliyon i to tala to engetela. Wa vona? Mi ehleketa leswaku sweswo swi amukeriwe hi Xikwembu, hikuva vona va ri va Khatholiki. Maprotestant va ehleketa leswaku swi amukela hi Xikwembu, kuva vari Maprotestant. Haa! I thyaka. Kova xibalesa lexi xi omeke. Kova minkuma ya athomiki. I vukarhi bya Xikwembu lebyi byi nga akiwa, leswaku yi buluka. Sweswo hi swona hakunene.

Loko mi ndzi yingisela. Ndzi ta mi byela Rito ra Hosi. Amen.

²⁰⁵ A hi languteni hi hina. Langutani misava namuntlha. Langutani tiko ra hina. Hi joyinanile na U.N. Ku na yini eka yona xana? Ntlawa lowu wu nga khongeriki. Kutani hina, hi vurhena a hi pfumeleli hambi kuri ku pfumelela leswaku xikhongelo xi nyikiwa ku nga se nghena tinhlengeletano ta hina.

²⁰⁶ Xana a ndzi hlayanga lahwani leswaku, “Xana vambirhi va nga famba njhani handle kaloko va nga twanananga? Xikwembu a xi endli nchumu handle kaloko Xi swi paluxela malandza ya Xona, va nga vaprofeta. Xana vambirhi va nga famba njhani handle kaloko va nga twanananga xana?”

²⁰⁷ Loko, hi ri na va Mohammedan, Buddha, lavo phahla, lava nga khongeriki, lavo tirhandzela, hinkwaswo, eka yona. Mi ehleketa—mi ehleketa leswaku Xikwembu xi nga tshama eka swin'wana swo kotisa sweswo?

²⁰⁸ “Kunene,” mi ri, “leswaku, kunene, hi na ntirhisano na vona. Hi na kona hinkwako ku sirheleleka ka xi Westeni.”

²⁰⁹ A vari na wona matiko hinkwawo lawa a yava rhendzerile, eka ku sirhelela. Kambe muprofeta yaloye u teri, “Xikwembu xi ta mi lovisa. Xikwembu xexiya mi xi tirhelaka xi ta mi lovisa, eka vuphukuphuku bya n’wina.” A nga ha vula swo fana mixo lowu. A nga ha vulavula a rhasa, kusuka eWhite House kuya fika ehansi epurasini ra vusiwana. U na ntiyiso wa leswaku a nga ha swi endla. A nga ha va bulusela, hi Rito ra Xikwembu. Hakunene a nga swi endla. Yaleylo hi yona ndlela ya muprofeta wa ntiyiso.

²¹⁰ “Langutani eka hina, tikereke. Oho, hi hina kereke ya Khatholiki ya Rhoma yo kwetsima!” Yi vuriwile, eBibeleni, leswaku ya MUOSWI.

²¹¹ “Hi vapatriarka va vatatana, tikereke ta Tiprotestant, hinkwato ti hlangana kun’we, kutani va tivitana...va tivitana Khansele Ya Tikereke Ta Misava.” Swioswi swa MUOSWI, ku vule Bibele. Sweswo hi swona leswi hakunene Yi nga swivula. Aha. Nakona hambi swi ri tano hi ehleketa leswaku, “Kutani hinkwato tikereke ti famba kun’we.”

²¹² Nkul. Collins, munghana wa mina, makwerhu wo huma eCalifornia, Arizona lahaya. N’wina—n’wina...[Makwerhu Neville a ku, “Elmer.”—Muhler.] Elmer. Ndzi ku, “Kunene, ndzi bvumbha leswaku u ya eka kereke yin’wana leyintsongo yo saseka ya Methodist.”

²¹³ A ku, “Ndzi humile eka yona loko va ta joyina Khansele Ya Misava Ya Tikereke lahaya.”

²¹⁴ Ndzi teri, “Xikwembu a xi ku katekisi. U le kusuhi na Mfumo, makwerhu.” Aha. Ina, nkulukumba.

²¹⁵ Nawu wa kereke, wu ya hi nhlangano wa vavanuna, na dyondzo leyi yi nga endla hi vanhu, kutani va tshika Rito ra Xikwembu. Lexi hi xi lavaka namuntlha i muprofeta, la nga ta bulusela Rito lero kwalahaya. Hi swona sweswo. Ina.

²¹⁶ Va, va tekile vuhalayiseki exikarhini ka vona. “Oho, hi joyinanile. Hina, Mapentekostal, hakunene, hi joyinile Khansele Ya Tikereke Ta Misava, hikuva kwalahaya hina xinakulobye. Hi tava wina.” Ku kotisa loko wansati loyi a yaka abarheni, kuya dakwa na nuna wa yena, ku ya n’wi wina leswaku a ta eka Xikwembu. Kutlula loko nuna a famba na nsati, eka masiku lawa, kuya ebarheni, ku ya dakwa, kuya n’wi wina leswaku a ta eka Xikwembu. Thyaka! Sukani erivaleni ra javulosi.

²¹⁷ Loko xin’wana na xin’wana xi alana na Rito lero, mina ndzi lwisana na xona. Sweswo swi ndzi endla ndzi lwisana na nhlangano wun’wana na wun’wana, hikuva yi lwisana na Rito. Yi fanele ku endla leswaku mupfumeri un’wana na un’wana a titwa hi ndlela yaleyo. Haa!

“Kunene,” va ri, “kambe, tsundzukani, hina...”

²¹⁸ Ndzi na xiphemu lexikulu aphepheni, un'wana a nga ndzi rhumela xona kusuka a Arizona, hilaha patriarka loyi *Swingere-ngere*, siku rin'wana, a ngeteri, "Pope John wa Vumakume Mbirhi-mbirhi," kumbe hilaha va nga ha n'wi vitanisaka xiswona, "a ri... I munhu wa kahle. Hi yena munhu a ri yexe loyi a nga vulavula hi ku hlanganisa tikerekere, Makhatholiki na Maprotestants, kun'we." A ku, "Swi ngaka swi nga ti emasikwini ya hina, kambe, malembe lawa ya landzelaka ya khume ntlhanu na makume mbirhi, ya tava ya ri kwalahaya."

²¹⁹ Ndzi ehleketa leswaku, "Jaha, kuva u ri mupatriarka, u le ku profeteni, nakona a wu switivi."

²²⁰ "A swi nge hlweli kukotisa hilaha hi ehleketa ha kona." Munhu loyi a nga ndzi tsalela rona, u tsale ehenhleni ka pheji, "A swi nge hlweli kukotisa hilaha hi ehleketa ha kona." A ri eku yingiseleni ka tithepi, na yena. Ina, nkulukumba. U teri, "A swi nge hlweli kukotisa hilaha hi ehleketa ha kona." A ku, "Makwerhu Branham, a wu kalanga u swivula leswi, malembe lawa ya nga hundza xana?"

²²¹ Ndzi ku, "Hakunene." Ina, nkulukumba. Swi ta humelela, hikuva i Rito ra Hosi. Ri fanele kuva tano. Hakunene. Ina.

²²² Va ri, "Kunene, mupatriarka loyi wo kwetsima, mi nga ehleketa leswaku a fanele ku tiva swin'wana swo tlula sweswo?" Ee, nkulukumba. Loko a alana na Rito ra Xikwembu, swi languteka swi ri tano, a nge swikoti.

²²³ A ndzi na mhaka ni leswaku i tipope tingani, vapropfeta, na loyi mi nga na yena exikarhi ka n'wina. Loko mi sukile eka Rito, mi sukile eka Rito. Hi swona sweswo. Xana Xikwembu xi nga katekisa njhani nchumu wo kotisa walowo, loko ntseña va ha ala Rito ra Xikwembu xana? Xi nga katekisa njhani swin'wana handle ka Rito ra Xona, swin'wana leswi swi hambanaka na Rito ra Xona? Xi nga Ri ala njhani xana?

²²⁴ Xana u nga wu katekisa njhani mfukuzani lowu wu ku dyaka xana? Xana u nga yi katekisa njhani ntambhu ya gezi leyi u—u—u nga yi khomelela xana, i ku, "Oho, ndzi khomelei u tlhela u ndzi hisa"? Sweswo swi tava swi ri rihuhi.

²²⁵ Xana Xikwembu xi nga katekisa njhani leswi swi lwisanaka na Rito ra Xona? Swingaleswi tlhelelani eRitweni! Aha.

²²⁶ N'wina ntlawa wa swichumayeri, ku kotisa timbyana ta muhloti, ku humelela yini hi n'wina? Mi huma lahwani mi ya xavisa tinfanelo ta n'wina to tswariwa hi thyaka ra sopo, ku jika-jika hi Cadillac yin'wana kumbe swin'wana, kumbe yin'wana leyikulu, dyimaxini ledyikulu dyale henhla kun'wana, na kereke leyikulu ya miliyon i wa tidolara. Na hinkwaswo swilo leswi swo kotisa sweswo, kutani u xavisa tinfanelo ta wena to tswariwa, u tlhela u va na tingana u chava ku chumayela Rito ra Xikwembu eka nhlengeletano ya ka n'wina. Ndzi ri, a wu na tingana wena hi wexe xana? U tlhela u tivitana nandza, mupropfeta wa

Xikwembu, u xavisa tinfanelo ta wena to tswariwa u xavisela thyaka ra misava. Xana u ta tlhotlhorha yini? Swo fana ni leswi Esau a swi endleke. Oho, swi khomisa njhani tingana!

²²⁷ Oho, ee! Xikwembu lexi kwetsimaka lexi xi vonaka eRitweni ra Xona, ku ta Ri tiyisisa, xi ngaka xi nga katekisi swin'wana leswi swi lwisanaka na Rito ra Xona. Sweswi yingiselani. Ndza swi tiva leswaku ndzi le ku hlwelani nyana, nakona ndzi nga ha mi chokela ro fa. Kambe, langutani, ndzi lava ku mi vutisa swin'wana. Swi nga endlekisa ku yini eka Xikwembu xo kwetsima, Lexi xi nga vula Rito ra Xona xi ku, "Sweswi, havumbirhi matilo na misava swi ta hundza, kambe Lero ri ngaka ri nga hundzi, ku ri hava na Rito na rin'we ra Yona," sweswi Xi nga swi tekisa ku yini swin'wana leswi swi hambanaka na Rona xi swi katekisa xana? Xi nga swi endlisa ku yini xana? Langutani. Xa khorwisa, hi Xoxe. Xa ri tiyisisa Rito ra Xona. Xi vule leswi swi nga lulama, ku ngari hi vuxirho.

²²⁸ Langutani eka Moab. Moab a ri na Rito ra Yena, na yena, Moab. Israel a ri ri na Rito ra Xona; nakona Moab a ri na nghohe ya vukhongeri, na Rito ra Xona. Va nyikerile magandzelo ya nkombo, tinkuzi leti ti nga tenga, ehenhleni ka nkombo wa tialtari; nambara leyi yi hetisekeke, gandzelo leri ri hetisekeke. Kutani, handle ka sweswo, u tekile tinyimpfu ta xinuna ta nkombo, va vulavula leswaku va pfumela eka ku ta ka N'wana wa Xikwembu, kutani va tinyikela lahaya, na bishopo wa vona lonkulu. Na vakulukumba hinkwavo va vona, na hinkwavo vaprista va vona na vaprista lavakulu, na hinkwavo, va yimile ku rhendzeleka hi tihosni ta vona na tipresidente, na van'wana votala, kutani va swi nyika leswi ntsena tani hi vukhongeri tani hilaha va nga swikotaka, ku lwisana na Israel.

²²⁹ Nakona a kuri na Israel ehansi lahaya, xintlawani nyana xa vagwinihi, swi langutekisa tano. Kambe i yini leswi a swi ri na Israel? Xikwembu a xiri eka mpfhumba ra vona. A Xi ri eku tikhorwiseni hi Xoxe, leswaku a Xi ri na vona. Wa vona?

²³⁰ A swi ngari na mhaka ni leswaku i vapatriarka vangani lava a vari na vona, vapope, kumbe van'wana, Xikwembu xi ngaka xi ngavi na vona kufikela laha Xi tikhorwisaka xona hi Xoxe na vona. Nakona ntsena loko va sukile eRitweni ra Xona, niku ala Rito ra Xona, xana Xi ngava na vona njhani? Ku hava tisayini ta Xikwembu lexi xi hanyaka exikarhini xa vona.

²³¹ Xana Xikwembu xi ngava njhani eka U.N., laha vambirhi va nga taka va nga swikoti ku famba swin'we handle kaloko va lo twanana?

²³² Sweswi, langutani lahawani. Kuna Church of Christ, leyi yi titivitanisaka xisweswo, yi nga joyinana na Mapentekostal. Mapentekostal va vula leswaku va pfumela eka ku vulavula hi tindzimi. Va pfumela eka vumbhoni bya Moya lowo Kwetsima, ku vulavula hi tindzimi. Va vula leswaku va pfumela eka

leswi, sweswo, na *swin'wana*. Va pfumela eka masingita na swihlamariso. Va Church of Christ va va hlekile, va ku, “N'wina ntlawa wa vahunisi! Yalawa i masiku lawa ya nga hundza.” Xana vambirhi va nga famba njhani handle kaloko va lo twanana? Nakona va joyinanile. Va endla yini xana? Va le ku laveni ka vuhlayiseki na un'wana. Fambelani ekule na maendlelo yalawa!

²³³ Vuhlayiseki bya mina byile ka Kreste na Rito ra Yena, hikuva Rito ra Yena hi yena N'winyi. Hi swona sweswo.

Kuhava tisayini ta Xikwembu lexi xi hanyaka, ku hava.

²³⁴ Sweswo hi leswi Yesu a nga swivula, “Loko Ndzi nga vonakarisi Rito, kutani mi nga Ri pfumeli. Loko Xikwembu xi nga vulavuli na ku profeta ha Mina, niku vula ha Mina ni ku endla ha Mina ntsena hilaha Mesiya a faneleke ku swi endla, swingaleswi mi nga Ndzi pfumeli.”

²³⁵ Kutani, munhu u ri hi yena muprefeta loyi a nga rhumela hi Xikwembu, niku ala Rito? Xikwembu a xive na tintswalo eka maendlelo ya lawa! Xana Xikwembu xi nga swi endlisa ku yini sweswo?

²³⁶ Mi nge ndzi vutisa, ku vutisa, hi kona sweswi. A ndzi—ndzi switivi leswaku ndzi ta tlhela ndzi vulavula na n'wina rini. Sweswo swile ka Xikwembu. Ntsena ndzo veka Swakudya, tani hilaha Xi nga ndzi byela eka xivono xexo hi nkarhi walowo, ku Ri veka eka switlati.

²³⁷ Mi nga ha ndzi vutisa, “Leswaku Amos u rhange hi ku swivona njhani leswi a swi ya eku va humeeleni?” Hikokwalaho ka yini, swi languteke swi ri kahle.

²³⁸ Langutani. Sweswi langutani lahwani. Sweswi, yingiselani swinene sweswi. Hikuva, Leswi hinkwaswo swi le ka thepi, nakona Ra famba, Ri ta famba misava hinkwayo. Wa vona? Sweswi njhani... Langutani lahwani.

²³⁹ A kuri na Israel. Tiseminari ta vona a ti ri na xivumbeko xo antswa kutlula leti va nga tshama va va na tona. A kuri hava munhu loyi a va karhata. A vari na vukhongeri bya vona. Ku hava na un'we loyi a nge teri, “U ngaka u nga gandzeri Yehovha.” “Yana emahlweni,” a vula matiko ya vahedeni, “ku gandzela. Ha twanana, eka un'wana.”

²⁴⁰ Muprefeta yaloye u swi vonile ha sweswo. Wa vona? Swingaleswi muprefeta a nga ha swivona ha sweswo namunlhia. Wa vona?

²⁴¹ “Yana emahlweni.” Kutani Israel ri teri, “Kunene, a hi dyenen, hi nwa, kutani hi tsaka.” Swingaleswi va kumile ntlawa kun'we va va endlela mikhuva, na minhlangano, tidinominexini, na swin'wana, niku swilulamisa hinkwaswo. Nakona vavasati va vona ntsena va hanya a ku tipheneni nale vudyohweni lahay. Jaha, ri rhwariwa ku rhendzeleka hi tithavhene na hinkwaswo, va ambarile hafu, na swikete leswintsongo va nga swiambala swo

languteka swi ri swa siliki. Loko mi tshame mi vona yan'wana ya matimu ya—ya vona hi masiku ya vona, hilaha va langutekisaka xiswona, oho, hakanyingi xin'we xa nharhu hi ku biha tani hilaha va swi endlaka namuntlha. Va nga miyelanga, hambi swi ri tano, hikuva a va nga ta swikota. Ina. Nakona ni hilaha va swi endliseke xiswona nikuya emahlweni tani hi sweswo; na tihosí, na vaprista, na un'wana na un'wana.

²⁴² Yesu u teri, "Mi phangha tiyindlu ta tinoni, n'wina vatikukumuxi." U swi vurile. Na hinkwaswo swilo leswi a vari eku swi endleni.

²⁴³ Muprofeta u yimile kwalahaya, a languta ehansi ehenhleni ka sweswo, tiko lero ro kotisa lero, a swi hlamarisi loko mbilu ya yena yi handzukile eka yena. Ina, nkulukumba.

²⁴⁴ Sweswi, mi ri, "Xana a switiva njhani leswi a swiya ekuhumeleleni? U rhange hi ku swivona njhani? Njhani?" Hinkwaswo a swi languteka swi ri kahle. Hikokwalaho ka yini, va na swotala leswi va nga swi dyaka. Va na swotala leswi va nga swi ambalaka. Vona, va na tikereke letikulu ta vona. Va le ku humeeleni. Mali yi byariwa hinkwako, ku tiphina. Ka ciniwa eswitarateni, vugangu, kutani hinkwaswo ntsena swi ya emahlweni, nakona hinkwaswo swi famba kahle. Ntsena ku kotisa Amerika namuntlha. Thelevhixini yi talele hi mafenya ya thyaka, vavasati lava va nga ambala hafu, hinkwaswo. Hinkwaswo leswi mi swi vonaka swo va ntsena thyaka na vudyoho. A mi fanelanga mi languta eka thelevhixini, ntsena pfulani mahlo ya n'wina, mi languta hinkwako. Vanhwenyana, va fana, vavanuna, vavasati; ku zaha, ku nwa. Kutani vona va Yezabele lava va ti vitanaka Vakreste. Madimona ya thyaka ya tivitanaka va Methodist, Baptist, Presbyterian, Khatholiki, na Mapentekostal. Aha. Aha.

A swi hlamarisi loko swi larisile mahlo ya yena loko a langutile. Haa! Hi swona sweswo.

²⁴⁵ "Hinkwaswo swi languteka kahle. Xana u nga swi hlayisa njhani? Loko hileswaku hi ya eku swi endleni . . . Njhani? Njhani? Langutani lahwani. Kunene, ha—ha ri na miliyoni vo engetela. Hi—hi na . . . Hina . . . Miako leyi yi tano, oho, tikereke ta hina tikulu, hi fanele ku aka tikereke letintshwa. Kunene, hi na mali yo tala, a hi swi tivi leswaku hi nga endla yini ha yona. Hikokwalaho ka yini, ntsena hi aka tindhawu to antswa e—e tikweni. Tikereke letikulu leti ti nga lahaya, ha ti fuma. Nakona ha ha ri na mali yo tala. A mi ehleketi leswaku i Xikwembu xi nga hi katekisa?" Ee. Mi humile eRitweni ra Xona.

²⁴⁶ "Kutani, Makwerhu Branham, u vula leswaku Xikwembu xi ya eku swi loviseni leswi?" Ina, un'wana na un'wana wa vona.

"U swi tiva njhani?" Amos, u swi tive njhani?

²⁴⁷ Ntsena kukotisa dokodela loko a kambela xivangelo. Loko a kume vuvabyi lebyi byi nga eka muvabyi, wa switiva leswi a

fanelaka ku swi endla. Wa switiva leswi muvabyi yaloye a nga na byona. Wa switiva leswaku byi tsundzuxiwa njhani. Nakona u tiva leswi swi nga ta humelela. Yaleylo hi yona ndlela ya muprofeta, muprofeta wa ntiyiso, loko a swivona. A ndzi na mhaka ni leswaku u endla yini. Loko a vona vudyoho byi ri karhi byi tsundzuxa, byo va mfukuzani leyi yi dyaka. Nakona yile ka ku tsundzuxa kwaloko, eka Mapentekostal na hinkwavo ka vona, byi ngaka byi nga tlheleli endzhaku. Byi le ka xiyimo xo tsundzuxa. Va ya éku loveni.

²⁴⁸ Sweswo hi leswi Amos a nga kambelaka ha kona xivangelo. U xi kambela hi Rito ra Xikwembu. Sweswo hi leswi muprofeta wa—wa ntiyiso a kambelaka ha kona xivangelo, kutani a ku eka vavasati va vona, “Mi nga ringeti ku ya eKuavanyisiweni na misisi ya n’wina yo bobiwa, loko mi tiva ku antswa.” A ku eka n’wina vavanuna, hinkwerhu ka n’wina, na n’wina vachumayeri mi ri karhi mi ala Rito, na kuva na nghohe ya vukhongeri, mi ri karhi mi joyina minhlangano, mi baja mhaka, loko mi tiva ku antswa. Mi languta Rito rin’we ni leri muprofeta wa ntiyiso a nga ri languta. Mukambeli wa xivangelo a ku, “Rifu! Ku hambana!” Ntsena kukotisa dokodela, u tiva mhaka ya kona. U tiva muxaka wa swikombeto leswi xi nga na swona.

²⁴⁹ Langutani eka tiko leri. Loko mi ku, “Pentekostal yi swi endlile.” Loko, va ngaka va nga mi pfumeleli hambi kuri ku mi pfumelela ku ta ekerekeni, hikuva mi chumayeleta vavasati hi ku boba misisi, nakona Bibele ya swisola. Va chava leswaku mi nga vula swin’wana hi . . .

²⁵⁰ Lahawani siku rin’wana, loko ndzi ri eku endleni ka mampfhumba man’wana, Roy Borders a ri kona, a Vupeladyambu bya Ribuwa, va te na yena kun’we, ntlawa wa tiministara, kwalomu ka, oho, ndza bvumbha leswaku i makume mune kumbe makume ntlhanu, loko ndza ha ri na nhlengeletano leyikulu. Va ku, “Nkul. Borders, ndzi lava ku ku vutisa swin’wana.” Va ku, “I ntiyiso leswaku Makwerhu Branham u tirhisa Vito ra Hosi Yesu Kreste ku khuvula hi rona xana?”

²⁵¹ Nkul. Borders, njingha ya le henhla, tani hilaha mi n’wi tivaka Makwerhu Borders loyi a humaka kwala. U teri, “Vakulukumba,” u teri, “Makwerhu Branham, loko a humile a ri ehandle eka mampfhumba, ehandle, leswi,” a ku, “a nga swi chumayeli. Ntsena u ya emahlweni ni ku khongeleta vavabyi. Sweswo hi leswi a swi endlaka.”

²⁵² A ku, “Sweswo a hi swona leswi ndzi nga ku vutisa swona,” ku vula mupresbyter. “Xana wa swi endla?” Sweswi, a va ri na tithepi. Va swi tiva. Va ku, “Xana u khuvula hi Vito ra Yesu Kreste xana?”

²⁵³ U teri, “Ina, eka kereke leyi yi nga ya yena. Yaleylo hi yona ndhawu yi ri yoxe leyi a khuvurisaka xiswona, eka kereke leyi yi nga ya yena.”

²⁵⁴ U teri, “Hi swona sweswo. Sweswo hi swona hinkwaswo ndzi lavaka ku swi tiva. A hi n’wi lavi. A hi n’wi lavi muhambuki yaloye exikarhini ka vanhu va hina.”

²⁵⁵ Kutani siku rin’wana, loko munghana wa mina wa kahle, Ed Daulton, a ta kuma papila ro huma eka kereke ya Baptist. U teri, “Ha ku tsema eka xinakulobye xa Baptist, hikuva u joyinile ku hambuka hi ku khuvula hi Vito ra Yesu.”

²⁵⁶ Ndzi lava ku yima na Paul, “Eka leswi misava yi swivulaka dyondzo yo hambuka, yaleyo i ndlela leyi ndzi gandzelaka Xikwembu ha yona, hikuva i Rito ra Xona.” Ina, nkulukumba. Ina. Oho, hakunene.

²⁵⁷ Dokodela u kambela xivangelo. Wa xivona laha xi nga kona. Muprofeta wa ntiyiso u kambela xivangelo, hi Rito. U njhani xana? Dokodela u kambela xivangelo, hi swikombeto. A hi swona xana? [Nhlengeletano yi ku, “Amen.”—Muhler.] U languta eka swikombeto a vona leswaku mhaka yile kwihhi eka muvabyi. A vona leswaku yi le kule njhani hi ku yi tsundzuxa, kutani a ku, “Ku hava lexi xi nga endliwaka.”

²⁵⁸ Na muprofeta wa ntiyiso u teka Rito ra Xikwembu a kambela xivangelo hi rona, a hoxa Murhi eka Rona. Kutani vanhu va Ritlherisela endzhaku exikandzeni xa yena. Xana kuya humelela yini? Ku lova, hi swona hinkwaswo sweswo; ku rhandza ku ti tsakela, ntlawa wa misava ya mavalavala leyi yi vitaniwaka vatikukumuxi! Kambe yaleyo i ndlela ya muprofeta wa ntiyiso. Wa vona? Oho, mina!

²⁵⁹ U vona mavabyi. U swivonile leswaku va fambele ekule na Rito. U vonile Rito. Nakona a tiva mbuyelo lowu a wuri ekuteni. A vonile vutiphini lebyi a va hanya eka byona, a vona hilaha vavasati va vona a va endlisa xiswona. U vonile hi ndlela leyi vaprista va vona a va endlisa xiswona, hilaha va nga fambele ekule niku gandzela ka ntiyiso ka Xikwembu, na swokotisa sweswo. Kwalahaya, a ri na—a ri na nhlamulo. U teri, “Xikwembu xexo mi koxaka ku xi tirhela hi xona xi nga ta mi lovisa.”

“Hikokwalaho ka yini?”

²⁶⁰ “A mi hlaysanga Milawu ya Mina.” Hambi swi ri tano a va ehleketa leswaku va na yona. A ndzi swi hlayanga kona lahawani xana? Eka vhese ya vu2, ya vu4...kuavanyisa ka vu2, vhese ya vu4, “Hikuva ndzi ku hlawurile kuva... Eka mindyangu hinkwayo ya misava, ndzi mi hlawurile, nakona hambi swi ri tano ma ala ku famba eka Milawu ya Mina.” Mi ehleketa leswaku...

²⁶¹ Yaloye lontsongo, muprofeta wa mpandla a nga yima lahaya na malebvu yalawa ya timpfi ya endlaka mavalavala amahlweni ya yena, ndzilo lowu wu pfurhaka, a vulavulaka na ntlawa walowo wa vaprista na swin’wana, kutani a ku, “Xikwembu lexi n’wina vatikukumuxi mi endlaka tani hiloko mi ri eku

xitirheleni, Xikwembu xexo hi xona xi nga ta mi lovisa." Mi ehleketa leswaku u tava na ntirhisano xana? Haa! U teri... Oho, mina! Yena, n'wi ringetenii namuntlha mi vona loko a nga swi endla. Ee. Kambe u yini? Yaleyo hi yona ndlela ya muprofeta wa ntiyiso. A ri na Rito. A swi tiva leswi a Ri ri xiswona.

Tani hi Mikiya wa khale...

²⁶² Xihlangi lexintsongo lexi ndzi nga xikatekisa, ndzi hundzile hi kun'wana ka xin'wana, timinetse leti ti nga hundza, hikuva a ndzi hatlisela nkarhi.

²⁶³ Kambe, Mikiya, loko a ta yima emahlweni ka Akab, u va langutile. A tiva Rito. Mikiya u vulavurile Rito eka vona. Hikokwalaho ka yini? Mikiya u avanyisile xivono xa yena, Dyondzo ya yena, hi Rito ra Xikwembu. Nakona u yi vonile Dyondzo ya yena na Rito leswaku a swi fana. Hikuva, Rito ri teri U ta rhukana Akab, nakona U ta endla leswaku timbyana ti nantswa ngati ya yena. Sweswo hi leswi Rito ri nga swi vula.

²⁶⁴ Swingaleswi, Mikiya a ri na xivono. Leswaku i, a ri muprofeta. "Ma swi vona hilaha Rito ri nga ta eka mina." Nakona u khongerile aku, "O Hosi Xikwembu, xana ndzi boheka ku endla yini? Xana ndzi boheka ku vula yini eka ntlawu lowu wa swichumayeri lowu wu nga yima lahwani? Hi leyi minhlangano hinkwayo. Wun'wana na wun'wana a tikweni wu hlengeletanile ku ta lwisana na mina, Hosi. Lahawani ndza yima emahlweni ka hosi. Xana ndzi boheka ku vula yini?"

²⁶⁵ Nakona u yile eka xivono. Xi ku, "Famba u ya ehenhla. Famba u ya emahlweni." A ku, "Kambe ndzi vona Israel ri hangalakile tani hi tinyimpfu leti pfumalaka murisi." Ina.

²⁶⁶ Mupresbyter ya—ya loye wa xifundzha u yile a ya n'wi makala nomo, a ku, "Xana Rito ra Xikwembu ri ye kwihi, ri nga Moya wa Xikwembu, wu famba, loko Wu ta huma eka mina?" Ku huma eka yena?

²⁶⁷ Wa switiva leswi Xikwembu xi nga swivula? Xi tshikile javulosi a rhelela, a ya kumeka exikarhi ka vona, hikuva a va sukile eRitweni, ku sungula hi swona.

²⁶⁸ Bibele yi teri, "Loko va nga pfumeli Rito, Xi ta va nyika ku kanganyiseka ka matimba, leswaku va pfumela vunwa, nakona va ta humbiwa hi byona." Sweswo hi swona hakunene laha minhlangano leyi na vanhu va tiko leri va swi endlaka namuntlha, va pfumela vunwa, leswaku va humbiwa hi byona. "Hikuva ku hava Vito rimbe ri nga nyikiwa ehansi ka Tilo leri mi nga ponisiwaka ha rona." Mi fola, na minhlangano, na kuya emahlweni. Ina.

²⁶⁹ Sweswi, hikokwalaho ka yini lavan'wana...?...Xana vaprofeta lavan'wana a va langute kwihi? A va ri vaprofeta. Ina, nkulukumba. A va ri vaprofeta. Kambe loko a va lo yima va kambela vuprofeta bya vona hi Rito!

²⁷⁰ Loko Mamethodist va nga yima namuntlha kutani va kambela vuprofeta bya vona, a va nga ta ha haxa munhu. A va ta amukela Moya lowo Kwetsima. A va ta khuvula un'wana na un'wana hi ku n'wi peta, eVitweni ra Yesu Kreste. Loko ma Assemblies of God va nga yima namuntlha kutani va languta eka vuprofeta bya vona, a va ta vuyela endzhaku eRitweni. Loko ma Oneness, namuntlha, va nga yima kutani va kambela vuprofeta bya vona, a va ta vuyela endzhaku eRitweni.

²⁷¹ Kambe, ma swi vona, loko vaprofeta i ngi va yimile va kambela vuprofeta bya vona! Va anakanyile. Va ku, “Rero i ra hina. Swingaleswi hi taya eRamoth-Gilead nakona hi ta ri teka, hikuva i ra hina. Yoxuwa u hi nyike rona.”

Kambe Mikiya a ku, “Sweswo swi twakala swi twala.”

²⁷² Kambe sweswo hi leswi swi nga xiswona. A swi lavi mi kala mi kanelia. Mi lava ku pfumela leswi Xikwembu xi nga swivula. Mi nga kali mi kanelia nchumu.

²⁷³ A ku ta humelela yini loko Abraham a lo kanelia? A ta ri siyisa ku yini tiko ra yena? A tava na malembe ya dzana njhani, a ha dzunisa Xikwembu, nakona a va ya eku kumeni n'wana ha Sarah, kutani yena a ri na makume nkaye?

Cukumetani ku kanelia ekule. Mi pfumela ntsena.

²⁷⁴ Mi pfumelela javulosi a mi byela, “Ma swi tiva, Makwerhu Branham a ngova nchumu handle ka mutikukumuxi.”

²⁷⁵ “Sweswi, ndza yima sweswi, mi nge ndzi vona loko kuri yena. A hi voneni loko a dyondzisa swona. Mi nge ndzi tlhelela endzhaku eBibeleni.” Mi nga, mi nga fambi... A nge mi pfumeleli leswaku mi swi endla sweswo. Ee, ee. Wa vona?

²⁷⁶ Kambe u ta vula swin'wana swo biha ha mina, laha a nga ha vaka na nfanelo yo swivula, ntsena wo tshamela ro ya emahlwemi niku swi kuma sweswo, wa yima u sungula ku kanelia, “Ina. A fanele a nga swi endlanga *leswi*. A fanele a nga swi endlanga *sweswo*.” Mi sungula ku ndzi languta, kunene, ntsena mi na swo tala.

²⁷⁷ Nakona a mi fanele mi langute eka Hosi Yesu. U nga ha kuma swotala. Langutani eka Yena, ntsena xinkadyana. Ndzi le ku vekeleni ka un'wana na un'wana wa n'wina muminstara. Sweswi hi ya eku rivaleni leswaku U tshame a va kona lahawani emisaveni. Lahawani hi leri Jaha leri ri nga khorwisiwa, eka tiko hinkwaro ka rona, leswaku hi Yena N'wana loyi a—a nga hungukiwa. Manana wa Yena u vile na Yena loko tatana wa yena a nge si n'wi teka. Swi khorwisiwile. (Sweswi, a va yi eRitweni, “Wanhwana u ta tika.”) Ntsena va ya eka leswi va swi twaka, vonaka, “N'wana wa xihunguki.” A va N'wi byelanga leswaku, “U velekeriwele evudyohweni, nakona u ringeta ku va dyondzisa”? Ndzi... Wa vona?

²⁷⁸ Nakona langutani leswi Yena a swi endlaka. Hakunene A ri eku handzuleleni ka kereke yin'wana na yn'wana leyi a yi ri etikweni. Hi swona sweswo xana? [Nhlengeletano yi ku, "Amen."—Muhleri.] Minhlangano, hinkwaswo.

²⁷⁹ Xana Yena a ri mani? "Ntsena Jaha leri ri nga kula ngopfu ri fambaka hinkwako tani hi sweswo, Nakulorhi lontsongo, a nga ri na dinominexini. Ndzi byeli leswaku i kereke yihi U nghanaka yona. I mani tatana wa Wena? U ri Yosefa a hi tatana wa Wena?"

"Yosefa a hi tatana wa Mina," A ta vula sweswo.

"Kunene, i mani Tatana wa Wena xana?"

"Xikwembu hi xona Tatana wa Mina."

²⁸⁰ "Kunene, Wena bayizani! Sweswo hi swona hakunene leswi U nga xiswona. Wena, kuva U ri Munhu, nakona u vula leswaku Xikwembu i Tatana wa Wena?"

²⁸¹ Loko a va swi kambele hi Rito! Haleluya. A mi swi voni xana? Rito a ri fanele ku endliya nyama. A va xikambelanga xivono xa vona hi Rito. Hi swona sweswo.

²⁸² Sweswo hi leswi swi humelelaka namuntlha. A mi swi kambeli swivono swa n'wina hi... vuprofeta bya—bya n'wina na dyondzo ya n'wina, hi Rito ra Xikwembu. Un'wana wa ringeta ku mi byela Ntiyiso, swingaleswi mi wela ehandle na vona, ntsena kukotisa Amos a nga swi endlaka, Amos u swi endlile. Ma ha endla swo fana.

²⁸³ Sweswi langutani lahwani. U le ka xiymo xexi. Sweswi, a mi tava mi n'wi sorile, kumbexani, hi swona sweswo, loko mi nga tlhelelanga endzhaku eRitweni. Va ha endla swo fana. Va N'wi sola namuntlha.

²⁸⁴ Ku nga humelela yini hi n'wina vavasati, *lahawani* na *lahawani*, ina, hikokwalaho ka yini mi nga kambeli miehleketo ya n'wina ya ku boba misisi ya n'wina hi Rito, kutani mi vona leswaku Ri ri yini? Wa vona? Hikokwalaho ka yini mi nga swi endli swilo leswi?

²⁸⁵ Hikokwalaho ka yini mi nga kambeli nkhuvulo wa n'wina, wa "Tatana, N'wana, Moya lowo Kwetsima," byebyo i "vunharhu," byo hoxeka, byi vitanisiwa xisweswo laha byi nga riki nchumu eka misava handle ka tihofisi tinharhu ta Xikwembu xin'we, swiyimelo? Kuhava *vito* ra "Tatana." Kuhava *vito* ro kotisa lero, "Tatana, N'wana, na Moya lowo Kwetsima."

²⁸⁶ Vito ra Tatana, N'wana, na Moya lowo Kwetsima, laha ku nga, "Hosi Yesu Kreste." Kambelani nkhuvulo wa n'wina hi endlela leyi un'wana na un'wana eBibeleni a nga khuvurisiwa xiswona. Loko mi nga kambela miehleketo ya n'wina hi Rito, mi—mi ta vuya mi ta khuvuriwa hi Vito ra "Hosi Yesu Kreste."

²⁸⁷ Sweswo hi leswi Paul a nga va byela ku swi endla. Kutani a ku, "Loko ku ngava na un'wana loyi a dyondziseke swo

hambana, mi nge—mi nge a va ndzhukano, hambi ku nga enhla Ntsumi.”

²⁸⁸ Ma swi tiva, minkarhi yo tala, Tintsumi ti enhlela ehansi. Jaha, Pentekosta yi swi dye njhani sweswo!

²⁸⁹ Mukwetsimi Martin yena ke loko a yimile lahaya, kutani lahawani ku yimile xivumbwa lexikulu lexi xi vangamaka xi yimile emahlweni ka yena?

²⁹⁰ Munhu loyi a nga khuvela hi Vito ra Yesu, loyi a pfumela eka Moya lowo Kwetsima, niku hlayisa Rito! Kutani Marhomma va n'wi raha va n'wi hlongola, niku n'wi endla hinkwaswo, va ringeta ku n'wi nyika milawu ya vona ya kereke na tidyondzo leti ti nga endla hi vanhu. Wanuna yaloye u yime eRitweni.

²⁹¹ Siku rin'wana, eka matimba ya yena, madimona ma nga ta eka yena maringeta ku vulavula na yena. A nga ta ma yingisela.

²⁹² Siku rin'wana, Sathana u tisa sweswo, tani hi Kreste, a ambarile harhi, a ambale na masandhasi ya nsuku, a yima lahaya a ku, “A wa . . .” Ku pfurha ka ndzilo ku n'wi rhendzerile. A ku, “A wa ha ndzi tivi, Martin? Ndzi Hosi ya wena. Ndzi gandzeli.”

Martin a n'wi langutisa. “Kuna swin'wana swi nga hoxeka kwalahaya.”

²⁹³ A ku, “Martin, a wa ha ndzi tivi xana?” A ku, “Hi mina Hosi na Muponisi wa wena.” A ku, “Ndzi gandzeli.” U vule sweswo kanharhu.

²⁹⁴ Hiloko Martin a halahala. A vona leswaku, Kreste u ta ambexiwa harhi hi vanhu va Yena, eku Vuyeni. U tava a nga ambalanga masandhasi ya nsuku. U teri, “Suka u ya ekule na mina wena, Sathana.”

Jaha, xana Mapentekostal ya ngaka ya nga swi dyi sweswo?
“Jaha, Ntsumi yo vangama yo hatima!”

²⁹⁵ Wansati yaloye u tile, a Chicago laha a ndzi ri eku fambeni, a ku, “Makwerhu Branham, tiministara lahaya va teri loko Ntsumi ya Hosi yi ku byerile ku khuvela hi Vito ra Yesu, a va ta swi amukela. Kambe a hi miehleketo leyi yi nga ya wena xana?”

²⁹⁶ Ndzi ku, “Loko Ntsumi ya Hosi yi vula swin'wana swo hambana na Sweswo, a yi ngevi Ntsumi ya Hosi.” Wa vona?

²⁹⁷ Loko Ntsumi yin'wana na yin'wana yi nga vula swin'wana leswi swi hambanaka na Rito *leri*, ri tava ri ri vunwa. Nakona loko munhu a ku byela leswaku i, murhumowi wo huma eka Xikwembu, a ku u huma eka Xikwembu, kutani a ku byela leswaku, “Swi kahle ku khuvuriwa, hi vito ra ‘Tatana, N'wana, Moya lowo Kwetsima,’” n'wi tshikeni a ri wa vunwa.

²⁹⁸ Loko munhu a mi byela leswaku, “Swi kahle eka wena, ambala misisi yo bobawa, na swin'wana swo kotissa sweswo; leswaku u fanele ku ambala xidloko ekerekene, xa bonete, ‘leswaku xi va xifunengelo,’” n'wi tshikeni a ri muhembi.

²⁹⁹ Rito ra Xikwembu, hi rona Ntiyiso. Hinkwaswo swilo leswi swi lwisanaka na Rito, a hi swi tshikeni swi ri vunwa. I Rito, ri Ntiyiso. Ri ta yima.

³⁰⁰ Xexo hi xona xivangelo xa kuva Mikya a nga swi tivaka leswaku vuprofeta bya yena byi huma eka Xikwembu, hikuva a swi ri na Rito ra Xikwembu. Ina, nkulukumba. Xivono xa yena xi seketerile ntsena tani hi Rito ra Xikwembu.

³⁰¹ Oho, loko Amos a ri lahwani, a ta tshama na Rito. Hi swona sweswo. Kambe, ma swi vona, khombo ra kona i yini namunlhla, leri nga na hina, swi kotisa loko swi ri na vona. Ndzi lulamisela ku pfala. Khombo leri ri nga na hina ri kotisa leri a ri ri na vona. Va dyondzisiwile, va suka eka Masungulo. Yesu u teri, “Mi endlile Rito ra Xikwembu ri nga ha ri na ntikelو hi mindzhavuko ya n’wina.” Na nkhuvulo walowo wa vunwa! Sayini yaleyo yo amukela Moya lowo Kwetsima! Van’wana va vona va teri, “Tlhavula voko.” Van’wana va vona va ku, “Vulavula hi tindzimi.” Ndzi twe madimona ya vulavula hi tindzimi, niku tlhavula mavoko, na wona. Ina, nkulukumba. A ku na sayini ya Wona. Sweswi, hinkwaswo swilo leswi swo kotisa sweswo, hinkwaswo swilo leswi, wa vona, mi suka eRitweni ra Xikwembu miya dyondzisa mindzhavuko leyi. Hi swona sweswo.

Sweswi, a nga ha ku, a nga ha mi teka a mi tlherisela endzhaku eRitweni.

³⁰² Kambe hi na, vadyondzisi va hina namunlhla, va dyondzisile vanhu, leswaku va suka eka Masungulo ya Rito ra Xikwembu. Sweswi yingiselani swinene.

³⁰³ Sweswo hi leswi va nga swi endla lahaya. Sweswo hi leswi Amos a ri eku va byeleni ka swona. “Xikwembu xexi mi koxaka ku xi tiva, hi Xona lexi Xi nga ta mi lovisa.”

³⁰⁴ Sweswi, hi va dyondzisile, va suka (yini?) eka Masungulo ya “Ripfumelo leri ri nga tshama ri tisiwa eka vatatana va pentekostal,” ina, i Bibele. Va dyondzisa hi ku tibasisa ka vunwa ka phegathari! Va dyondzisiwile hi nkhuvulo wa vunwa! Hinkwaswo i, vunwa, vunwa, vunwa, va suka eka swa Ntiyiso.

³⁰⁵ A mi swi pfumeli? Vuyelani endzhaku eBibeleni, kutani mi teka ku ti basisa ka n’wina ka “phegathari,” ya n’wina, kutani mi teka “Tatana wa n’wina, N’wana, Moya lowo Kwetsima,” na “ku haxa hi mati,” na hinkwawo maendlelo ya lawa, kutani mi vuyela endzhaku mi ta vona loko swi ri eMatsalweni. Yaleylo hi yona ndlela. Lavisansi loko swi ri eka Masungulo. Wa vona? Va sukile eka Masungulo.

³⁰⁶ Laha, Paul a nga swivula sweswo, eBibeleni. Bibele yi vulavula hi sweswo, ku—ku... leswaku, “Kereke ya Xikwembu yi sungule ehenhleni ka Dyondzo ya vaapostola na vaprofeta.” Vaprofeta na vaapostola va fanele ku fanana. Hakunene.

³⁰⁷ Hikokwalaho ka yini? Hi sukile eka Masungulo ya lawa ya Rito, hi ya eka masungulo ya xidinominexini.

³⁰⁸ Yingiselani sweswi. Ndza pfala. Ambala ku pfuna ka kutwa ka ximoya. Yingiselani.

³⁰⁹ Hi sukile eka Masungulo ya Rito, kutani hi ya eka masungulo ya dinominexini. Ndzi nga yima ku fika kwihi eka sweswo? Tiawara tin'wana tinharhu. Kusuka eka Masungulo ya Rito, kuya eka masungulo ya ku tiphina hi swa misava, vumisava, vugangu byi kasela ekerekene. Kusuka eRitweni, ku ya emikhuvu. Sweswo swi nga ha ndzi tekela mavhiki manharhu ku chumayela hi swona, ndzi le hafini, na marito ya bona ya mune lawa ya nga lahayu. Kusuka eRitweni, kuya eka dinominexini, rito ra xidinominexini. Ntsena tani hiloko ke—ke kereke yi endla dinominexini, yi humile eRitweni kwalaho.

³¹⁰ Kuhava nchumu handle ka nchumu wun'we. Wo vuyela endzhaku laha ri nga siyiwa kona, niku tlhelela nakambe. Vuyelani endzhaku eRitweni. Hi swona sweswo. *Ku hundzuka swivula ku “famba, ku tlhelela endzhaku, ku kongomana na swona.”* U famba hi ndlela yo hoxeka. Hi swona.

³¹¹ Dinominexini ya ku tiphina. Dinominexini ya mis-... Ma—ma masungulo, ndzi vula, ya—ya ku tiphina, masungulo ya misava, masungulo ya mikhuva. Ni hinkwaswo sweswo, kun'we, leyi yi nga tlhotlhorha ku onhaka ni vugangu, ku onhaka ka ximoya.

³¹² Kuva a ri muprofeta wa ntiyiso, a ta swi bona eka hina leswi a nga swi bona eka bona. Loko a yimile lahawani eka platifomo leyi namuntlha, kutani ndzi nga ha ku, “Makwerhu Amos, muprofeta wa kahle wa Xikwembu, wena loyi u nga chaveki, tana haleno u ta teka ndhawu ya mina,” a ta chumayela rona Rito leri. A ta endla tano. Hi yena muprofeta. Hi swona. A ta Ri chumayela hi ndlela leyi Ri nga tsarisiwa xiswona, ntsena leswi hi nga eku swivuleni sweswi. Hi swona. A ta bona leswi a swi bona loko a hi languta, ku bola ka vugangu.

³¹³ Ntsena langutani, vanghana. I vangani lava va nga lahawani, eka kereke leyi sweswi lahawani sweswi, ma swi bona leswaku misava yi le ku boleni hi vugangu? [Nhlengeletano yi ku, “Amen.”—Muhler.] Hikokwalaho ka yini, ha switiva leswaku swi tano. Ku humelele yini? I kusuka eRitweni. Hi swona. Hinkwaswo hi swona.

³¹⁴ Amos a nga kalanga a bona hulumendhe nandzu. Mi kale mi n'wi lemuka lahawani, loko mi yi hlaya loko mi fika ekaya? A nga kalanga a bona hulumendhe nandzu, u vonile nandzu eka kereke hikuva yi hlawule hulumendhe yaloye. Ham!

³¹⁵ N'wina vatipolitiki, ndzi pfumeleleni leswaku swi mi tsemelela nyana swintsongo, lahawani niku rhendzeleka hi misava, laha yi nga taya kona. Kereke yi hlawurile nchumu wo kotisa walowo tani hi Yeroboam. Swahlamarisa loko n'wina,

hina, hi nga endlanga swo fana? A hi vuleni leswaku i hulumendhe wa kahle; hulumendhe yi ngaka yi nga aki yindlu eribyeni loko vanhu vahlawula yindlu yale saveni. Swi ngava tano? Mi nga vuli mi ku, “Hulumendhe wa hina! Hulumendhe wa hina!” Hi n’wina, tiko. I wa vanhu. Xana hi nga . . .

³¹⁶ Muministara u teri eka mina, a ku, “Makwerhu Branham,” a ku, “languta. Ndza switiva leswaku u Kwalahaya. Kambe,” a ku, “loko ndzi nga chumayela ha Sweswo, dinominexini ya mina yi ta ndzi raha yi ndzi hlongola, vanhu va ka hina va ta ndzi hlongola ekerekeni.” A ku, “A ndzi nge chumayeli nchumayelo wun’wana.”

Ndzi ku, “Ri chumayeli, hi ndlela yin’wana.” Ina, nkulukumba.

³¹⁷ I Rito ra Xikwembu. U na vutihlamuleri. Loko u ri muprofeta wa Xikwembu, i ntiyiso, u ta tshama na Rito. Loko swi ngari tano, u ta tshama na dinominexini ya wena. Swi ya hi ku u huma kwihi.

³¹⁸ Langutani. Ee, nkulukumba. Hi ngaka hi nga aki, hulumendhe a ngaka a nga aki yindlu ehenhleni ka Ribye ro tiya loko vanhu va ha vhothela yindlu yo tiphinela kona a saveni leri ri mbombomelaka.

³¹⁹ Langutani leswi hi swi lavaka. Ntsena a hi tekeni xinkadyana sweswi. Ndzi tshembha leswaku a ndzi le ku mi karhariseni. [Nhlengeletano yi ku, “Ee.”—Muhleri.] Kambe a hi languteni leswi hi swi lavaka, ntsena xinkadyana. Ndzi ngaka ndzi nga ya vuli mavonelo lawa, xipapilana lexi. Langutani leswi hi swi lavaka.

³²⁰ Langutani eka thelevhixini ya hina. Sweswo hi leswi hi swilavaka. Hi lava van’wana lava va misawu va yima lahaya va hundzuluxela mafenya ya muxaka wun’wana wa thyaka, hi tlhela hi tshama emakaya hi Wavunharhu na madyambu hi ngayi exikhongelweni, kumbe muchumayeri a hatla a xihumesa ka hari na nkarhi leswaku mi ta kota ku hatla mi ya xivona; thyaka rin’wana ra khale, thyaka, lava va nga tekana ka ntlanu kumbe ka ntsevu, tingwavavani, lava va vulaka mafenya ya thyaka, na maambalelo ya vugangu, na kuya emahlweni tani hi sweswo. Kutani wa swi rhandza sweswo kutlula loko u rhandza yindlu ya Xikwembu, swi kombisa leswaku i moyo wa muxaka muni lowu wu nga eka wena.

³²¹ Ha pfumelela. Hina, vanhu, loko vanhu va tiko leri va nga tsalela hulumendhe mapapila, va vula leswaku va tava hahisela mapapila ya dzana ra miliyon i eka hulumendhe leswaku, “A va yimisa eka minonganoko ya vona ya thyaka,” va ta fanela ku swi endla. Hi vanhu na hina. Kambe hina, vanhu, hi lava swo thyaka, swingaleswi sweswo hi leswi hi swi kumaka.

³²² Langutani eka nonganoko wa xiya-na-moya. Oho, mina! Mi hundzuluxa Ribye Ra Tinguba mi ri soha. Aha. Xihambano

Xa Khale Xo Khwaxa kuya eka ku jombha, rock-and-roll ha xona. *Xihambano Xa Khale Xo Khwaxa*, ina, hakunene, eka swiya-na-moya swa hina, thelevhixini. Hinkwaswo... Va tekile lahawani, ku ngari khale ngopfu, ku huwelela ka vona tihupi, vona vanhwenyana lavantsongo. Xin'wana na xin'wana ntsena hi vugangu tani hilaha va nga nghenaka, sweswo hi leswi hi swi rhandzaka.

³²³ Xana byi seketeriwa hi yini? Hi biya, whisky, tisigarete, mali ya tiko. Xana va endla yini? Va teka mali ya vona ya xibalo, leyি yi fanelaka kuya eka hulumendhe ya swibalo, va hakelela minonganoko ya thelevhixini yo thyaka yo nyenetsa leyি va yi hakelelaka.

³²⁴ Mapentekostal ma tollovele kuva ma ngayi eka thyaka ra vona, tibayiskopo ta thyaka loko vari na switorhi sweswo. Javulosi u veke xin'we eka n'wina, u veke thelevhixini endlwini ya n'wina.

³²⁵ Ndlela ya muprofeta wa ntiyiso ya tika hakunene, kambe a hi tshameni na Ntiyiso. Ina, nkulukumba.

³²⁶ A hi languteni eka tibodo ta hina ta bili. Vavasati va yimile ehandle, na tisigarete emavokweni ya vona, Yezabele un'wana na un'wana lontsongo etikweni. Ndzi yile eka...

³²⁷ Siku rin'wana, ndzi vonile nchumu wo chavisa. Ku vile na wansati un'wana loyi a nga ta exikolweni a huma lahaya, ku ta teka vana, loko na mina ndzi ya eku vatekeni, lava a va nga ambalanga na phere ya swokoma; kutani, ku, ri na maxelo yo gwitsirisa. Un'wana na un'wana wa vona a ri na sigarete. Tani hiloko va fika kwalahaya va fika va yima, a va nga kalanga va va na sigarete, va tilayita hi xihatla, nakona, "Yhuu! Va ndzi vona loko ndzi tshunelela?" A khomelele voko ra yena xileswi a ri humesela ehandle hi nyangwa, tani hi *leswi*, na sigarete leri a ri ri evokweni ra yena. Kutani ku vula swin'wana ha swona, oho, va kukumuka. Hakunene.

³²⁸ Loko u nga vula swin'wana hi ricky kumbe elvis, kumbe un'wana wa vona lahaya, va ta ku duvula. Nakona hulumendhe u ta va seketela, hikuva ntsena va ha ri na khume ra malembe. "Oho, hi swona sweswo. Va, a va switwisisi. Va ha ri na khume ra malembe. Va swi langutile."

Sweswi ma swi vona leswi muprofeta wa ntiyiso a vulaka swona, ndlela ya yena?

³²⁹ Langutani eka valorhi lava va thyaka ekerekeni, na dinominexini ya vona, va ta ku duvula enhlaneni. Nchumu wun'we i ku va endla leswaku va fambela ekule na swona, i tintswalo ta Xikwembu, ku fikela laha Hungu ri humaka. Javulosi u ta mi dlaya, loko a nga swi endla. Hi swona. Kambe Hungu ri fanele ku famba. "Mina Hosi Ndzi ta tlherisela." Hi swona sweswo. "Ndza swikota hi maribye lawa ku ri pfuxa." Hi swona sweswo. Hi swona.

³³⁰ Tibayisikopo ta hina, tibodo ta hina ta tibili, vadyohi va hina vo rhandza ku tiphina lava va tivulaka Vakreste. Vanhu lava va tivulaka Vakreste; va rhandzi va ku tiphina, va rhandzi va ku navela. Vavasati, maambalelo ya vugangu; vavanuna va va languta, va va bela makhwela, va ri karhi va ti vitana Vakreste, va ya ehandle. Hikokwalaho ka yini, va na—va na . . .

³³¹ I nchumu wa kahle eFlorida, California, leswaku va na tiklaba letikulu sweswi. Vavanuna hinkwavo va kumeka kun'we va hoxa swikhiya swa vona endzeni, kutani vavasati va nghena va fika va kuma swin'wana swa swikhiya leswi swi humaka kwalahaya. Ambi xi ngava xi ri xa mani, u teka nsati wa yena a famba na yena ekaya. Va ya tshama swin'we vhiki, kutani va tlhela va vuya, va ta hoxa xikhiya, swikhiya endzeni nakambe. Wa vona? I tiklaba. Vana lava va nga tswarewa hi ku hungukiwa na swin'wana, honci yi dya honci, mbyana yi dya mbyana. Mhaka ku humeleta yini? Swi hikokwalaho ka kuva va siye Rito.

³³² A va switivi leswaku mikhuva leyinene swi vula yini. Ehandle lahawani na lexintsongo, xiambalo xa khale xo manya lexi nga ambariwa, na swilo swo kotisa sweswo, na vavanuna va va navela, nakona va ehleketa leswaku hi lava va amukelekaka. Swi nga ha endleka u nga endlangi nchumu xo hoxeka, sesi, kambe u nge ndzi ku byela swin'wana, u xitirhisiwa xa javulosi. Nakona eka Xitshamo xo Avanyisa, HI LESWI HOSI YI SWI VULAKA, u ta ti hlamulela hi ku endla vuoswi, nakona moyo wa wena wu tava wu fambile. U tiva ku antswa. Wa switiva sweswi, hi ndlela yin'wana. Hi swona.

³³³ Ntshamiseko wa hina hinkwawo wu onhakile wu tlhela wu bola. I vanhu va hina, leswi va swi lavaka. Tani hi wanuna wa kahle wa muti, kunene, loko wanuna a ri wanuna wa kahle wa muti, a ri karhi a sola hulumendhe wa n'wina . . . Sweswo hi leswi swi endlaka leswaku hi rhumela majaha ya hina ehandle lahawani hi endla xikwekwetsi ha vona, hi swona, hikokwalaho ka ku onhaka loku ku nga ka hina. Loko hi rhandza Hosi niku yi tirhela Hosi, ni kuva hi vhothele muxaka wa kahle wa hulumendhe na swin'wana, a yi tava yiri ndhawu ya kahle. Hi swona sweswo. A hi tava hi ri hava tinyimpi. Ee. Xikwembu hi xona vuchavelo bya hina na matimba. Hi rhumela majaha ya hina ehandle kuya va ya dlawa, niku va tlhavetela, na hinkwaswo, swi hikokwalaho ka magoza lawa ya nga ya hina ya nga swi humelerisa. Xikwembu xi vule tano, eBibeleni, nakona a Xi ncinci. Xa fana nkarhi hinkwawo. Hi leswi swi lavaka hi vanhu lava va nga va ka n'wina.

³³⁴ Tani hi wanuna wa kahle wa muti, ku nga humeleta yini loko a ri wanuna wa kahle? U lava ku endla swa kahle. U lava ku hanyela Xikwembu. Nakona wa tiphina, ndyangu wo rhandza vugangu. U ta endla yini wanuna, loko nsati wa yena a rhandza ku ambala swo koma, niku ambala swiambalo swo languteka swi ri swa vugangu, kutani a huma a ya va na maendlelo yo kotisa

ya Yezabele, vanhwenyana va yena hinkwavo, na hinkwavo ka vona? Tata wa yena... Xijahetani lexi xi nga xa yena a nga xi kurisa, a tlhela a xi rhandza, a ximbuwetela a xi khisa, a tlhela a xi lata, a tlhela a xikhongelela, xi yima, xi ku, "Mukhalabya wa mina wa penga. Hinkwaswo leswi a swi ehleketa i Bibebe." Xana wanuna yaloye a nga endla yini hi ndyangu wa yena?

³³⁵ Sweswo hi leswi swi fanaka eka hulumendhe wa hina, eka vanhu va yena lahawani. Mi nga soli hulumendhe. Solani ntlawa lowu wu ngawa wa tikereke, hi ku nghenisa swo kotisa sweswo eka tipolitiki ta vona, tani hilaha va nga na tonu. Va ti lava. Xexo hi xona xivangelo xa kuva va wu vhothire, nakona xexo hi xona xivangelo xa kuva vari na wona. Kutani xexo hi xona xivangelo xa kuva kuavanyisa ka Xikwembu kuva ehenhleni ka vona. Nakona va taya tshovela leswi va nga swi byala. Va le ku byaleni sweswi, nakona va ta tshovela endzhaku. Langutani. Oho! Hi biwe hi ridaka. Oho, ina.

³³⁶ Hi ringeta ku xava ndlela ya hina hi xavela eka Russia. Hi ringeta ku xava ndlela ya hina hi xikhomonisi. Ku ringeta ku swi endla. Hikokwalaho ka yini, mali, a mi nge swikoti ku xava tinyiko leti ta Xikwembu. A kuri na munhu, Simon, u ringetile ku swi endla siku rin'wana, kutani Petro a ku, "Lovisiwa na mali ya wena." Hi le ku tlangeni ka xiave xa Simon eka vuloyi, hi ringeta ku xava nyiko ya Xikwembu.

³³⁷ Vuyelani endzhaku eRitweni. Vuyelani endzhaku eka Xikwembu. Vuyelani endzhaku eka Kreste. Kutani mi nga kali mi vilela hi xikhomonisi. Hi ta vhothela munhu wa kahle leswaku a nghena. Hi tava na munhu un'wana wa kahle wo kotisa Abraham Lincoln, George Washington, un'wana loyi a nga munhu wa ntiyiso. Mi nga wu voni nandzu hulumendhe loyi a nga lahaya. A ho tivona nandzu hi hexe. Sweswo hi leswi Amos a ta swivula. Nakona sweswo hi leswi muprofeta un'wana na un'wana wa ntiyiso wa Xikwembu a ta swivula, loko a tiva Rito ra Xikwembu. Loko a ri muprofeta wa ntiyiso, a—a tiva Rito, hikuva Ri ta eka yena.

³³⁸ Israel, eka ku tirhisisa ka vona na—na nala loyi va nga n'wi endla. Xo sungula, va fanele ku fambela ekule na Rito ra Xikwembu, loko va nga se endla ntirhisano na nala wa vona.

³³⁹ Nakona hi nga se endla leswaku hi va na ntirhisano na valala va hina na swin'wana, hi fanele ku fambela ekule na Rito ra Xikwembu. Ahaa. Swa fana sweswi, mi pfumelela Rhoma yi nghena. Hikokwalaho ka yini, ha swi endla, nkarhi hinkwawo. Wu tekile mfumo. Wu le kutekeni ka tindhawu. Wu tekile vanhu. Sweswi wu le ku tekeni ka tikereke.

³⁴⁰ Xana hi endla yini? Ho tshama hi nga endli nchumu, hi pfumelelana na vona. "Oho, a swikali swi endla ku hambana hambi swi hi ndlela *leyi* kumbe ndlela ya *leyo*. Hinkwaswo i Xikwembu, hi ndlela yin'wana." N'wina swisiwana, lava va

nga tsakangiki, lava va tivulaka vaprofeta lava va nga wa. Ku humelela yini hi n'wina? A vari tivi Rito ha Xikwembu na swilo leswi. A vari dyondzi Rito. A va swi lemuki. Va vula leswaku xikhomonisi xi ya eku tekeni ka misava. Ee, a swi tano.

³⁴¹ Xirhoma hi xona xiyaka eku tekeni ka misava, nakona xi swi endla ehansi ka vito ra Vukreste. Xana Bibele a yi vulanga, Yesu a nga vulanga a ku, "Swi tava swi ri ekusuhi swinene, ku kondza laha swi yuthisaka na vona Vahlawuriwa, loko swi nga koteka?"

³⁴² Leswi hi swi lavaka namuntlha. Mi nge ndzi pfala, hi ku vula leswi. Sweswi ndzi ya eku pfaleni. Leswi hi swi lavaka namuntlha i muprofeta un'wana wa ntiyiso. Amen. Hi lava wanuna loyi Rito ra Xikwembu ri nga ta ta hi yena. Ina, makwerhu. U ta ariwa athela a hlongorisiwa, a hlongoriwa, kambe hakunene u ta bulusela goji. Yena, yena... Ina, aha. U tava na ntuyiso tani hiku haxa Timbewu tetu kufikela laha Vahlawuriwa va Ri kumaka. Aha. Hi swona sweswo. Hi lava muprofeta. Hi lava munhu loyi a nga na nhlamuselo ya kahle ya Rito yi nga ta ta hi yena, leswaku Xikwembu xi vulavula hi yena niku tiyisisa Rito, ku Ri endla leswaku ri va ntuyiso. Sweswo hi leswi hi swi lavaka. Kutani, makwerhu, hi tshembhisiwe un'wana, kuya hi Malakiya 4, "Ku ta tlherisela." Yini? "Ripfumelo ra vanhu, ri tlhelela eBibeleni." Hi tshembhisiwile un'wana. U ta swi endla.

³⁴³ Amos a swi tiva. Ina, nkulukumba. Amos a swi tiva, Israel, va rhandziwa va vona lava va nga khongeriki va ta va herisa.

³⁴⁴ Kutani varhandziwa va vona lava va nga khongeriki kungari khale va ta va herisa, yona mikhuva ya leyi ya xidinominexini na swin'wana leswi va nga tiboha eka swona vona. N'wina Mapentekostal, walowo i nchumu lowu wu nga ta mi hlasela, mikhuva ya n'wina na dinominexini. Mi le ku tiboheni hi n'wexe ehenhla halahaya, mi teka mfungho wa xivandzana, nakona a mi switivi hambi kuri ku switiva, mi swi kokela emahlweni ya n'wina. Hakunene. I ku boyikhota. Xana mi le ku ringetenka ka ku endla yini xana? "Mi nghena eka *leyi*, kumbe a mi ngheni." Wa vona? Ntsena wo rindzela, u kuma ntsena swintsongo, ntsena swintsongo nyana. Kutani, mi ri, "Ndzi ta huma eka swona." Ee, mi ngaka mi nga humi. Khale mi ri eka swona. Khale mi funghiwile. Mi kumekile mi ri na mfungho.

³⁴⁵ A swi na mhaka, Esau u rile hilaha ku bavaka, loko a tava a tivile ku antswa. Kambe urile hilaha ku bavaka, a ringeta ku kuma ndhawu leyi a nga hundzukaka eka yona, nakona a nga yi kumanga. U ta tshama kwalahaya. Sweswi i nkarhi wo baleka.

³⁴⁶ Amos a swi tiva leswaku varhandziwa va vona lava va nga khongeleki ku ngari khale ri ta va herisa, hikuva vona, kereke, va N'wi siyile, Xikwembu na Rito ra Xona, xi nga ndlela ya Vutomi. Va fambela ekule vasuka eka ndlela ya Xikwembu ya Vutomi,

kutani va ti endlela ya vona. Oho, Rito hi rona xirhalanganyi eka vona.

³⁴⁷ Kutani Swa ha fana namunlhha. Rito ra Xikwembu ri xirhalanganyi eka loyi a tivulaka Mukreste. N'wi byelete hi nkhuvulo wa mati eVitweni ra Yesu Kreste. N'wi byeli hi Xikwembu lexo kwetsima. Sweswo swi ta endla . . .

Kutani, kunene, va ri, "Kunene, hi na Moya lowo Kwetsima."

³⁴⁸ Kutani hikokwalaho ka yini ma ha ambala misisi yo bobiwā? Hikokwalaho ka yini ma ha khuvula hi vito ra "Tatana, N'wana, Moya lowo Kwetsima"? Hikokwalaho ka yini ma ha pfumela eka swilo leswin'wana leswi mi swi pfumelaka, mi tlhela mi va na maendlelo lawa mi endlisaka xiswona? Mi ya mi ya swikombisa. Mihadzu ya n'wina ya swikhorwisa. Yesu u teri, "Hi mihadzu ya vona, ma va tiva." Ina. Wa vona? Sweswo ntsena swi ya eku kombiseni, leswaku u vulavula hi swin'wana leswi u nga switiviki. Ina, nkulukumba. Ina.

³⁴⁹ Loko Amos a ri kona lahawani, a ta huwelela a lwisana na mafambiselo ya vona. Ma swi tiva sweswo xana?

³⁵⁰ Sweswi ndzi ya hlaya vheze yin'we ndzi nga se pfala, vheze ya vu8 ya kuavanyisa ka vu3. Kutani a hi hlayeni.

*Nghala ya vuvula, la nga taka a nga chavi i mani?
Yehovha . . . wa vulavula, loyi a nga taka a nga profeti
i mani xana?*

³⁵¹ Yingiselani. Hi ku pfala sweswi, ndzi lava ku vula leswi. Ndzi khomeleni kuva ndzi mi khomeletile, hafu ya awara yo hlwela. Kambe, langutani. Ndzi lava ku vula leswi. Ndzi muhloti. Ndza hloti. Ndzi tsakile kuva Xikwembu xi ndzi nyikile swin'wana swo kotisa sweswo.

³⁵² Siku rin'wana loko xibalesa xi duvula, ndzi tlhelele endzhaku ndzi wa, ndzi vona loko ndzi nga duvula nakambe. A ndzi xilavi leswaku xi ndzi chavisa. Loko a ndzi ntlumbile, epatwini, a ndzi nga ta tshika ku chayela movha. Loko ndzi ri eku fambeni ehansi kutani ndzi haka khapete hi xikunwani, kutani ndzi wela efasitereni, a ndzi nga ta tshika ku famba. Wa vona? Ee, ee. Xikwembu xi ndzi nyika vutiorori byo tengə. Yaloye a ri Sathani. Xexo a xi ngari Xikwembu. Wa vona? Yaloye a ri Sathani.

³⁵³ Sweswi, ndzi tiva ku tivitana ka ximoya eka swona. Kuna hina vanharhu ekamareni sweswi, lava va swi tivaka leswaku i yini. Nakona a swi ta kurisa misisi enhlokweni ya n'wina, kambe a ndzi nge byeli na un'we. Wa vona? Ntsena vanhu lava vanharhu ntsena, kuva xitiyisiso. Sweswi, swilulamile hinkwaswo. Hinkwaswo swi . . . Xikwembu xi tiva hinkwaswo ha swona, ni kuva xirhange hi ku swi tshinya, na hinkwaswo. Nakona ha switiva. A kuri xiphemu xa nandzu wa mina, nakona a ndzi ri na swin'wana.

³⁵⁴ Ndzi—ndzi tekile munhu un'wana nkarhi wun'wana, loko a ndzi nga n'wi tekanga. Ntsena a ndzi tava ndzi ninginisile xivindzi lexi xi nga eka yena. Wa vona? Ematshan'wini yo swi endla sweswo, a ndzi fanele hi ku xi hakela. Swingaleswi, kutani, swingaleswi hina... Sweswo hi swona hinkwaswo. Hi mina, nakona swi rivaleriwile sweswi. Nakona hi taya emahlweni. Wa vona? Ina.

Amos, vhese leyi ya vu8, “Loko nghala yi vuvula i mani loyi a nga taka a nga chavi xana?”

³⁵⁵ Ndzi hlotile emakhwatini ya le Afrika. A ndzi ri hinkwako laha tinghala a ti ri kona. Hi yena hosi ya swiharhi. Ndzi etlerile emakhwatini hi minkarhi ya na vusiku kutani ndzi twa ku rila ka swinyenyana hi ku chava na timhisi, ku hlekelela na ku huwelela, na—na ku—na swiharhi swo hambanana. Nakona timhisi tin'wana ti nga endla, ntsena swi virisa ngati ya n'wina loko swirila. Nakona ku na tiyingwe, na ku huwelela ka tona, na hinkwaswo, na swifufunhunhu, na minkawa, na tinfenhe, na magidi ku andzisa hi magidi, “ku huwelela, ku rila.” Loko u famba hinkwako, u nga twa minxaka hinkwayo ya swilo yi yaka emahlweni. Kambe u nge nghala yi dumaduma, swifufunhunhu swi ta miyela swi ku whi. I ku miyeta loku ku dlayaka. Swi miyela swi ku whi. Yini? Hosi ya swona yi vulavurile. Amen.

³⁵⁶ “Loko nghala yi vuvula, i mani loyi a nga taka a nga chavi xana? Loko Xikwembuu xi vulavula, i mani loyi a nga taka a nga profeti xana?” Loko Xikwembu xi vulavula, muprefeta wa rila. Ma swi tiva leswi ndzi swivulaka xana? [Nhlengeletano yi ku, “Amen.”—Muhleri.] Muprefeta wa ntiyiso wa rila. Vanghana, Xi vulavurile. Kutani, u nge xivumbiwa xin'wana na xin'wana xa Mfumo wa Xona xi tekela enhlokweni eka leswi Xi nga swivulaka.

³⁵⁷ Loko nghala yi nga lemuka leswaku ku na swin'wana leswi swi nga hoxeka, loko a dumaduma, hinkwaswo swa mfumo wa yona swa miyela. Swa yingisela. Hambi kuri swifufunhunhu leswintsongo, hambi swi ri tano, u va ari eka mfumo wa nghala yaleyo. Ngati yaleyo yi vilaka hi ku rila ka mhis, wa miyela. Ndlompfu yaleyo yi nga lahaya, leyi yi nga rhwalaka nghala, yi yi wayindhela hinkwako hi, “Xakwa! Xakwa!” Kutani mi nge nghala yi dumaduma, u ta miyela a yima a nga ninginiki. Mi nge nyarhi, leyi yi nga tlhavaka, leyi langutekaka tani hiloko yi pfurhetela ndzilo hi tinhompfu ta yona. Loko nghala yi yi tlulela, a yi nge swikoti hambi kuri ku swikota ku yi chavisa. Mi nge mhelembe, na tithani ta yena ta nkombo to hloma, a n'wi tlhava, na nhompfu ya yena leyikulu. U nge nghala yi dumaduma, wa yima endleleni ya yena. Mhaka i yini? Hosi ya yena yi vulavurile. Wa vona? U lava ku twa leswi swi nga ta vuriwa.

³⁵⁸ Kutani loko Xikwembu xi vulavula, muprefeta wa rila. Kutani mi nge Mfumo wa Yena wu tekela enhlokweni leswi a swi

vulaka. Xikwembu xi vulavurile. Mi nge xivumbiwa xin'wana na xin'wana xa Mfumo wa Xona xi yingisela leswi Xi swi vulaka.

A hi khongeleni.

³⁵⁹ Wena Nghala, ya nyimba ya Yuda, pfuka u dumaduma! Wena loyi u dumadumaka eka siku leri ro hetelela. Mahlo ya Wena ya lala. U langutile ehansi. U le kuvoneni ka vudyoho bya vona lava tivilaka tiko ra Vakreste na misava. U le ku voneni ka vudyoho bya tiko leri, loko ri xaviwile hi Ngati yo hlawuleka. Wa ku vona laha tidinominexini ti tlhengukaka kona eka Rito ra Wena. Wa va vona hilaha vaprofeta vamavunwa va nga eku hembeni hakona. Va tsan'wa Ntiyiso wa Xikwembu.

³⁶⁰ Dumaduma, Wena Nghala ya Yuda! Pfumelela vaprofeta va Wena va huwelela. “Loko Xikwembu xi vulavula, i mani loyi a nga taka a nga profeti xana?” I Rito ra Xikwembu leri ri humaka eBibeleni, ri famba-fambaka na muprofeta. A nga miyerisa ku yini xana? Loko a nga swi endla, u ta pfurheteriwa a va swiphemu-phemu. Wena Xikwembu, pfumelela muprofeta wa Wena a dumaduma, Hosi. A dumaduma Hungu ra Wena, Xikwembu, kutani pfumelela xivumbiwa xin'wana na xin'wana xa Mfumo wa Wena xi yingisela.

³⁶¹ Leswaku va nga ha tshika. Leswaku vavasati va nga ha tshika kutani va tikambela hi vox. Leswaku vavanuna va nga ha tshika va tikambela vona hi vox. Leswaku muchumayeri un'wana na un'wana loyi a yingiselaka thepi ley, a tshika a tikambela hi yexe, hikuva Nghala ya nyimba ya Yuda yi dumadumile. Na Rito ra ntiyiso leri ri taka eka vaprofeta, va vulavula, va huwelela leswaku, “Hundzukani mi tlhelela endzhaku nkarhi wu nga se famba.”

³⁶² Xikwembu, ndzi tisa Hungu, leri ri nga eka thepi ni le ka vayingiseri lava va vonakaka, eka Wena mixo lowu, hi ku tshembhela eka Wena leswaku u ta Ri pasisa. U tlhela u vitana n'wana un'wana na un'wana wa xinuna na wa xisati va Xikwembu, lava va nga ehansi ka...lava va nga ta twa thepi ley, kumbe ehansi ka mpfumawulo wa rito, leswaku va tlhelela eku hundzekeni nkarhi wu nga se famba.

³⁶³ Nakona ndza pfumela, Hosi, loko U nga rhumela Amos lahawani, wa ha ta huwelela swo fana. Hikuva a nga ta huwelela...Kambe loko ntsena a ri muprofeta wa Hosi, hi yena murhumeri wa Rito emahlweni. U rhumela emahlweni hi Rito, na Rito, nakona a ri Rito. Sweswi, Hosi, a swi endleke, hi Vito ra Yesu Kreste. Amen.



NDLELA YA MUPROFETA WA NTIYISO WA XIKWEMBU TSO62-0513M
(The Way Of A True Prophet Of God)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mudyaxihi 13, 1962, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org